

WANTOK

Niuspepa bilong Papua Niugini stret

- 25 yia nau

40 pes

Namba 1102

Wik i stat long Fonde, Ogas 10, 1995

50 toea

Sir Michael redi long sevim asples



● Sir Michael holim Baibel na mekim promis long holim gut wok olsem gavana bilong Is Sepik long Gavman Haus. Foto: Ivan Bayagau.

ELIZABETH LENY i raitim

NAMBA wan Sief Minista na Praim Minista, Sir Michael Somare i redi nau long go bek long asples bilong em, Is Sepik na developim olsem gavana. Dispela em bihain long em i bin holim bikipela sia long planti yia, tasol asples bilong em yet i no develop liklik.

Sir Michael i tok em i redi long go bek na wok wantaim ol pipel bilong em.

Em i mekim dispela toktok taim em i sainim pepa olsem gavana bilong Is Sepik long ai bilong Gavana Jenerel Sir Wiwa Korowi las wik, Fonde Ogas 4.

Sir Michael i no bin vot long bil bilong kamapim dispela nupela kain gavman.

Bihain Sir Michael i tokim Wantok olsem taim olpela provinsal gavman sistem i stap, ol pipel i no bin kisim gupela sevis.

I go moa long pes 2



● John Tekwie ... Sandaun provins.

19 gavana tokaut pinis long nem

OL arapela memba husat i bin sainim pepa long kamap olsem gavana bilong provins bilong ol long wankain taim em Aito Ivarato (Isten Hailans), Fransis Koimanrea (Is Niu Briten), John Orea (Sentrel), John Tekwei (Sandaun), Sylvanius Siembo (Oro), Jeffery Balakau (Enga), na Sir Michael Somare (Is Sepik). Nau yet planti memba i yesa pinis long kamap gavana long wan wan provins bilong ol. Na wokim promis bilong ol long ai bilong gavana jenerel.

Sampela bilong ol dispela olpela memba em olpela Oposisen Lida Paias Wingti (Westen Hailans), Aita Ivarato (Isten Hailans), Jerry Nalau (Morobe), Bill Skate (Nesenei Kapitel Distrik), na Martin Thompson (Manus). Olgeta nupela gavana em ol Rijonal Memba long Palamen. Wilson Peni bilong Nu Ailan tasol i no wanpela Rijonal Memba long Palamen. Tasol ol Nu Ailan memba i bung na makim em. Bikos Rijonal Memba Paul Tohian i laik holim yet sia bilong em olsem Minista bilong Edministretiv Sevis.


I go moa long pes 2.



● Jerry Nalau ... Morobe provins.



● Sylvanius Siembo ... Oro provins



● John Orea ... Central provins.

BUNGIM OL GAVANA NA DEPUTI GAVANA

PROVINS

1. NCD
2. Sentrel
3. Galp
4. Milen Be
5. Westen
6. Oro
7. Morobe
8. Madang
9. Is Sepik
10. Sandaun
11. Isten Hailans
12. Simbu
13. Westen Hailans
14. Enga
15. Sauten Hailans
16. Wes Nu Briten
17. Is Nu Briten
18. Nu Ailan
19. Manus


GAVANA

Bill Skate
John Orea
Thomas Koraea
Tim Neville
Dere Wamaro
Sylvanius Siembo
Jerry Nalau
Peter Barter
Michael Somare
John Tekwie
Aita Ivarato
Yauwe Riyong
Paiaas Wingti
Jeffery Balakau
Dick Mune
Lukas Waka
Francis Koimanrea
Wilson Peni
Martin Thompson

DEPUTI GAVANA

Mike Gorogo
Paul Kipo
Riddler Kimave
Jones Liosi
Isidore Kaseng
Douglas Garawa
Titi Christian
Mathew Gubag
Alex Anisi
Peien Aloitch
Robert Atiyafa
Edward Abba
Lukas Roika
Danley Tindiwi
Francis Awesa
Bernard Vogae
Sinai Brown
Samson Gila
Stephen Pokawin

Tripela olpela primia husat i kamap deputi gavana nau : Isidore Kaseng, Titi Christian na Stephen Pokawin i no sainim nem yet long kisim dispela nupela wok. Na Wilson Peni bilong Nu Ailan em wanpela gavana tasol husat i no Rijonal Memba long Nesenei Palamen. Na Bogenvil i no kam aninit long dispela senis, inap nesenei gavman i skelim ol hevi pastaim long hap.



**BAIM WANPELA NIUPELA
SUPA KIJANG
LONG K13990 TASOL**

EM SPESEL BILONG MOSBI NA LAE

RINIM KIJANG HOTLAIN...
MOSBI PH 322 9441 • FAX 321 7268 • SCRATCHEY RD. BADILI
LAE PH 427064 • FAX 422463 • MILFORDHAVEN RD. LAE

Ela Motors

EMD173

Plis Ripot

MOSBI, Nesenel Kapitel:

Tupela pikinini ibin dai long las wiken bihain long paia i kukim haus long Mosbi.

Birua ya ibin kamap long Sabama Bundi kem long Fraide nait.

Tupela pikinini wantaim seven na tupela krismas ibin slip i stap long haus taim paia i kamap. Dispela em long samting olsem 11 kilok nait. Tupela ya i bilong Gembogl eria insait long Simbu provins.

Ol ripot we ol ai witness i givim i tok ol bin traime long autim paia tasol ol no bin inap.

Tupela papamama ibin sindaun i stap ausait wantaim sampela lain bilong ol taim birua ya i kamap.

Ol lain bilong paia briget ibin kam na sevim haus long paia olgeta.

Ripot i tok ol ino painim yet as na paia i kamap.

MOSBI, NCD:

Spesel operesen plis insait long Mosbi siti long dispela wik ibin holim pasim na sasim eitpela pamuk meri long ol i yusim wanpela hostel long wokim pasin pamuk.

NCD plis komanda Philip Taku ino givim aut moa toktok long dispela samting, tasol em bin tok ol plis ibin larim eitpela meri i go fri bihain long wan wan meri i peim K50 beil mani.

Ol ripot i tok ol lain husat i stap klostu long dispela hostel ibin ripotim samting ya i go long plis na long las wik, plis i go insait, reidim hostel na holim pasim ol meri husat i save yusim ples olsem pamuk haus.

Pasin pamuk na yusim haus long wokim dispela kain pasin em i tambu long lo bilong PNG.

Long ol ripot, wanpela man kastoma bilong hostel ya i tok ol save yusim mein ges haus bilong ol ovanait kastoma. Na ol deitaim kastoma i save yusim boihaus.

Em i tok tu olsem long ovanait wantaim wanpela meri, ol kastoma i save peim K25 long rum na igat narapela fi yet ol i peim long slip wantaim meri.

Ol detaim kastoma, man ya i tok, i save peim K5 bilong slip wantaim meri.

Plis i mekim ol wok painimaut long dispela samting nau long sasim papa bilong haus ya.

MADANG:

Plis long Madang i sutim dai tupela manki we ol i bilipim olsem ol bin memba bilong wanpela grup husat i wokim ol bikpela birua long provins las ya.

Ol ripot i autim nem bilong tupela daiman olsem Joses Geu wantaim 20 krismas na Danny Kait wantaim 22 krismas. Tupela manki i bilong Karkar Ailan insait long Madang provins yet.

Provinsal plis komanda Robert Kalasim i tok em na ol lain bilong em bai i wokim olgeta samting long mekim Madang i wanpela gutpela taun bikos nau ol i mekim ol wok redi bilong hostim Saut Pasifik Forum bung long hap neks mun.

Olsem na plis i askim komyuniti long helpim ol long kisim ol raskel grup na husat moa i laik wokim trabel.

Boi Is Sepik bungim birua long teksu

EDDIE SAUNDERS i raitim

Boroko na i laik go long haus blong em long Ela Bis long taun.

Em kisim teksu long Boroko maket. Na pasim tok wantaim tekis draiva olsem bai em baim K10 tasol long i go long taun na tupela i go.

Tasol taim ol i kamap long Badili, draiva i stap taim em i lukim ol wantok bilong em. Na wantok bilong teksu draiva i holim bikpela bus naip na i luk olsem ol i redi long mekim sampela trabel.

Teksu draiva i lukim olsem na tokim boi ya long go

daun na wokabaut. Boi ya i tok draiva i givim eskus olsem bikos K10 mak bilong baim teksu i pinis.

Boi i askim long K10 bilong em bikos tupela i pasim tok pinis olsem bai em i bai K10 long kisim em i go long Ela Bis.

Tasol draiva i strong long em i mas go daun.

Na long dispela taim em i tokples i go long ol wantok bilong em.

Boi ya tanim na naip plai i kam long nek bilong em. Laki tru na em i stat long ron

na naip i bagarapim tasol antap long yau na het bilong em.

Plis i holimpas wanpela man pinis long dispela birua.

Tasol narapela samting gen bin kamap long yanpela boi ya.

Taim plis i kisim em i go long haus sik, ol sista i no givim em marasin. Bikos em i mas bai K10 pastaim long kisim marasin. Trangu i bin painim taim wantaim pen i go tulait. Nalong Sande em i painim mani i go long wantok na bihain i go kisim marasin.

Mokoi lida askim long bel isi

WANPELA bikman o lida man bilong lain Mokoi bilong ples Kisenepoi insait long lalibu Sauten Hailens provins i askim ol lain Perai husat i save silip arere long wara Kagul long noken kisim lo i go insait long han bilong ol yet.

Mokoi Nimu wanpela lida i mekim dispela toktok bihain long wanpela man Perai husat i save

wok olsem sekyuriti i bin bungim birua long taim em i ron long kar.

Mista Nimu i tok olsem as bilong trabel em i no klia tasol em i tok i gat bilip olsem sekyuriti ya i kalap antap long kar bilong lalibu Hai Skul long sekim ol kago taim em i painim dispela bagarap.

Tokwin i kamap olsem draiva husat i

draivim dispela kar bilong hai skul i kisim man ya na em i tekop i go na karim man ya i go wantaim long skul we man ya i kisim dispela bagarap.

Mista Nimu i singaut long ol lain Perai long lusim ol plisman yet i mekim wok sekap na em i askim ol long stap isi na noken kisim lo i go long han bilong ol yet.

Mao Zeming kisim ples bilong Soling

MOA Zeming liklik brata bilong leit memba bilong Tewai Siassi Soling Zeming husat i bin dai i winim bai ileksen bilong Tewai Siassi na kamap nupela memba bilong dispela ilektret.

Long taim bilong kantim ol vot, ol i kauntim long las mun na em i win long 3,817 vot na man klostu long em Royden Aigal i stap long 1,987 vots tasol.

Long taim bilong kauntim vot, ol i kauntim 32

balot bokis olgeta.

Ol sapota bilong kenidet ya i amamas nogut tru taim eking komisina bilong Siassi Distrik Calista Robin i tokaut long namba bilong ol man i win.

Ol narapela lain husat i win resis na namba em Mao Zeming 3,817, namba tu em Pangu kendited Royden Aigal 1,984, namba tri Christopher Akwa 1,782, 4 em olpela Morobe spika Isak Narol 1,292, 5 Aune

Lotto 1,292, 6 Howard Joseph 1,081, 7 Tala Gongo 1,056, 8, Ruaine Kima Reuben 584, 9 Ziget Sumba 317.

Liklik brata bilong leit Soling Mao i kamap nupela memba bilong Tewai Siassi em ol i ilektim pinis.

Em i tok olsem as tingting bilong em long surikim wok em brata bilong em i lusim i stap na tu em i amamas long olgeta pipel husat i votim em.

19 gavana tokaut pinis long nem

I kam long pes 1

Ol deputi gavana

Ol lain bai kamap deputi gavana em ol primia. Olgeta primia i mekim promis o sainim nem pinis. Tripela deputi gavana tasol husat i no sainim nem yet long dispela nupela posisen em Isidore Kaseng (Westen), Titi Christian (Morobe) na Stephen

Pokawin (Manus).

Mista Pokawin i gat bikpela tok pait wantaim Mista Thompson long wanem stretpela samting mas kamap long provinsal asembli, Haus Lapan (lukim ful ripot long pes 3).

Bogenvil

Bogenvil Trensisenel Gavman

i no kam aninit long dispela nupela kain gavman.

Bikos nesenel gavman i kamap aninit long narapela kain lo.

Olsem na em bai wok yet inap olgeta samting i stret long allan bai ol senis i kamap, bihain luksave bilong nesenel gavman.

MOA RIPOT LONG PES 5

Sir Michael redi long sevim asples

I kam long pes 1

Bihainim dispela em i tok insait long dispela nupela sistem, em i laik lukim gutpela toktok na wokbung namel long ol pipel na ol lida.

Bikos em i lukim olsem insait long olpela sistem, planti provinsal memba i save lukluk na sutim tok long ol nesenel memba long mekim wok.

Bihainim dispela, Sir Michael i tok ol pipel i mas luksave olsem bipo long dispela nupela sistem, wok bilong ol em long mekim lo na astingting bilong kantri.

Na wok bilong ol provinsal gavman memba em long lukluk gut na kisim gutpela sevis i go long ol pipel. Tasol nau, em i mas go bek na wok wantaim ol pipel.

Sir Michael i tok moa olsem em i redi long go na stat wok wantaim ol grasrut pipel insait long provins bihain long olgeta dispela ya, em i bin stap long gavman.

Wantaim olgeta save na wok painimaut em i bin kisim taim em i bin stap long gavman, Sir Michael i bilip olsem em bai mekim gutpela wok long helpim ol pipel bilong em.

Namba wan samting Sir Michael i tok em bai mekim em long oge-naisim ol pipel.

Na bihain bai ol i stat long wokbung wantaim.

Sir Somare i tok tu olsem insait long olpela sistem, olgeta provins i save kisim namel long K4 milien na K5 milien long olgeta ya.

Tasol nau, wanwan bai kisim K38 milien.

Olsem na dispela em wanpela samting i mekim Sir Michael i amamas long sistem ya. Bikos wanwan provins bai gaf inap mani nau long karimaut ol developmen wok.

Dispela em Sir Michael i tok nesenel gavman i mas wokim tru. Na i no makim long namba tasol na i no bihainim.

Em i tok nesenel gavman i noken ting olsem ol i kamap olsem ol gavana na bai ol i pasim maus. Em i tok ol bai lukluk na toktok yet sapos wanem samting gavman i mekim i no stret.

All departments Phone: 25-2500 Fax: 25-2579

WANTOK

Published Weekly, Thursdays, for

Word Publishing Co Pty Ltd

Printed and published by Anna Solomon of Bittern Place, Gorikons, at Allotment 2, Section 209, Spring Garden Road, Hohola, for Word Publishing Co Pty Ltd. General Manager and Company Secretary: Ian Fry Group Editor in Chief: Anna Solomon Editor of Wantok: Leo Wafiwa Acting Advertising Manager: Anthony Liou

Advertising deadlines Display bookings: Monday, midday Camera ready copy: Tuesday, midday Classified advertising: Wednesday 2 pm

PO Box 1982 Boroko NCD Papua New Guinea

Regional office: Suite Haus Tisa, Second Street Lae, P.O. Box 1726, Lae, Morobe Province Phone/fax 42-0618 Phone: 42-1562 Regional Manager: Alphonse Pu Papers distributed by air throughout PNG. Available by airmail subscription within Papua New Guinea and overseas. Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust. Sydney, James Tokin, (043) 85 1746 Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it seems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Pokawin na Thompson kros yet

YAKAM KELO i raitim

MANUS Provinsal Gavman i no bin bihainim rot bilong holim miting long makim gavana na ol memba bilong nupela Provinsal Gavman na Lokel Level Gavman sistem long Tunde, olupela primia Stephen Pokawin i tok.

Mista Pokawin i tok, long dispela wik Tunde, i nogat inap memba long Haus Lapan long holim miting. I nogat Standing Oda bilong muvim dispela miting bilong makim ol memba. Bikos dispela em i nupela sistem, i mas gat lo bilong bihainim long kamapim miting.

Olsem na long dispela as, Mista Pokawin i tok ol i laik skruim taim bilong holim miting i go long Fraide tumoro we olgeta memba i ken kamap na ol i ken makim gavana na ol memba.


Tasol nupela gavana, Martin Thompson i tok dispela i no trupela

toktok. Bikos ol i no bin holim wanpela miting long Tunde we ol bai bihainim ol liklik Standing Oda na lo bilong kamapim miting.

Mista Thompson i tok olgeta hap long Papua Niugini em Nesanel Eksekutiv Kaunsil (NEC) i makim 8 Ogas em taim bilong tokaut long olgeta gavana bilong ol provins. Olsem na em i mas kamap gavana bilong Manus long dispela taim.

Mista Thompson i tok em i mas kamap gavana bihainim oda bilong NEC long 8 Ogas. Bikos Stephen Pokawin na planti memba bilong em i no bin kamap, em i makim tasol ol 4-pela lain husat i bin kamap olsem keateka gavman bilong Manus inap neks wik Trinde we olgeta i mas bung na holim miting bilong makim ol memba.


Tasol Stephen Pokawin i tok Martin Thompson i no bihainim lo stret bikos em yet i makim em yet olsem gavana na tu makim ol arapela memba olsem keateka gavman. I mas gat 19 memba olgeta



• Pokawin.

long Haus Lapan long holim miting na makim ol memba na gavana.

Long bekim toktok bilong Mista Pokawin, Martin Thompson i tok i nogat rot bilong holim vot long wok bilong em. Bikos i nogat narapela man i sanap resis wantaim em long sea bilong gavana. Olsem na em i mas kamap gavana yet long 8 Ogas wankain olsem olgeta



• Thompson.

gavana long olgeta provins.

"I nogat man long resis wantaim mi olsem na mi kamap gavana stret na makim keateka gavman inap neks wik Trinde we olgeta memba i mas bung na makim ol memba bilong nupela lokel level gavman".

Mista Pokawin i tok em i no gat tingting long stapim Martin

Thompson long kamap gavana. Tasol em i laikim bai ol samting i mas bihainim gutpela rot stret bikos dispela em bikpela senis tru na gavman i hariap pusim tumas.

Ol memba bilong Manus provinsal gavman i bin kisim toksave bilong gavana i kisim wok long dispela wik Mande 7 Ogas. Dispela em bihain long Gavana Jenerel, Sir Wiwa i bin sainim pepa bilong nupela senis ya long Fraide 4 Ogas. Pepa ya i kamap long Manus long Mande na olgeta memba i bin luksave olsem Tunde em taim bilong lusim opis.

Stephen Pokawin i tok wanpela samting tu we ol i strong long en em olgeta memba bilong olupela provinsal gavman i mas stap yet na kamap presiden bilong kaunsil eria bilong ol. Ol i bin salim toktok i go i kam wantaim Waigani na ol i oraitim Manus provinsal gavman long holim yet 17 memba bilong ol i stap olsem kaunsil presiden bilong Lokel Level Kaunsil.

5-pela Katolik Komyuniti skul long Mosbi bai kamapim Prep 1 na 2 long neks yia

VERONICA HATUTASI i raitim

KATOLIK Asdaiosis bilong Mosbi bai mekim sampela bikpela senis long 5-pela komyuniti skul bilong em long neks yia, 1996.

Dispela senis bai kamap bihain long NCD Provinsal Edukesen Bod (PEB) i tok oraitim asdaiosis long go het wantaim plen na laik bilong em long dispela samting. Na i bihainim Edukesen top ap program bilong nesanel gavman

Ol ripot we Wantok i kisim long ol Katolik Edukesen atoriti long dispela wik i tokaut olsem Holi Roseri Komyunit skul long 6 mail, Sen Peter Chanel long Erima, Sen Therese's long Badili, Sacred Heart long Hohola na Sen Paul's long Gerehu bai skruim nupela edukesen rifom.

Aninit long nupela sistem, ol bai kirapim tupela yia elementeri klas. Dispela em long Prep 1 na Prep 2.

Bihain long dispela, long go het long skul em long praimer level we i karamapim gred 3 i go inap long gred 8. Na bihain ol bai inap long go hetim gred 9 inap long 12 long hai skul.

Wanpela mausman bilong Katolik Asdaiosis edukesen opis i tok dispela muv bai kamapim sampela senis long Marianville na De La Salle Hai skul ausait tasol long Mosbi siti, tupela teknikal skul bilong ol long Don Bosco na Caritas insait long siti yet, Limana Vokesinel skul long Godens na tripela yut senta insait tu long siti.

Em i tok tu olsem ol senis we ol i laik go hetim neks yia bai stat daunbilong long elementeri level na go antap inap long gred 12.

Tasol mausman i tok asdaiosis edukesen ejensi i lukluk, skelim na glasim ol rot pinis long olgeta level. Bihain bai ol i mekim senis long wanwan level inap ol i kamap long gred 12. Bikos wanem samting ejensi i laikim em long olgeta

sumatin i gat sans long go hetim skul bilong ol inap long gred 12. Tasol em i tok husat manki i gat laik long go long teknikel, vokesinel na ol bikpela skul olsem koles na yunivesiti, em bai laik bilong wanwan.

Mausman i tok wanwan bod ov menesmen long ol dispela komyuniti skul i redim ol plen long kirapim dispela ol nupela senis. Dispela em ol plen bilong kamapim moa klasrum, laibreri (haus bilong ol buk), saiens leb na ol arapela moa. Wanwan bod ov menesmen bai wok wantaim Nesanel Kapitel Distrik Komisen na nesanel gavman long lukim olsem ol plen i redi long senis i kamap.

Long sait bilong ol polisi long go hetim ol nupela rifom, mausman i tok Katolik edukesen ejensi i redi pinis. Tasol ol i no kisim gutpela bekim i kam long gavman long helpim mani. Dispela em mani we gavman bai skelim long ejensi long go hetim wok bilong em long dispela.

DR. WONG'S MARASIN SOP



SULPHUR SOAP
DR. WONG'S MEDICINAL
SULPHUR SOAP

GERMICIDE · FUNGICIDE
PARASITICIDE

Sop bilong rausim

- Kaskas
- Jems
- Skabis skin soa
- Skin soa

Yusim olgeta de

Askim stoa klostu long yu

Distributed by **C B Chee** Lae: 42 1333 Hagen: 52 1579
For Wholesale savings



WANTOK

NIUSPEPA BILONG OL PAPUA NIUGINI STRET

Sapotim ol gavana

Bikpela samting nau long dispela wik em long ripot bilong ol gavana i kisim opis long wanwan provins. Olgeta bikman olsem olupela oposisen lida, Paias Wingti (Westen Hailans), Martin Thompson (Manus), Aita Ivarato (Isten Hailans), John Tekwei (Sandaun) na namba wan sief minista na praim minista bilong kantri, Sir Michael Somare i kisim opis pinis. Maski sampela i vot egensim dispela bil long palamen.

Bikpela samting em palamen i oraitim pinis dispela senis long kamap.

Olsem na askim i go nau long olgeta provinsal lida wantaim pipel long sapotim dispela rifom. Ating em i gutpela long lukim ol saveman long nesanel level i go bek long divelopim provins wantaim gupela save bilong ol aninit long dispela sistem.

Olgeta kain sistem i gat gutpela na nogut bilong en olsem dispela nupela sistem. Wanpela samting i nogut em sistem ya bai kos moa mani long ronim. Tasol mipela mas pasim tingting na sapotim pastaim.

Na tu em i namba wan taim wanwan provins bai kisim bikpela mani olsem K38 milien em nesanel gavman i makim long givim, bihainim ol dispela senis.

Olsem Sir Michael i tok, nesanel gavman i mas bihainim promis bilong em. Em i noken makim namba tasol, na bihain givim K5 milien. Dispela i no gutpela pasin tumas.

Tasol bikpela samting em planti bilong dispela mani mas go long pipel. Na noken lus nating long ol edministretiv kos.

Miriung laik rausim tas fos long Bogenvil

PRIMIA bilong Bogenvil, Theodore Miriung i tok strong long rausim nupela Bogenvil Task Fos we gavman i bin kamapim long Loloho. Dispela em long mun Jun bilong dispela yia tasol.

Samting tru we ol pipel bilong Bogenvil i laikim em stap bilong wanpela lain grup soldia tasol wantaim komanding opisa i bosim ol olsem long bipo.

Dispela toktok i kam aut bihain long planti komplek i kamap long ol pipel olsem nupela fos ya i bagarapim wok bilong painim gutpela sindaun long Bogenvil. Kenel Leo Nuia i go pas long dispela nupela task fos.

Mista Miriung i tok taim namba wanplen i stap, gutpela wok go het i bin stap namel long ol pipel, ol sief, ol BRA na resiten paitman na ol sekyuriti fos. Na wok bilong kamapim bek gutpela sindaun long Bogenvil i bin go het gut tru.

Tasol wantaim long kamap bilong nupela task fos na bos bilong ol Kenel Nuia, wok i no go gut. Bikos ol pipel i pret long wanem ol i nogat bilip long tas fos.

Mista Miriung i tk bikos long tas fos na pasin bilong pait na kilim indai man namel long ol BRA paitman husat i hait yet long bus, wantaim ol sekyuriti fos memba i wok long kamap long saut na sentrel Bogenvil long dispela taim.

Gavman yesa long rausim 6-pela BRA long Kerevat haus kalabus

VERONICA HATUTASI i raitm

NESENEL gavman long las wik i bin yesa lasim 6-pela memba bilong BRA husat i kalabus long Kerevat haus kalabus long Is Nu Briten long go fri.

Dispela 6-pela BRA paitman i stap long kalabus long rong we ol bin wokim long taim bilong bikpela pait long Bogenvil ailan.

Praim Minista Sir Julius Chan i bin tokaut long dispela samting insait long namba 4 kibung we nesanel gavman wantaim ol lain i makim Bogenvil Trensisenel Gavman i bin sindaun long en long las wik, Fonde Ogas 3.

Bogenvil Primia Theodore Miriung i bin go pas long grup

bilong em we i bin gat 14 man i makim interes bilong komyuniti insait long wanwan interim atoriti eria long ailan. Sir Julius Chan i makim gavman.

Sir Julius i tokaut long dispela samting long soim gutpela tingting bilong gavman i go long ol lain BRA olsem em i no giaman-im ol taim em i oraitim dispela amnesti i go long ol long mun Me, 1995.

Taim tupela sait wantaim i tok-tok long hams amnesti (min olsem lusim ol samting bilong pait).

Tasol nogat wanpela paitman i givim bek wanpela samting bilong pait i go long han bilong ol gavman opisa long wanwan eria. I gat ripot olsem wanpela

bikman tasol i givim bek samting bilong pait.

Mist Miriung i bin tok BTG i kirapim pinis ol wanwan eria pis komiti na putim ol sief long sekim wok bilong ol dispela komiti.

Dispela rot, BTG i lukim olsem em bai mekim isi long ol yangpela man.

Bikos ol i no inap pret long lusim o givim bek ol samting bilong pait long han bilong ol sief.

Olsem na aninit long dispela nupela rot bilong kisim bek ol samting bilong pait, i gat bilip olsem gavman bai lukluk long skruim hams amnestri taim i go long sampela mun bihain.

Nipitarai tok Wisai eria bai kamap gut

TELEI distrik pis komiti bai wok strong yet long lukim olsem ol pipel long Wisai eria i sindaun gut.

Deputi siaman bilong komiti, John Napitarai i mekim dispela toktok long Buin taim em i kli-aim ol toktok paul long tupela

BRA komanda na namba tu bilong em, husat ol sampela lain i tok olsem tupela i go bek long go hetim pait long bus.

Long Buin taun eria, sindaun i wok long kamap orait. Na ol liklik bisnis i wok long kirap nau. Dispela em ol bisnis olsem ol tred stoa,

rais prosek, katim kakau na ol arapela liklik prosek olsem long kisim mani.

Mista Napitarai i tok ol yangpela i wok nau long kamapim bek gutpela sindaun gen long ples na ol pipel bilong ol.

Bikos sindaun i wok long kamap orait, em i singautim ol helt woka, edukesen opisa, ol pab-

lik sevan, ol balus na siping kampani wantaim tu ol dona ejensi bilong kam na lukim long ol yet wanem samting i kamap long Buin nau.

Em i askim strong ol komyuniti na hai skul tisa long aplai na helpim long skulim ol pikinini na kamapim gut gen Bogenvil. Long wankain taim tu, Telei

Interim Atoriti i singautim strong gavman long givim sampela mani bilong stretim ol rot, bris na ol arapela prosek moa bilong ol yut long Buin distrik.

Bikpela wok, Mista Napitarai i tok, i stap long stretim tripela hap rot em long Buin-Kangu -Buin rot na Buin Luloru rot.

Bikman askim Wisai BRA komanda long kam aut

DEPUTI Siaman bilong Telei Interim Atoriti, na tu distrik pis komiti long Buin, John Napitarai i putim strongpela singaut i go long wanpela BRA komanda bilong Wisai eria long kam aut long bus. Na helpim wantaim wok bilong kamapim gutpela sindaun long Buin.

Nem bilong dispela BRA komanda em Andrew Miriki. Mista Napitarai i mekim dispela singaut bihain long sampela paul toktok we Mista Miriki i mekim olsem klostu bai Bogenvil i kisim independens.

Bikos Yunaited Nesens i tokorait pinis long dispela.

Dispela ol kain toktok antap long dispela we ol i mekim olsem bos bilong ol BRA long Buin distrik, Paul Bobby na namba tu bilong em Peter Naguo i go bek gen long bus bilong pait i no tru tumas.

Em i tok Bobby na Naguo long dispela taim i wok wantaim ol sekyuriti fos long Buin eria, ol sief, ol yut, komyuniti na ol opisa bilong Telei Interim Atoriti long bringim gutpela sindaun i go bek long ol pipel bilong Buin distrik.

Em i tok tu olsem ol pipel i les pinis long harim ol giaman toktok we Mista Miriki i mekim insait long wanpela bung-long-ples Koniguru long Buin.

Long bung ya, Miriki i wok long tokim ol pipel olsem em bin kam bek tasol long Jeniva, Swiselan we em bin kisim strongpela tok olsem i no longpela taim nau na Bogenvil bai kisim independens.

"Insait long 7-pela yia bilong hevi long Bogenvil, mipela i harim dispela hap toktok na ai bilong mipela i pen pinis. Bikos toktok ya i no karim kaikai," ol pipel i tok.

Ol i tok ol famili, pikinini, meri na man i bungim bikpela hevi pinis insait long sevenpela yia bilong hevi na ol inap. Ol i noken bilipim ol giaman tok-tok bilong man olsem Miriki na husat moa, ripot i tok.

"Olsem na mipela i laikim Miriki long kamaut long ples klia na helpim long wok wantaim ol sief na komyuniti bilong bringim bek gutpela sindaun long Buin.

Mipela i no laikim ol ausait lain long kam insait long Buin na bagarapim ol wok bilong kamapim gutpela sindaun we i go het gut nau.

Mipela i sutim tok long sampela BRA bilong Sentrel Bogenvil i as long ol bagarap i kamap long Buin tude," Mista Napi i tok.

Mista Napi i askim lida na sief bilong Kieta long lukautim gut ol yangpela bilong ol. Na ol i noken go mekim trabel nabaut bilong Buin.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BIBI BOS I TOKIM BIABIA LONGI DRESAP OLSEM FADA KRISMAS NA KAM LONG PATI...



NAU EM WOKABAUT I GO LONG PLES BILONG PATI...



LONG HAP ROT NA OL RASKOL I HENSAPIM EM...



TARANGU, BIABIA RON ASS NATIN I GO KAMAP LONG PLES BILONG PATI...



Lig pilaia bai kisim niuspepa go long kot

RODNEY KAMUS i raitim

MOSBI Defence A gret faiv-eit Tony Daple i painim tingting bilong ol lo man long karim spots edita bilong National Niuspepa wantaim pepa ya i go long kot bihain long ol i raitim giaman ripot long em.

Long Mande, National Niuspepa i bin karim wanpela stori we i sutim toktok long Daple olsem em bin yusim blak pawa o kambang long helpim em long pilai ragbi egensim Tarangau long las wiken we Tarangau i bin win long 36-28.

National Niuspepa wantaim spots edita bilong ol i bin printim wanpela tok sori long mekim dispela kain toktok long Daple tasol em i no amamas tumas na bai karim dispela samting i go long kot we ol i bagarapim nem bilong em nating.

Daple husat i bin wari nogut tru long ol dispela toktok egensim em i tok olsem olgeta dispela toktok i giaman tasol na bagarapim gutpela nem bilong em olsem wanpela namba wan faiv-eit long Mosbi.

Stori bilong National i tok olsem Daple i bin yusim kambang bilong pilai na taim em i kisim wanpela strongpela takel, kambang ya i pundaun na kapsait. Long dispela taim Defence i bin go pas long 20-6.

Pepa ya i tok olsem gen taim samting ya i bruk i bin gat 20 minit tasol i stap yet bilong pilai na kwiktairu tru Tarangau i kirap na abrusim ol Defence na winim ol long 36-28.

Bihain long ritim dispela stori, Daple yet i go na lukim spots edita bilong National Ori Maoka husat i raitim dispela stori na toktok wantaim em na tokim em olsem dispela olgeta samting em giaman toktok tasol.

Daple i tok taim em i askim Maeoka, em(Maeoka) i tok olsem wanpela opisal bilong klab i tokim em.

Kosa bilong Daple Koprol Gaius Kula i sanap strong long pilaia bilong em na tok i nogut wanpela samting we yu ken lukim i em Maeoka i toktok long pepa.

"Mi no ting olsem Maeoka i bin stap long pilai graun long dis-

pela taim na wanem samting em i tok olsem i tru i no gutpela olgeta," Kula i toktok wantaim belhat.

Toktok yet long dispela stori, Kula i tok olsem wanem samting ol manmeri i lukim em hap anda pens bilong Daple na i bin hangamap autsait long trausis bilong em.

Em i tok olsem hap pens bilong Daple i bruk na i hangamap.

"Mi tokim trenna Lester Manuai long go insait long pilai graun na brukim dispela anda we," Kula i tok.

Daple em yet i tok olsem long las 10 minit, em i no bin pilai wantaim wanpela anda we.

Kula i tok olsem pilai graun i drai na ol lain bilong mak i mekim na ol man i kisim tingting karangi.

"Olsem wanpela klab wantaim biknem, ol narapela lain i laik tokbaksait long mipela na i luk olsem em i jeles pasin tru long wanem mipela i gat planti ol rep pilaia em mipela yet i kamapim.

Ol pipel bilong W.H.P welkamim bek Wingti

MICHEAL MONDA i raitim

OL Pipel bilong Westen Hailens provins i amamas long kambek bilong rijinel memba bilong ol na olpela Oposisen lida Paias Wingti olsem Gavana bilong Westen Hailens provins.

Plan ol lain biknem manmeri na ol kaunsil lida i bin kamap long bungim Mista Wingti long kambek bilong em. Ol kain man olsem Kaunsol presiden bilong Wester Hailens John Rupura na Tony Kumpul i bin kamap long dispela bung.

Bihain long olgeta welkam samting, ol lida i tokim Mista Wingti i mekim wanpela gutpela disisen tru long kambek long provins bilong em. Ol i bilip olsem provins bilong ol i kambek long gutpela rot nau bihain long ol hatpela taim bilong rifom.

Mista Wingti i tokim ol pipel olsem em bai wok strong wantaim ol long bringim developmen i go long ol manmeri na tu em i askim ol lida na kaunsola long mekim wankain.

Wingti i askim ol kaunsol tu olsem ol i noken tingting olsem ol i wok mani tasol ol i mas tingim olsem ol i wok olsem lida bilong ol pipel.

Madang gavana bihainim laik bilong 13 kaunsil presiden

RIJONAL Memba bilong Madang, Peter Bater, OBE, i risain pinis olsem Minista bilong Helt na kisim sia bilong Gavana bilong Madang long dispela wik.

Minista Barter i laik holim yet sia bilong helt ministri. Olsem na taim Praim Minista Sir Julius Chan i autim nupela kabinet long las wik, Mista Barter i holim yet sia bilong helt minista.

Tasol long dispela wik em i senisim tingting bilong em. Dispela em bihain long sampela askim i kam long ol provinsal lida bilong Madang.

Ripot i soim olsem long stat bilong dispela mun, 13 kaunsil presiden bilong Madang i bin raitim wanpela pas i go long Minista Barter. Na askim em long lusim sia bilong helt minista. Na go ronim provins olsem gavana wantaim gutpela save bilong em.

Ol kaunsil i kamap long dispela tingting bihain long ol i holim wanpela kibung namel long ol yet.

Hia em nem bilong 13 kaunsil presiden husat i sainim nem long leta i go long Minista Barter, na askim em long kamap presiden:

Turuk Wabei (Karkar), Mause Matauk (Yawar), John Kevma (Bundi), Kinsley Yombomb (Simbai), Ilawas Wangi (Arabaka), Joe Tola

(Tabu), Nick Mare (Sumbilbar), Peter Moris (Usino), Iliot Paru (Almami), Bunag Kuip (Ambenob), Wanas Kosi (Raikos), Biti Usekai (Trensogol), John Sakar (Josephstal), Sali Wanis (Astrolabe Be), Florian Bahin (Madang Interim Taun Komisen), Jack Nag (Non Kaunsil Mausman), Elas Gidik (Mausmeri bilong ol meri).

Bekim bilong Barter

Minista Barter i bin kamap na stap insait long namba wan kibung bilong Madang Interim Provinsal Gavman long Ogas 8. Na adresim asembli bilong ol pipel bilong Madang. Em i tok em i amamas tru long mekim dispela. Na bai wok olsem gavana bilong provins.

Em i tok long 6-pela wik em i bin tingting planti tru. Dispela em long wok yet olsem minista bilong Helt o kamap gavana bilong Madang. Na em i amamas long wanem disisen em i mekim.

Insait long toktok bilong em, em i askim olgeta wanwan memba long asemli na olgeta publik sevan wantaim ol pipel bilong Madang long lus tingting long ol yet, Na wokbung long developim provins aninit long dispela nupela kain gavman.

Manus gavana tok Pokawin mekim griti pasin

LEO WAFIWA i raitim

NUPELA gavana bilong Manus, Martin Thompson i no amamas long olpela Manus Primia Stephen Pokawin na sampela Lapan Asembli (provinsal asembli) memba bilong em (Pokawin) long sainim nem long Interim Provinsal na Interim Lokol Level Gavman Asembli.

"Ol pipel bilong Manus na pipel bilong Papua Niugini i no inap kisim mekimsave long griti pasin bilong sampela politisian," Mista Pokawin i tok olsem long namba wan tokaut bilong em egensim pasin bilong Mista Pokawin long i no laik stap insait long bung bilong lukim ol nupela memba bilong asembli i kisim opis.

Mista Thompson i tok pasin bilong Mista Pokawin i bilong em na wanwan memba tasol bilong Lapan Asembli. Dispela em long i no laik kamap long seremoni bilong ol memba bilong Interim Provinsal na Lokol Level Gavman Asembli long kisim opis. Em i tok dispela i no pasin ol pipel i laikim.

"Mi bai bihainim oda bilong Nesenel Eksekutyutiv Kaunsil na kisim opis olsem Gavana bilong Manus Provins," Mista Thompson i tok.

Hia em Manus Provins kea teka kabinet em Mista Thompson i tokaut:

- Hon. Maretin Thompson, LLB, MP**
Gavana na Minista bilong Fainens na Edministresen
- Lamech Kuku**
Minista bilong Woks, Trensport na Komyunikesen
- Roy Pogat**
Minista bilong Viles Sevises na Lokol Level Gavman
- Michael Chonghou**
Minista bilong Edukesen na Humen Developmen
- Paul Pokalou**
Minista bilong Komes na Industri

Mista Thompson i tok em i gat bikpela bilip long kea teka kabinet bilong em. Bikos olgeta memba i gat inap save long mekim wok bilong ronim provins. Na bai bringim sevis long ol pipel bilong Manus.

We're here to help you!

Travel Centres

Port Moresby, Boroko and all regional Travel Centres are open Mon - Fri 8.00am - 4.30pm Sat 8.00am - 12.00pm except Waigani

Airport Sales

Sales Open 7 days a week 6.00am - 6.00pm Arrivals/Departure Information Telephone: 327 3480

Telephone Sales

Open 7 days a week 7.00am - 6.00pm Telephone: 327 3444

Cargo Enquiries

Open from 8.00am - 4.30pm Mon - Fri Telephone: 327 3456

Other Enquiries

All other Enquiries and Departments Mon - Fri 8.00am - 4.30pm Telephone: 325 9000



Craft Works 3426

TU MINIT TINGTING

Nem em i no bilas nating

NEM em i bikipela samting long laip bilong yumi. Olgeta manmeri na olgeta samting i gat nem bilong en stret.

Nem bilong yumi em i samting bilong yumi stret; em i olsem hap bilong bodi bilong yumi. Long taim yumi stap yet long susu, yumi bin harim nem bilong yumi, wantu yumi save putim yau.


Nem em i bikipela samting. Na i nogat man inap stilim long yumi. Nem bai stap wantaim yumi inap taim yumi indai. Na bihain yumi dai pinis, ol manmeri bai save long yumi long nem bilong yumi tasol.

Olgeta de yumi save yusim nem bilong yumi. Yumi save sainim nem bilong yumi long pepa bilong makim yumi stret. Yumi go long beng, yumi sainim nem bilong yumi long sekbuk. Yumi marit, yumi sainim setifiket bilong marit. Yumi laik vot, orait, nem bilong yumi i mas stap long lista. Sapos yumi papa bilong wanpela

buk samting, yumi save raitim nem bilong yumi insait long en.

Sapos yu gat biknem, dispela i min bikman, yu gat namba. Sapos mi bagarapim nem bilong yu, mi bagarapim yu yet. Sapos mi givim nem bilas o trikнем long yu, yu save pinis mi no kros long yu. Nogat. Ating nem ya em i nem hait i stap namel long yumitupela tasol.

Long Papua Niugini yumi gat pasin bilong senisim nabaut nem bilong yumi. Yumi wanwan i gat planti nem: yumi gat wanpela nem long ples, na narapela long praimer skul, na narapela gen long hai skul. Na yumi gat narapela nem bilong baptais; na narapela trikнем long beng, na narapela nem long buk bilong gavman na narapela gen long buk bilong



FRANK MIHALIC i raitim

kampani. Yumi save haitim yumi bihain long planti kain nem.

Long Gutnius Jisas i save senisim nem bilong man i kam insait long wok bilong em. Long

Jon 1:42 Jisas i bin tok olsem: "Yu Saimon, pikinini bilong Jon. Bihain bai ol i kolim yu Sifas (Pita)." Long Olpela Tesamen God yet i senisim nem Ebram i go long Ebrahim, na Jekop i kamap Israel.

Long Aisaya 33:1, God i bin strongim bel bilong ol Juda long dispela tok: "Yu no ken pret. Mi save kolim nem bilong yu; mi save nem bilong yu pinis. Yu bilong mi."

Na Aisaya gen long 49:16 i bin putim dispela tok insait long maus bilong God: "Mi (God) i bin raitim nem bilong yu insait long tupela han bilong mi. Na oltaim mi save lukim na tingting long yu." Em i olsem tude ol studen na sumatin na bisnisman i save raitim kainkain tok insait long han bilong

ol wantaim wanpela bairo o pen. Bilong wanem? Bai ol i no ken lus tingting long wanpela samting.

Yesa. Nem em i no bilas nating. Nem i gat pawa. Sapos mi kolim nem bilong wanpela man, yu no inap tromoi tok bilong mi. Nogat. Olsem tasol olgeta taim yumi save pinisim beten, yumi save tok olsem: "Mipela i askim yu dispela samting long nem bilong Jisas." Dispela aidia i bihainim stret tok bilong Jisas long John 12:13, we em i tok olsem: "Olgeta samting yupela i askim long nem bilong mi, bai God i givim long yupela."

Long wanpela de bai nem bilong yumi i kamap long hap plang o ston i makim matmat bilong yumi. Tasol dispela i no pinisim nem bilong yumi. Nogat. Luk 10:20 i tok olsem: "Yupela i mas amamas; long wanem, nem bilong yupela i stap long buk bilong God long heven."

Lukaut gut long nem bilong yu!

PNG i sot long ol gutpela lida

KANTRI bilong yumi i nidim ol lida husat inap givim tru bel long ol pipel bilong en. Dispela kantri nidim olgeta long wokbung wantaim. Na kamapim gutpela kain lida long lukautim ol pipel gut.

Dispela em sampela long ol strongpela tok Primia bilong Manus, Steven Pokawin i mekim, taim em i welkaimin ol Luteran delegesen long Lorengau long Julai 9, 1995.

Samting olsem 200 deleet bilong Evanjelikel Luteran Sios bilong Papua Niugini (ELC-PNG) i bin kamap long Lorengau. Bipo long ol em tupela bisop. Sir Getake Gam na Bisop Ray Rawowe.

Dispela em i namba wan taim kain wokabaut i kamap insait long Manus long givim odinesen long tupela aspies pasto, Pasto Otto Sidziam na Pasto David Ndramen.

Mista Pokawin i tok em i bikipela samting insait long stori bilong Papua Niugini i sut long wanpela sapta i go long narapela. Long dispela stori, Primia Pokawin i tok Luteran Sios tu i go insait long senis.

Primia Pokawin i tok strong tu olsem long taim bilong kain senis olsem, ol planti lida i yusim dispela rot long bagarapim ol pipel. Na mekim ol pipel i kra. "Mi Pokawin i tok strong long ol lida i no en kirapim tok pait namel long ol yet", em i tok.

Mista Pokawin i tok, sapos yupela ol sios lida i pait namel long ol yet, orait ol i no narakain long ol gavman lida. Em i tok salens bilong mipela nau i hangamap long han bilong ol sios lida. Ol i mas sanap antap long bilip bilong ol na go pas long kantri. Na sapos nogat orait, mipela i no save mipela i go we nau.

Mista Pokawin i tok ol Morobe na ol Luteran i stap hap aspies. Na ol i stap hap bilong mipela, na mi prea olsem yupela bai planim gutpela sit long dispela provins (em i sut long tok bilong God.)

Mista Pokawin i amamas long lukim olsem pasin bilong givim odinesen long ol ples i mas kamap long aspies na em i gutpela. Em i pinisim tok long nem bilong olgeta sios, "mi welkamim yupela long Manus."

Long dispela taim tu, het bilong Luteran Sios (ELC-PNG) Sir Getake Gam tu i kisim taim long tok tenkyu long Primia Steven Pokawin na gavman bilong en wantaim ol Manus pipel long welkamim ol Luteran delegesen.

Bisop Sir Getake Gam long nem bilong ELC-PNG i tok, mipela bai kisim tok bilong yu olsem stia long mekim sios wok bilong mipela insait long Manus na Papua Niugini.

Em i tok mipela bai wokbung wantaim gavman na ol sios insait long Manus. Mipela i harim planti gutpela wok yu save mekim long helpim ol Manus pipel. Na mipela i liptimapim nem bilong God long gutpela wok lida bilong yu olsem Kristen primia, Sir Gam i tok.

Odinesen bilong tupela pasto long Manus makim 109 yia bilong Luteran sios

SANANG ZAZORING i raitim

ODINESEN bilong Pasto Otto Sidziam na Pasto David Ndramen long ples Nyada, long wes kos bilong Manus em i bikipela samting insait long histori o stori bilong Manus Luteran Sios. Odinesen i bin kamap wantaim amamas bilong 109 yia bilong Evanjelikel Luteran Sios bilong Papua Niugini (ELC-PNG).

Pasto Otto Sidziam i bin greduet long Logaweng seminari long 1990. Em i bin wokim vika bilong en long Malalo seket. Na long 1991, em i bin wok long Kaintiba Luteran Sios long Galp provins. Taim em i greduet, em i wok long Malalo inap em i kisim odinesen.

Na Pasto David Ndramen i bin greduet long Logaweng seminari insait long Finsafen, Morobe provins long yia 1992. Em i greduet wantaim diploma bilong Tiologu.

Long 1991, em i bin wokim vika bilong en long Bukawa insait long Yabim distrik, Morobe propvins. Em i go long ples inap long odinesen bilong em. Em i marit na i gat wanpela pikinini.

Dispela wok i gat tingting bilong Gutnius i bin kam long Papua Niugini. God i ken blesim dispela de na wok i ken karim kaikai. Na Luteran sios long Manus i mas sanap strong.

Long makim dispela de, ol i karim sampela diwai bilong Bulolo long Morobe provins i go long planim na sanapim mak bilong Luteran Sios long Manus. Ol namba wan Luteran misinari i kamap pastaim long Morobe. Na bihain i go long ol arapela hap bilong kantri.

Long dispela de wan, was dipatmen bilong sios i bin givim toktok bilong wok bilong ol.

Edukesen-Edukesen o skul em i laip. Yu no inap stap laip, sapos i nogat edukesen, dipatmen seketeri Titi Solomon i bin mekim dispela tok. Em i tok, wok edukesen bilong ELC-PNG i bin stat long 1887 taim sios i stat.



• Long lephan i go long rait em Pasto David Ndramen na meri bilong em, na Pasto Otto Sidziam wantaim meri bilong em bihain long odinesen long ples Nyada.

I gat tupela kain edukesen sios i gat - em long tokples na Inglis. Tasol long nau yumi lukluk long rifom edukesen stat wantaim elementeri sistem i go antap.

Mista Solomon i toklong statim skul, em i tok em i laik bilong Luteran Sios long Manus long toktok wantaim dipatmen na kamapim skul bilong sios.

Luteran Developmen Sevis (LDS)-Long wok bilong LDS, Mista Solomon i stori tasol long wanem wok bilong en na long wanem rot ol pipel i mas wok wantaim dispela dipatmen na kisim helpim. Titi i mekim dispela tok long wanem, het bilong LDS i no stap wantaim.

Wokim Trening Dipatmen-Pasto Giegere Wenge i toktok long wok bilong dispela dipatmen. Pasto Wenge i tok, Wokman Trening Dipatmen i sanap long redim ol sios wokman meri. Na kamapim kaikai bilong dispela tok bilong Jisas long, 'GO'.

Em i tok, ol seminari i tisim tok

bilong God na lainim ol long autim tok bilong God i go long pipel. Long kisim sumatin, ol skul bilong sios i mas bihainim laik bilong ol papamama na sios lida long olgeta level bilong sios.

Alkohol Edukesen - Pasto Jushua Daniel i bin toktok liklik long hevi na rot bilong Alkohol o dring bia na ol arapela strongpela drink insait long Papua Niugini.

Em i tok ELC-PNG em i namba wan sios i gat gutpela program long helpim ol pipel husat i gat hevi bilong strongpela dring na spak brus o mariwana. Em i tok dispela seksen bilong sios i save holim ol semina o bung. Na givim skul long gutpela na nogut bilong dring bia na smokim spak brus. Na em i laik bilong ol pipel i ken lukim na senisim pasin nogut bilong ol.

Pasto Daniels i tok, bia na ol strongpela drink i kamapim bikipela hevi insait long lo na oda bilong kantri. Olsem na mipela mas givim skul long ol pikinini bilong tumora. Em i bikipela

samting long mekim long helpim ol

Wanpela komyuniti lida i mekim strongpela tok long dispela taim, nem bilong dispela lia em Mark Mandeu.

Em i tok mipela mas wokim yet dispela paia long lait insait long sios oltaim. Long toktok bilong developmen bilong spirit, em i tok, sapos yumi no inap sanap wantaim helpim bilong God, save bilong yumi em i no inap.

Em i tok, planti yut i no redi long givim ol yet long mekim wok bilong sios. Tasol em i tok, tupela yangpela man olsem Pasto Otto Sidziam na Pasto David Ndramen i mekim pinis na soim rot bilong wok long sios. Na mipela mas wokbung wantaim na strongim sios bilong God i gro bikipela insait long Manus.

Asisten Bisop - Bisop Ray Rasowe, long toktok bilong em i askim olgeta sios lida long bungim mani wantaim strong long wokim haus lotu long Lorengau.

6-pela Katolik daiosis go insait nau long progrem bilong nupela pes bilong daiosis

INAP sampela yia nau, insait long 6-pela Katolik Daiosis bilong Papua Niugini i gat wanpela progrem-ol i kolim Nupela Pes bilong Peris (NIP). Wanwan peris i save go insait long dispela progrem, sapos ol pipel i pasim tok.

Wanpela grup ol i kolim Muvmen bilong Beta Wol (MBW) i statim dispela progrem long 1980. Na ol daiosis long Wewak, Daru na Kiunga, Kundiawa, Bereina, Madang na Hagen i go insait pinis.

Astingting bilong dispela progrem em Rinyuel bilong Sios. Na i bihainim tok bilong Vatikan Kaunsil 2, bai olgeta Katolik i ken bung wantaim long wok sios. Na olgeta i ken wok long painim gutpela sindaun long peris bilong ol.

Long dispela yia 1995, MBW i stretim rinyuel progrem, bai olgeta peris bilong daiosis i ken go insait: olgeta wantaim tasol, i no olsem wanpis. Dispela progrem ol i kolim Progrem bilong Rinyuel bilong Daiosis (PRD). Na i bihainim yet astingting bilong Nupela Pes bilong Peris.

Long Me 29 i kam inap long Jun 9, 1995, nesenel tim bilong MBW i bin givim wanpela trening kos long Wewak, bai pastorel tim bilong Wewak wantaim Daru na Kiunga na bisop bilong ol, i ken kisim save long dispela rinyuel progrem bai go olsem wanem.

Wankain trening kos i bin kamap long Hagen. Na i bin stat long Jun 19 na pinis long Jun 30. Long dispela kos, pastorel tim bilong Hagen wantaim Bereina long Sentrel provins i bin kisim trening long dispela Progrem bilong Rinyuel bilong Daiosis.

Sapos yu laik save moa long dispela wok bilong rinyuel olsem Muvmen bilong beta Wol i wokim progrem bilong en, yu ken rait i go long dispela adres: The Director, MBW, PO Box 1131, Madang.

Gerehu bai paia long tumbuna danis bilong ol Katolik yut

OL Katolik yut insait long Mosbi siti na Sentrel provins bai holim wanpela kalsarel o tumbuna de bilong ol dispela wiken, Sarere Ogas 12. Dispela kalsarel de bai kamap long Sen Charles Lwanga Yut Developmen Senta long Gerehu.

Senta i stap long baksait bilong Gerehu TST supamakot.

Ol yangpela manmeri bilong wanwan provins insait long siti, na bilong Sentrel provins yet i stat redi pinis. Nau yet ol i wok long trening long singsing na danis.

Ol yut insait long siti bai kam long ol paris olsem Waigani, Morata, Gabutu, Badili, Boroko, Erima, Loreto, 8 Mail, Don Bosko na Laloki.

Na yut bilong ol arapela provins bai stat long kamap long Fraide Ogas 11 long apinun. Dispela em long ol provins olsem Morobe, Madang, Is na Wes Sepik, Manus, ol Tolai bilong Is Nu Briten, Bogervil, Kerema long Galp provins, Tapioka danis bilong Milen Be na Hailans rijon.

Sentrel provins bai kamap wantaim planti grup i kam long ol eria olsem Kairuku, Rigo, Boregaina, Gollala, Kuni na Kep Rodni.

Ol yangpela manmeri bilong makim ol dispela eria long Sentel bai gat ples bilong ol long stap. Em long Sivirai Namona Pastarol Senta long Bomana, ausait long Mosbi siti. Ol yut grup bilong siti yet bai bung long wanwan provins bilong ol insait long siti yet.

Bihainim kalsarel de long Sarere, bai i gat presentensen na lotu singsing long nait. Geit fi bai stap olsem K2 long ol bikipela manmeri, K1

ELIZABETH LENY i raitim



• Hanuabada yut i soim danis bilong ol long kalsarel de bilong las yia. Lukim ol gen long dispela wiken. Foto: Daniel

long ol studen wantaim ID kad, na ol pikinini em 50t tasol.

Deputi Praim Minista bai kamap

Namba tu Praim Minista na Minista bilong Fainens, Chris Haiveta bai opim dispela de long Sarere 12 Ogas long 10 klok moning. Na Gavana bilong Nesenel Kapitel Distrik o Mosbi, Bill Skate bai stap na lukim ol singsing. Bai gat sampela sios lida wantaim ol bikman bilong

gavman tu long dispela de.

Siaman bilong Mosbi Asdaiosis Katolik Yut Kaunsil (ACYC), Daniel Mona i tok ol i laikim gutpela wokbung wantaim na sapot bilong olgeta paris insait long Mosbi siti. Em i wokim dispela toktok insait long wanpela Integrel Humen Developmen Semina bilong ol Katolik yut, em i bin kamap long Bomana las wik.

Histori

Dispela tumbuna de i save kamap long olgeta yia. Na em i hap bilong wanpela progrem bilong ol Katolik Yut Ministri, we ol yangpela manmeri bilong sios long wanwan provins insait long siti na Sentrel provins i save kam bung wantaim long soim tumbuna pasin na danis bilong ol.

Dispela kain ol tumbuna de i save soim tru bilip long ol yangpela manmeri bilong kantri long ol planti kastom na tumbuna pasin bilong bipo. Na tu kain tumbuna de i save kamap insait long wanwan daiosis long olgeta yia.

Tumbuna de i kamap wantaim astingting bilong yut yet. Bikos ol yet i bngim mani long helpim na holim kamap dispela kain de. Long dispela yia, ol i nogat planti sponsa. Olsem na ol i yusim mani bilong ol yet long go het wantaim dispela so.

Bihainim dispela, Kodineta bilong Kalsarel de bilong Mosbi Asdaiosis Katolik Yut Kaunsil (ACYC), Paul Hasu i tok olgeta yangpela manmeri bilong ausait provins long siti i mas helpim ol yut memba bilong danis long givim ol trenspot, na arapela helpim ol i bai nidim long dispela de.


MT HAGEN COFFEE TAIM SPESEL!

BIKPELA BODI V116R-LWB

4 PELA NAU ISTAP!

PRAIS BILONG RONIM TASOL!

K29,250



LOAD RUNNERS REDIUSIM BILONG RAOSIM

K18,990

TASOL!

PRAIS BILONG RONIM TASOL!




DAIHATSU LONG WIL BAIS OL FLAT TRAILA V99R-HY LWB FLAT TRAILA

K28,900

PRAIS BILONG RONIM TASOL!

HARIAP..OL DIPELA STOK TASOL!



EM5195



Ela Motors


BPT (PNG) LTD.

RINIM 522379 JOHN Van CAMPENHOUT-BRANS MENESA • RINIM 521203 JOHN COOK-SELS MENESA RINIM 521888 or 521885 • FEX 521937 • PO BOX 93 MT HAGEN • WESTERN HIGHLANDS PROVINCE.

Holim pas long graun

SIR Julius i tok em i sapotim tingting bilong Sir Albert Kipalan long pasim nau ol toktok em gavman i wokim long rejistaim ol graun em ol asples i papa yet long en. Em i tok tu olsem raun bilong loya, Loanie Henao tu i mas stop.

**OPIM
AI**
wantaim
JOE KAU



Tasol dispela i no min olsem ol dispela toktok i pinis nau. Sir Julius i tok olsem em i laik larim dispela tok i stap inap olgeta lain husat i paitim toktok long en i klia gut pastaim.

Tasol askim bilong mi i stap olsem. Sir Julius i laikim mipela long klia gut long wanem samting? Toktok bilong Loanie i stap long tok Iglis. Raun bilong em tu em long ol bikpela taun tasol. Em bai kisim toktok bilong ol papa graun long wanem kain rot?.

Yumi save olsem i nogat planti papa graun i stap long ol taun. Sapos Sir Julius i laikim mipela long klia gut long ol dispela toktok, em i mas tanim dispela toktok i go long Tok Pisin na Tok Motu. Na tu i gat planti moa manmeri long Papua Niugini husat i no save long Inglis, tok pisin o tok Motu. Olsem wanem bai gavman i kisim tingting bilong dispela lain?

Gavman i mas kisim toktok bilong olgeta asples long Papua Niugini.

Namba tu samting em, as tingting gavman i laik kamapim dispela lo i stap ples klia tru. Ol i laik yusim graun em ol asples i papa long en long kamapim ol wok developmen. Tasol sapos yu lukluk long ol bikpela wok developmen i kamap nau long kantri, olgeta i kamap long ol graun em ol asples i papa long en. Gavman i no nidim nupela lo long kamapim ol dispela wok.

Olsem na bilong wanem tru na gavman i laik kamapim dispela nupela lo?

Pepa bilong Loanie Henao i tok olsem ol i laikim ol papa graun long yusim graun olsem sekyuriti taim ol i kisim dinau long ol beng. Dispela i min olsem bai i gat agrimen namel long ol papagraun na beng olsem, sapos ol papagraun i no inap bekim dispela mani, ol beng i ken kisim graun bilong ol, bihainim toktok i stap long agrimen o tok wanbel.

Yumi wanwan i ken skelim dispela toktok.

Namba tri samting em long tingim bek long ol hevi i bin kamap long kantri long 1991 taim ol memba i laikaim apim pei bilong ol. Ol studen i straik na kukim ol ka. I bin gat planti bel kros. Yuniversiti long Mosbi i pas inap wan semesta.

Taim ol studen i stap long ples, ol memba i go het na apim pe bilong ol. I nogat sans long ol studen i pasim dispela tingting bikos ol i stap nambaut nambaut. Pe bilong ol arapela wokmanmeri i no go antap. Em i stap wankain. Tasol pe bilong ol samting long stua na ol arapela sevis i go antap. I luk olsem ol bikman tasol i laik kisim ol gutpela samting.

Nau mipela harim olsem gavman i laik kamapim ol dispela toktok gen long 1996. Ating mipela ol longlong lain. Nesenel ileksen bai kamap long 1997. Ating ol i laik yusim dispela tingting long kamap memba long 1997.

Mi askim gen. Ol i harim nek bilong mipela ol lain Papua Niugini stret o nogat? O ol i laik bai mipela lus tingting na bihain ol i kamapim ol dispela lo? Save stap long ol. Ol i mas tokaut long mipela.

Isrel givim skul long yusim wara long gaden

SILAS GOWEP i raitim

MOA long 40 manmeri i bin kisim setifiket pepa long kos bilong yusim wara long planim ol kaikai long gaden. Dispela kos i bin kamap long Pasifik Edventis Koles long Mosbi.

Tupela saveman bilong Isrel i bin kamap long dispela kos na bungim 40 manmeri long olgeta hap provins olsem Wes Sepik, Madang, Isten na Westen Hailans, Morobe na tu long Sentrel provins.

Dispela kos i sut long gutpela rot bilong yusim wara long ol kaikai na kumu samting long gaden we em i ken groa gut na go salim. Na tu graun i ken stap gutpela long yusim gen long planim nupela kaikai gen na i ken wokim yet gris bilong graun long nupela kaikai i ken kisim.

Olgeta gras o samting bilong gaden i save kisim wara long em i ken yusim na wokim kaikai bilong man i kaikai gen. Olsem na long dispela as, kos ya i sut long rot bilong givim inap wara long ol kaikai long gaden. Dispela i sut moa long ol kain bikpela gaden olsem plentesen.

Dispela kos i sut tu long ol kain hap bilong planim kaikai olsem long strongpela graun i gat wasan, graun i gat wara o drai graun. Na wanem kain mak bilong wara man i

ken givim long ol kaikai i kamap long dispela kain graun.

Dispela kos i kamap bihainim wok poroman bilong PNG gavman na Isrel gavman aninit long Teknikel Kopresen bilong tupela.

Taim kos i pinis, ol manmeri i kisim ol setifiket long pinisim dispela tripela wik kos.

Ol bikman husat i kamap long dispela de bilong pinisim kos ya em, Minista bilong Agrikalsa na Laivstok David Mai na dipatmen seketeri, Miri Setae na Embeseda bilong Isrel.

Embeseda bilong Isrel long dispela taim i askim ol manmeri husat i bin stap insait long dispela kos long go bek na yusim dispela samting ol i bin lainim. Sapos ol i no yusim, bai dispela save i go lus nating na i go hait olgeta na nogat wanpela gutpela wok bai i kamap long dispela.

Minista Mai i tok bikpela amamas i go long helpim bilong Isrel gavman long givim yet dispela sapot. Bikos Isrel i gat 48 krismas eksperiens nau long tanim drai graun (deset) i go long gutpela graun bilong planim kaikai long en.

Mista Mai i tok dispela save bilong ol i ken helpim Papua Niugini long planti liklik eria bilong planim gutpela kaikai na wok agrikalsa na didiman.

Skul pikinini helpim Sepik bagarap



• Ol gret 6 studen i wok long putim ol samting long ka long givim Sepik Haiwara Apil. Poto Ivan Bayagau.

VERONICA HATUTASI i raitim

SACRED Heart Komyuniti skul long Hohola, Mosbi long dispela wik i givim donesen wantaim mani, klos na kaikai i go long Sepik Hai wara Apil.

Dispela em bilong helpim ol manmeri na pikinini husat i bin bungim birua taim hai wara bilong Wara Sepik i bagarapim ol long dispela yia.

Ol sumatin na tisa bilong skul ya i bin givim K86 kes mani, ol katen kaikai we i kos K100 na ol katen klos we i kos K200 long ol.

Insait long ol katen kaikai i bin gat ol rais paket, bisket na ol tin kaikai. Kolos bilong ol bikpela manmeri na ol liklik pikinini tu i bin stap insait long ol katen.

Siaman bilong Fan Resing Komiti na wanpela tisa Michael Bourke i tok laik bilong ol

sumatin na tisa long dispela skul long mekim dispela samting long pulim liklik mani bilong helpim ol trangu long Sepik husat i bungim hevi long hai wara.

Em i tok long Trinde bilong olgeta wik inap long wanpela mun, ol sumatin i bin bungim ol kolos, kaikai na mani bilong go long Sepik Haiwara Apil.

Em bin tok tu olsem dispela em i no namba wan taim bilong ol sumatin long bungim ol samting na helpim ol trangu lain husat i kisim taim nogut. Skul ya i bin givim pinis ol helpim bilong em long Bogenvil na Rabaul bagarap bilong volkanu.

Mista Bourke i givim bikpela tok tenkyu i go long ol sumatin na tisa long helpim ol i givim long ol lain i bungim hevi na taim nogut.

Orait, ol donesen i bin go long han bilong PNG Ret Kros Sosaiti

long kisim i go long Sepik na tilim long ol lain husat i sot tru long helpim.

Joe Eliza i makim Ret Kros i bin tok em i amamas tru long lukim olsem ol sumatin i gat tingting long helpim ol trangu lain husat i bungim bagarap long taim nogut.

"Donesen bilong yupela bai i go long helpim planti lain husat i laikim tru helpim," Mista Eliza i bin tok.

Em i tok Ret Kros opis long Mosbi bai i salim ol samting i go long susa han bilong em long Lae na bihain ol bai karim i go long Sepik na tilim i go long ol pipel.

Ret Kros ibin salim pinis ol plastik wara bilong helpim ol Sepik pipel husat i kisim taim long bikpela haiwara long Wara Sepik.



Snuka masta ... • Em ol kaunsil na Komiti bilong kakaruk tasol long 14 mail. Dispela hap eria i stap uatsait tasol long Mosbi siti we planti lain i save go kisim win long en. Poto: Joe Ivaharia.

Engliken brata askim pipel long lusim 'Sande kristen' pasin

WANPELA brata o bruder long oda bilong Melanesian Bratas insait long Engliken Sios i salensim ol sios memba long Papua Niugini long lusim dispela pasin bilong 'Sande kristen'. Na mas bilip moa long Jisas Kraus.


Bruder Andrew Letade bilong Solomon Ailans i bin mekim dispela toktok bihain long em i sindaun long wanpela evanjelaisesen kos long Popondeta we i bin pinis long dispela wik.

Long dispela kos, moa long 30 pipel i bin stap, we i gat long em ol Engliken Melanesian Bruder na ol arapela sios memba husat i bin gat laik long sindaun long dispela kos.

Bruder Andrew i tok ol evanjelis i kisim pinis wok bilong evanjelaisesen i kam long PNG, tasol kos ya i bilong helpim ol Bruder na ol arapela sios memba long nupela apros o rot long karimaut evanjelaisesen long dispela taim.

Long kos we Bruder Andrew i givim long Popondeta, em ibin tok tok strong long tripela kain man. Em long :

- Naturel man we man ino save long God
 - Nominal man. Dsipela em ol of na on kristen we i save tok kristen long nem tasol na
 - Spirituel man.
- Em bin tok rot long we man i



• Bruder Letade bilong Solomon Ailan ... mas bilip moa long Jisas Kraus.

kisim gutpela skul long evanjelaisesen em long harim toktok bilong ol pasto, pater na ol prisa long sios, lotu edukesen, Sande skul, skul we ol manmeri i kisim bipo long kisim baptismo, marit na ol arapela sakramen.

Em i tok long PNG em i lukim

pasin bilong Sande kristen i stap antap we long Solomon Ailans, lotu em i samting we i stap long tingting bilong planti kristen long olgeta de. Na em i singaut strong long ol kristen bilong PNG long lusim dispela tingting bilong Sande kristen tasol.

Bogenvil gavman gat K21 milien dinau

VERONICA HATUTASI i raitim

BOGENVIL Trensisenel Gavman (BTG) i no givim gutpela sevis i go long ol pipel. Bikos em i sot long mani long karimaut ol wok bilong en.

Primia Theodore Miriung i bin tokaut long dispela samting long las wik, Fonde Ogas 3. Dispela em long taim em i givim ripot long ol wok kamap na go het bilong ol sevis na wok i go bek long ailan, wantaim tu ol wok long kamapim bek gutpela sindaun long ples na ol pipel.

Bikos long nogat inap mani, planti bikpela wok olsem dispela bilong stretim rot, ol bris na ol arapela

bikpela wok olsem i stap nating.

Mista Miriung i tok BTG nau i gat dinau inap long K21 milien long baim ol opisa husat i karimaut ol wok program. Narapela K7 milien em i dinau mani we gavman i gat long ol bisnis na praivet kampani long ol wok bilong gavman we ol bin karim aut insait long provins.

Olsem na Mista Miriung i bin singautim strong nesanel gavman long givim sampela mani i go long BTG.

Praim Minista Sir Julius Chan i tok Bogenvil i stap long top lista bilong gavman bilong em. Olsem na em bai lusim long han bilong Fainens na Planning opis longgivim K13 milien. Na BTG i ken bekim ol dinau bilong en.

Japan gavman sapatim grasrut projek long PNG

EMBASI bilong Japan long Mosbi i sainim wanpela tokorait long go het long helpim ol grasrut projek. Insait long dispela agrimen ol i givim tokorait long helpim dispela Ogenaisesen, Industrial, Spiritual, Kalsarel na Edvetismen (OISCA) program long Is Nu Briten provins.

Embaseda bilong Japan long Papua Niugini, Yasuhide Hayashi i sainim dispela tokorait wantaim Dairekta bilong OISCA, Michikatsu Ehara. Insait long dispela tokorait, gavman bilong Japan i givim mani winim K52,000 i go long OISCA.

OISCA bai yusim dispela mani long baim ol wok samting bilong ol. Na go het wantaim ol projek bilong ol insait long Papua Niugini.


Mista Ehara i tok ol i bai yusim sampela bilong dispela mani long baim ol wok samting we i bin bagarap taim tupela maunten paia long Rabaul i kamap. Ol bin yusim ol bikpela samting bilong ol olsem ol bikpela ka long helpim ol manmeri long painim hap bilong stap.

OISCA i bin kam long PNG long 1987. Nai kirapim pinis 27 projek aninit long dispela grasrut projek bilong ol.

CONCENTRATED CLEANING POWER

**STRONGPELA PAWA
BILONG KLINIM,
NAU IKAM LONG
LIK LIK FAB BAR**





A. Bikman bilong ples Erero long Oro provins i ful bilas stret long tumbuna pasin. Dispela em long namel long mun Julai, 1995, taim ol lapun Australia i lukluk raun long Popondetta. Ol lapun ya em ol paitman bilong Wol Woa 2 long PNG. *Poto John Rei.*
B. Dispela stua long Wewak taun i bin paia long las wik Sarere arere tasol long Dagua maket. Dispela em i namba wan stua bilong Garamut Entaprais, husat i skruim bisnis i kam nau long Mosbi siti. *Poto: Addy Lavaks*



C. Planti kampani long Hagen i save kukim potato o kaukau, sips na salim. Tasol ol i no save putim rabis long stretpela hap. *Poto i soim ol dispela pipia ausait long stua tasol long Bik K Haus kaikai. Poto: Michael Monda*



D. Siaman bilong 1995 Hiri Moale Festifel, Adira Gumasa i sanap antap long kanu i nogat samon wantaim ol meri husat i resis long Hiri Hanenamo kwin resis. Festifel bai kamap long mun Septemba.
E. Oganaisin komiti memba bilong Sacred Heart kominiti skul long Hohola, Mosbi, Misis Daure (lephan) i givim kes mani long mausman bilong Red Kros Joe Elijah. wantaim ol katon klos na kaikai bilong ol Sepik Haiwara apil. Dispela ol mani na samting em ol sumating wantaim ol tisa yet i bungim. *Poto: Ivan Bayagau.*



F. Lapun Gawi wantaim poroman bilong em Kami long baksait i sanap long baksait long wantpela kanu i nogat samon. Kanu ya i stap long baret wara klostu long Mapau bris. Baret wara i gat planti mangro long em. Ol man i save yusim kanu bilong gawi long go katim na loudim mangro bilong wokim haus.

PNG rausim sampela tambu long tred wantaim ovasis kantri

VERONICA HATU-TASI i raitim

OL kampani na grup insait long Papua Niugini i ken odarim ol samting long laik bilong ol, na tu long wanem hap bilong wol long salim hia.

Dispela i bihainim tokorait bilong nesenel gavman long rausim ol tambu em bin putim long ol yia i go pinis. Aninit long dispela olpela tambu, PNG save odarim ol samting long sampela ovasis kantri tasol olsem Australia, Nu Silan na Japan.

Deputi Praim Minista na Fainens Minista, Chris Haiveta long las wik, Fraide Ogas 4 i tok gavman i kamap wantaim dispela tokorait wantaim astingting bilong strongim fri tred namel long Papua Niugini na ol arapela kantri long wol. Fri i min nogat tambu bai stapim Papua Niugini long tred wantaim ol arapela ovasis kantri.

Ol samting we i pundaun aninit long dispela disisen kwiktaim em long rais, tinpis na ol arapela mit na agrikalsa prodak we PNG i wok long kisim long Australia.

Na tu ol dispela we ol i save kontrolim ol prais bilong ol. Em long potato, toilet pepa, kon bif mit, tinpis, majarin na tin kaikai bilong ol pikinini.

Aninit long dispela nupela rot, ol bisnis kampani na manmeri

Dispela bai givim gutpela helpim tru long ol kastoma

nating husat i laik odarim ol samting ausait long kantri noken wari long kisim impot laisens o pemit (pepa long givim tokorait long ol i ken odarim ol ovasis samting) bipo long ol i mekim oda. Na tu ol lain i ken odarim ol samting long laik bilong ol long wanem kantri ol i laik.

Aninit long dispela rot, Mista Haiveta i tok, bai givim sans long resis i kamap namel long ol bisnis kampani. Bikos ol bisnis kampani nau bai resis long odarim ol samting long wanem hap long wol we ol i ting prais i dia. Na long sem taim samting ol i baim bai gutpela long ol kastoma i mekim tingting long baim.

Mista Haiveta i tok dispela bai givim sans tu long ol pipel long baim ol samting long laik bilong ol. Bikos ol yet bai skelim na sekim prais na kwaliti bilong ol samting we ol i laik baim.

Tasol Mista Haiveta i tok, kwarintin seksen bilong Dipatmen bilong Praimeri Industri (DPI) bai sekim yet ol samting taim ol i kam insait long kantri.

Mani bilong Porgera main go long Enga pinis kwik bikos long ekt

KOREKEN LEVY i raitim

MINEREL Stebilaisesen mani inap long K5 milien bilong Enga i bin pinis hariap tru. Dispela i kamap bihainim wanpela senis long mama lo bilong olpela Enga provinsal gavman, we i karamapim na lukautim Enga Minerel Risoses Stebilaisesen mani long 1994.

Dispela ripot i kam aut long wanpela ripot bilong Komyuniti Afeas dipatmen bilong Porgera Join Venja (PJV). PJV i wok long kisim gol na ol arapela minerel long Porgera Gol main. Na save putim sampela mani i go insait long dispela stebilaisesen fan.

Ripot i tok pasbuk bilong dispela stebilaisesen mani em ol i bin opim aninit long wan-

pela ekt o lo bilong Enga provinsal gavman. Wanpela as bilong dispela stebilaisesen em i bilong kirapim provins long wok bisnis. Na fan i save kisim olgeta royalti na sia mani em PJV i baim i go long Enga provinsal gavman.

Ripot i tok dispela mani i bilong olgeta pipel bilong Enga provins. Na planti pipel i no save long wanem samting i kamap long ol dispela mani.

Ripot i tok tripela man bod bilong Enga provinsal gavman em ol i makim i holim pawa bilong luksave long ron na wok bilong dispela mani. Na ol i mas givim wanpela mani ripot long pinis bilong mun Desemba long olgeta yia.

Ripot i tok moa olsem nesenel gavman tu

i baim mani i kam long dispela fan i go long Jenerel Revenyu Fan. Na dispela mani i hap tasol bilong olgeta mani ol i baim i go long Jenerel Revenyu Fan insait long wanpela yia.

Long dispela as, royalti mani nesenel gavman i baim i go long fan stat long 1980 taim main i go i go antap long K9 milien olgeta. Tasol taim nesenel gavman i givim bek pawa bilong Enga provinsal gavman long las yia, ol i kwiktaim senisim lo long ek, na givim pawa long provinsal gavman long yusim mani inap long K5 milien.

Long dispela as tasol na Enga nau bai painim hat long karimaut sampela gutpela plen long developim provins taim gol main i pinis.

AMAZING

Total hardware

AUGUST SPECIALS



HAMMER
STANLEY 16oz
K4⁹⁵



HANDSAW
Stanley Eagle 24 inch
K8⁵⁰



WOODSTOVE
K375

WIN A HOUSE!

G42 Model as pictured — 3 Bedroom fully furnished with Solar Water Heating.

ONE (1) Ticket for every K50.00 or more of cash sale



VALUED AT K30,000
Entries close 30-9-95
Drawn 4-10-95

Free T-Shirt with every Ticket!

ALL DISCOUNTED



TAPE MEASURE
GALAXIE 5m NEON
K6⁵⁰



AGDOR AXES
LONG HANDLE

1000gms — K22.50
1200gms — K23.95
1500gms — K28.95

TIMBER

- DAR TREATED
- WEATHERBOARD
- FLOORING
- MOULDINGS



LESS 20%

CASH SALES ONLY

WIN!

a **WOODSTOVE** or a **LOUNGE SUITE**

Spend K20.00 or more

and enter the **FORTNIGHTLY DRAW**

Drawn on: Thursday 17.8.95 & Thursday 31.8.95

TOTAL HARDWARE

• FREE DELIVERY TO HOUSE OR BUS STOP (WITHIN TOWN)

LAE — Milfordhaven Road Ph: 42 1065 Fax: 42 2062
MT HAGEN — Wonye Road Ph: 52 2285 Fax: 52 2140
BOROKO — Klinki Street Ph: 325 3988 Fax: 325 2621

PNG bai holim neks kibung bilong main na petrolium

SEMBA bilong Mains na Petrolium i makim yia 1996 olsem wanpela bikpela yia bilong ol. Blkos bai em i holim namba 3 PNG petrol kibung. Bihainim dispela, bai gat wanpela maining na petrolium invesmen kibung long Sidni, Australia.

Dispela namba 3 kibung bai kamap insait long PNG yet long Septemba 9. Na moa long 10-pela bikma meri bai givim ripot bilong ol. Dispela em ol lain husat i mekim wok bilong painim wel, kopa, gol na ol arapela minerel bilong graun insait long kantri.

Astingting bilong dispela ol kibung em long kirapim tingting bilong ol arapela kantri long kam yusim mani bilong ol long ol bikpela maining projek insait long kantri. Long dispela we bai ol i bringim moa mani na gutpela wok kamap i kam insait long kantri.

Insait long dispela kibung bai gat toktok long olgeta kain program. Wanpela samting ol bai toktok long en em dispela senis long provinsol gavman sistem. Ol bai toktok long wokim ol polisi o lo bilong ol i kamap olsem lo bihainim dispela senis. Na tu givim gutpela tok klia long dispela ol senis i go long ol ovasis kampani husat i kam wok long Papua Niugini.

Olgeta ol bikpela na liklik main bai givim ripot bilong ol. Na bai tktok long wanem we wok bilong kisim ol gol, kopa na wel i wok long go insait long kantri.

Bikpela samting long sekim mani kam insait na go aut

LAS wik mitupela i toktok long rot bilong kontrolim mani i go olsem wanem long bisnis. Dispela wik mitupela bai toktok long mani plen o baset.

Olgeta bisnis, liklik o bikpela, i mas redim wanpela baset. Bikpela hap bilong dispela baset em mani i go olsem wanem (cash flow). Tok piksa em hamas mani yu makim long kisim long bihain taim, na hamas yu makim long baim go aut (long sek mani).


Cash flow baset i no wankain olsem profit baset. Profit baset i karamapim tasol ol samting we bai mekim senis long profit mani. Kes baset i karamapim olgeta samting we i ken mekim senis long kes o hamas mani i kam insait long bisnis na go aut olsem profit, risip, na peimen bilong ol dinau mani, na peimen bilong ol samting bilong ol bisnis samting (assets).

Olgeta bisnis i mas mekim baset bilong wanpela yia. Ol bikpela bisnis save mekim baset bilong tripela yia, 4-pela yia o 5-pela yia.

Mitupela bai soim we bilong wokim baset yusim wanpela eksampel o piksa.

Balens sit long stat bilong yia i go olsem:

Assets	
Mai long beng	2,000
Debtors	1,000
Stock	2,000
Utility Trak	5,000
	K10,000
Liabilities	
Creditors	2,500
Mani	7,500
	K10,00
Profit na Loss Kaun yu makim (bilong wanpela treda) bilong narapela yia em:	
Sales 50,000	
Sapalai long bisnis stat	2,000
Baim sapalai	40,500
	42,500
Less stock at end	2,500
Cost of Goods Sold	40,000



Gros Profit	10,000	Less payments:	
Rausim Ovahed Kos		Purchase	40,500
Ren	2,500	Ren	2,500
Lektrik saplai	1,300	Ilektrik pawa	1,300
Depreciation on Truck	1,00		44,300
Olgeta kos	4,800	Add decrease in creditors	
Net Profit	5,200		500
			44,800
			11,200

Nau mipela bai lukim we Profit and Loss Kaun i senisim, hamas mani kam insait long bisnis na go aut wantaim ol dispela:

1. Papa bilong bisnis bai kisim dinau long K5,000 long brata bilong em (we i nogat interes) long traime na mekim bisnis i gro.

2. Papa bilong bisnis i kisim K100 olgeta wik long bisnis.

3. Em bai baim wanpela komyuta na printa bilong bisnis we i kos K5,000.

4. Em i makim olsem ol dinau bilong em bai goap long K1,000 i go antap long K2,000 long pinis long yia, na mak bilong mani em bai kisim bai pundaun long K500 i go daun long K2,000.

Em i makim kes flo bilong em bai kamap olsem:

Opening bank balance	2,000
Add Receipts:	
Sales (5,000 - increase in debtors 1,000)	49,000
Dinau long btaya	5,000
	56,000

Rausim kos bilong komyuta		5,000
		6,200
Rausim ekspens bilong ona (52 x 100)		5,200
Estimated Closing Bank Balance		1,000

Ol toktok long Kes Flo Baset

1. Baset i "stap klostu tumas long win. Gutpela piksa em sapos yu no salim planti samting, mak bilong mani yu bai kisim bai pundaun. Olsem na em bai gutpela long wet longpela taim pastaim bihain yu ken baim wanpela komyuta (ating long neks yia).

2. Taim samting i stap longpela taim, prais o kos bilong en bai go daun. Long tok Inglis ol i kolim "depreciation". Em i no ekspens bilong kes. Mani bilong trak em yu bin baim aut taim yu baim trak.

Dispela mani i stap olsem wanpela ekspens bilong Pofit na Loss Akaun. Trak i

kos K5,000. I gat bilip olsem em bai ron long 5-pela yia. Olsem na yu mas makim tu olsem wanpela kos o ekspens (K1,000 = K5,000/5) taim em i go lapun na i no moa gutpela long yusim.

3. Luksave tu olsem papa bilong bisnis i rausim olgeta profit bilong bisnis (K5,200) bilong em yet. Em mas noken kisim planti mani inap bisnis i mekim inap mani. Sampela profit mas stap yet wantaim bisnis. Dispela profit i bilong helpim bisnis taim prais bilong ol sevis o samting i go antap (inflation). Na tu long mekim bisnis i go bikpela (olsem bilong kisim moa samting bilong bisnis, moa saplai na dinau i go bikpela).

4. Sapos wanpela bisnis i no save salim wankain samting long olgeta mun (olsem bisnis bilong salim kopi), em i mas mekim wanpela baset long olgeta mun. Sapos yu mekim baset long olgeta yia, mani bai kam na go aut gut. Tasol mak bilong mani i kam insait na go aut bai i no inap wankain. Long kain taim olsem, yu mas toksave long beng bilong yu. Sapos beng i save long dispela, yu ken rausim moa mani long beng winim hamas yu gat long akaun.

5. Sapos baset i no go stret long wanpela yia, yu mas mekim narapela baset. Em i no gutpela long bihainim olpela baset we i no ron gut.

Em i gutpela aidia long wokim wanpela baset long tripela level o mak. Dispela em long mak bilong daunbilu tru, wanem damting yu bilip bai kamap, na wanem samting yu ting bai kamap. Dispela bai helpim yu long sekim ron bilong bisnis, na kontrolim hamas mani yu tromoi. Na tu dispela i ken soim yu long hamas stretpela profit yu ken mekim.

Em i gutpela long lukim akaunten bilong yu, taim yu mekim baset bilong yu. Akaunten i ken helpim yu long plenim o wokim baset. Long lukim akaunten, em bai kos mani. Na yu yet mas wokim tingting sapos yu gat inap mani long lukim akaunten.

Micah bilip long ol senis kisim PNG go het

ROSA KOIAN i raitim

BISNIS wok bilong Papua Niugini i no ron gut. Olsem na gavman i mas painim sampela rot bilong stretim em yet. Wanpela bilong ol dispela rot em long senisim wok bilong provinsal gavman. Bikos ol i kos moa mani long ronim.

Ben Micah, Membra bilong Kavieng Open, na man husat i go pas long kamapim ol senis long provinsal na lokol level gavman sistem i laikim Papua Niugini i kamap olsem wanpela independen kantri. Dispela i min olsem kantri i mas sanap long strong bilong em yet long mani. Na i no long dinau tumas long ol ovasis kantri.

Mista Micah i tok ol dispela senis long provinsal gavman i kamap long wanem nesenel gavman i lukluk long wanem we tru Papua Niugini i ken gro. Na long sem taim, gavman i no inap lusim mani. Taim komiti bilong Micah i glasim ol wok bilong provinsal gavman, ol i painim olsem long olgeta wanwan yia, K20 milien i bin go long olgeta provinsal gavman. Tasol ol wok i no kamap gut long ol provins. Na planti pipel i no kisim gutpela sevis bilong gavman.

Pablik sevis

Olsem na Mista Micah i tok ol dispela senis bai kamapim moa senis insait long pablik sevis. Namba wan samting em gavman i tromoi bikpela mani tumas long baim ol pablik sevan. Olsem na em bai rausim sampela pablik sevan.

Dispela i min olsem long bihain taim, ol greduet bilong yunivesiti na sampela arapela

skul husat i laik wk long gavman i mas gat gutpela skul mak. Bikos planti lain bai aplai. Na i nogat inap posisen. Na tu ol lain husat i laki na holim yet wok bilong ol i mas wokhat moa.

Namba tu senis Mista Micah bilip bai kamap em ol wokman meri husat i stap nau long ol biktaun bai sruk i go long ol distrik. Na stap klostu long ol pipel. Planti bilong ol dispela manmeri i gat save long mekim wok na helpim ol pipel. Tasol ol i stap long biktaun bikos i nogat haus o gutpela skul bilong ol pikinini bilong ol. Wantaim dispela rifom o senis, i gat bilip long moa developmen i kamap long ol rurel eria. Na ol pipel bai muv bek.

Antap long dispela, planti manmeri long ol provins bai lusim wok bilong ol na painim wok long narapela hap. Mr Micah i tok nau yet i gat planti manmeri husat i mekim ol wankain wok long nesenel na provinsal level. Ol sios tu i gat ol wankain wok long ol opis bilong ol yet. Mista Micah i tok i nogat nid long putim tupela o tripela man long mekim wanpela wok tasol sapos wanpela inap long mekim. Bikos bikpela samting em gavman i lusim mani. Na nogat wok i save kamap.

Nesenel Plening Opis

Narapela samting i kamap aninit long dispela ol senis em Nesenel Opis bilong Plening. Dispela opis bai lukautim ol tingting na ol plen i kam long ol distrik plening opis.

Ol distrik plening nau bai stap klostu long ol pipel. Dispela i bihainim wanpela bikpela tingting bilong ol nupela senis i wok long kamap, em long harim wari bilong ol pipel. Na mekim ol plen

i bihainim tingting bilong ol. Aninit long olpela provinsal gavman sistem, gavman i save mekim ol plen long laik na tingting bilong em yet. Olsem na planti taim dispela ol plen i save popaia. Na ol pipel i no lukim wanpela senis long ol dispela plen.

Mista Micah i tok aninit long olpela sistem tu planti taim ol pepa i save lus na i save hat tru long luksave long mani bilong provinsal gavman i go olsem wanem. Aninit long ol dispela senis, insait long ol provina bai gat ol distrik tresere opis. Dispela ol opis bai senisim ol BMS opis. Na bai lukautim olgeta wok bilong mani insait long wanwan provins. Mista Micah i tok ol manmeri husat i laik kisim wok olsem tresera i mas kam long ol yunivesiti. Na tu i mas gat setifiket o pepa long mekim kain wok olsem.

Narapela samting dispela nupela provinsal gavman sistem i laik winim em long mekim rot i isi long ol bisnisman meri long kam long Papua Niugini. Aninit long olpela sistem bilong gavman, planti taim ol dispela manmeri i save paul tru. Bikos i gat planti gavman. Na olgeta dispela gavman i gat kainkain liklik lo bilong ol yet. Nau ol i ken toktok wantaim wanpela man o meri tasol. Ol senis long ol provins tu i laik lukim olsem ol pipel i mas givim tokorait bilong ol pastaim na bihain ol wok i ken kamap. Dispela i kamap long wanem planti taim ol bisnisman meri husat i gat save long mekim wok bilong maining, timba o kisim pis long solwara i save popaia. Bikos ol pipel i no givim tokorait bilong ol.

Gutpela wok bung bilong ol meri long Is Sepik i helpim ol pipel long ples

FUZO PAUL i raitim

TUDE insait long kantri bilong mipela long Papua Niugini, i gat planti grup o ogenaisesen bilong ol meri i stap. Astingting bilong ol meri long kantri long kamapim ol grup em long painim rot long helpim ol yet.

Tasol planti wimens groups i wok long senisim dispela astingting. Na ol i wok long lukluk long painim ol rot long stretim sindaun bilong ol pipel long ples, husat i stap long longwe. Na i no inap kisim gutpela gavman sevis olsem haus sik, skul, gutpela rot na ka. Na planti arapela sevis we gavman i save givim.

Tasol insait long Is Sepik provins i gat planti grup bilong ol meri i stap pinis. Planti bilong ol dispela grup i save wok aninit long ol sios grup bilong ol.

Sampela em ol Katolik, Luteran, Asembi ov God (AOG), Seven De Edventis (SDA), Yunaited sios na planti arapela grup we ol mama yet long ples i kamapim. I gat tu Is Sepik Kaunsil bilong ol Meri, husat i save mekim planti wok long helpim ol pipel bilong ples.

Insait tu long Is Sepik provins tude, wok bilong ol wimens groups i strong tru. Planti i save go aut long karimaut tu ol spirituel wok. Na tokaut long gutnius bilong Jisas.

Na tu visitim ol sikman meri long haus sik, na ol wan lotu long strongim wok bilong ol meri insait long ol arapela long provins.

Long bipo, planti grup bilong ol meri i save wok wanwan. Tasol nau long Is Sepik provins, grup bilong ol meri i wok long kam isi isi wantaim na wokbung.

Gavman bilong Is Sepik tu i luksave long dispela. Na em i wok long go klostu long bungim grup bilong ol meri long wokbung wantaim ol.

Long sampela taim long dispela yia, samting olsem 12-pela grup bilong ol meri insait long provins i bin putim han wantaim. Na wok wantaim Komyuniti Developmen Opis bilong Is Sepik.

Dispela em long salim sampela meri husat bai makim wanwan grup bilong ol meri long go aut wantaim sampela opisa bilong Komyuniti Developmen Divisen.

Na givim aut sampela klos laplap, marasin bilong ol sik lain, ol samting bilong kaikai, na ol samting bilong helpim long wok gaden long ol pipel husat i bungim hevi long bikpela haiwara long Sepik Wara.

Ol dispela meri bai go long 14 ples olgeta insait long marimari eria. long het bilong Sepik Wara.

PNG OL AIRS TAIL



Musik stori-Boi Cawi redi long katim
nupela kaset - Lukim stori long pes 18

Laip long setelmen strong long bikples

Dispela hettok i gat bikpela stori bilong en i stap. Dispela stori i stap long tupela setelmen insait long bik-taun bilong Is Sepik, Wewak. Mi no laik stori long wanpela bikples insait long Wewak taun. Nogat dispela bikples mi laik stori long en em tok-bokis bilong ol lapun, yangpela, na ol mama long tripela setelmen ya long Kaindi, Mapau na YC setelmen.

Insait long dispela tripela setelmen i gat wanpela baret wara i stap. Dispela baret wara i ron i go olgeta long mangoro, na go aut long solwara. Baret wara i go daun na bungim mangro. Na i kamapim hettok bilong dispela stori long sampela laip stori bilong ol pipel insait long dispela tupela setelmen.

Mangro em dispela bikples mi laik stori long en. Long wanem wara i stap, diwai mangro i stap, na kaikai na mani tu i stap long en. Ol pipel bilong dispela tupela setelmen i save yusim mangro long wokim kainkain samting long lukautim ol yet. Bikpela samting long mekim laip i kamap gutpela em haus. Planti pipel long setelmen i save yusim ol mangro diwai long sanapim haus bilong ol. Tude

ADDY LAVAKS i raitim

planti manmeri long ol narapela setelmen i save kam long Mapau na YC. Na baim ol bikman, na tu ol yangpela long katim mangro diwai bilong ol long sanapim haus.

Sapos ol yut i laik go daun long mangro, ol i mas baim kanu bilong husat man ol i laik yusim long go katim mangro diwai. Sas bilong yusim kanu long wanpela de em K5 o K7. Em nau, papa bilong kanu i gat mani pinis. Papa bilong kanu ken baim kaikai nau long mani ya.

Kaikai pulap long bikples (mangro)

Narapela samting em kaikai i pulap stret long bikples. Ol meri long setelmen save go daun wantaim ol string bilong pulim pis. Na save kam bek long haus wantaim planti pis stret. Long apinun, ol bai gat gutpela sup (kaikai) bilong kaikai na slip. Ol man tu save go daun long mangro wantaim umben long kisim pis long mangro, na long solwara. Ol save kisim ol abus olsem pis, kuka, malio, trausel na pukpuk. Sampela bilong ol dispela abus ol bai kaikai. Na sampela bai ol i salim long kisim liklik wansiling.

Ol meri tu save wokim mani long kainkain samting ol i kisim long mangro olsem kina na ol longpela tel sel kina we i pipia nating long mangro. Ol bai pulimapim beg wantaim ol sel ya i go pulap gut tru. Taim beg i pulap, ol bai go salim long maket.

Ol save kisim ol stik brum, na ropim ol kina na longpela tel sel kina. Na bai salim wanpela nok long 10t tasol. Ol manmeri i save baim long stretim bel na switim maus bilong ol.

Sel bilong kina kamap kambang

Orait dispela em kaikai bilong dispela tupela sel pis ya. Orait bihain long dispela, ol save bungim gut ol sel bilong kina long wanpela bikpela bung. Na bihain ol bungim ol pangal bilong saksak na kukim ol sel kina long kamapim abus bilong buai na daka, em kambang. Taim ol i kukim kambang pinis, ol save pasim long ol liklik mekpas. Na karim i go long Dagua maket na salim 10t long wanwan. Nau ol i save pulimapim kambang long ol likik pastik beg na salim 20t long wanpela. Planti manmeri long dispela komyuniti i save kisim gut mani long dispela hatwok bilong ol. Bikos bikples i stap, olsem na laip tu i stap.

25% MOA


5 bisket long prais bilong 4

Morobeen
BEEF
CRACKERS

Morobeen Beef Cracker
nau i givim yu wanpela moa
bisket insait long pack,
dispela beef teist bai mekim
maus i wara. Baim long
prais bilong 4bisket.

Hariap taim stok istap yet!

Sotpela taim tasol!



Morobeen

BISCUIT MAKERS TO PNG

Drag na komyuniti na drag long ol skul



PLANTI pipel insait long dispela wol i save stap long ol komyuniti. Ol liklik famili grup na ol wantok na wanpinis husat i stap bung wantaim i wokim kamap komyuniti. Wankain tasol, planti komyuniti wokim kamap wanpela siti. Tasol olgeta komyuniti insait long wol i no wankain.

Insait long wanpela siti, ol pipel i ken stap long wanpela komyuniti. Tasol ol i no save o klia long wanpela na arapela. Ol i stap long wanpela eria olsem na ol i wokim kamap komyuniti. Planti taun na siti long Papua Niugini wok long kamap olsem. Tasol ol komyuniti long ol ruel eria i narakain. Ol komyuniti stap wankain tasol. Na ol pipel i save long ol yet.

Wankain tasol, i gat tu ol drag komyuniti we i gat hevi bilong yusim drag nogut i wok long kamap o i wok long stap. Insait long dispela komyuniti, planti pipel i save yusim drag. I gat tu ol drag komyuniti we planti pipel i no save yusim drag. I gat tu ol komyuniti we ol pipel i no save yusim ol drag nogut.

Tude insait long Papua Niugini, i gat sampela komyuniti ol i no luksave o save yet long hevi bilong yusim krangi ol drag nogut. Na i gat sampela komyuniti luksave olsem i gat sampela pipel insait long komyuniti wok

long yusim drag-bikpela tru em mariwana.

Wanpela komyuniti save mekim wanem samting taim em i luksave olsem wanpela man insait long komyuniti wok long yusim mariwana? Wanpela komyuniti mas mekim wanem samting long banisim hevi bilong drag i go insait long komyuniti? Wanpela komyuniti mas mekim wanem

samting sapos komyuniti kamap pinis olsem wanpela drag komyuniti?

Namba wan samting ol pipel bai mekim em long askim ol polisman long go insait long komyuniti na arestim ol lain husat i wok long yusim drag. Dispela rot i gutpela. Tasol bai no inap helpim tru long pinisim dispela hevi. Ol polisman i ken holimpasim wanpela yangpela man husat i smokim mariwana. Na salim em i go long kalabus. Taim dispela i kamap, ol arapela lain husat i save smokim mariwana bai hait long ol polisman na go het yet long smokim mariwana.

Sapos wanpela komyuniti no go insait tru long as bilong dispela hevi, em bai no inap tru long stretim dispela hevi.

Hia long Papua Niugini, ol ruel komyuniti no bungim tasol hevi bilong smokim mariwana. Nogat. Ol i bungim tu hevi bilong planim mariwana. Planti pipel long ol ruel komyuniti wok long planim na salim mariwana bikos prais bilong ol kes krop olsem kopi, kakao na kopra i pundaun o i no gutpela. Ol pipel i nidim mani. Bikos pasin bilong laip bilong nau yet i no moa wankain olsem bilong sampela yia i go pinis. Olsem wanpela yangpela

man i tok: Mipela i no moa bilong kaukau kalsa.

Ol komyuniti insait long siti nogat hevi bilong planim mariwana. Nogat. Ol i gat hevi bilong pasin bilong salim drag long ol strit na maket. Olsem na ol komyuniti long tude i no bungim tasol hevi wantaim ol lain husat i save yusim drag. Ol i bungim tu hevi wantaim ol lain husat i save planim na salim mariwana.

Sapos wanpela komyuniti gat bikpela na strongpela tingting long stap fri long hevi bilong drag, em i mas save long drag. Em bai no inap pait egensim drag sapos em i luksave long drag i wanem samting. Na ol hevi o bagarap drag i ken kamapim long bodi bilong ol pipel na tu long sosaiti na komyuniti bilong ol.

Sapos ol pipel long wanpela komyuniti plen long pait egensim hevi bilong drag, ol i mas salim wanpela memba bilong komyuniti go long kisim save long drag awenes.

Ol i mas salim dispela memba bilong komyuniti go long wanem hap?

gat planti semina na woksop i wok long kamap long planti hap na eria insait long kantri. Astingting bilong ol dispela semina na woksop em long skulim ol pipel long ol drag. Na tu long mekim ol pipel i luksave long wanem kain ol hevi drag i ken kamapim long ol pipel.

Nesenel Nakotiks Biro i no inap long go long olgeta hap insait long kantri. Tasol ol pipel i ken yusim ol rot we Biro i putim kamap long kisim save long drag. Na wanem rot ol i ken pait egensim dispela hevi.

Planti taim ol midia oganaisesen insait long kantri save givim ripot bilong ol skul pikinini kamap long han bilong ol polisman na kot long sas bilong

yusim drag long skul. Drag we planti pipel i wok long yusim em mariwana. Tasol planti hevi bilong mariwana insait long ol skul i no save kamap long midia. Bikos ol skul i no laikim ripot i mas kamap long midia.

Hetmasta bilong planti haikul i ken tokaut olsem i gat hevi bilong drag insait long skul bilong ol.

Hevi bilong drag i stap long olgeta levul bilong skul-sekondari, praimer na teseri na tu ol arapela skul.

Ol pikinini bilong olgeta kain manmeri yusim mariwana. Tasol mipela i no inap tok olsem olgeta skul pikinini save yusim drag. Tasol mipela i no inap long tokaut stret long mak bilong dispela hevi long ol skul. Bikos i nogat gutpela stadi bin kamap long luksave long mak bilong dispela hevi long ol skul insait long kantri.

Long wanem hap ol dispela sumatin i save lainim long yusim drag?

Em i isi long sutim tok i go long ol muvi na vidio. Tasol i gat bikpela luksave i stap olsem planti muvi na vidio i no save soim pasin bilong yusim ol drag olsem mariwana. Arapela samting i olsem planti sumatin insait long ol skul long kantri no save lukim muvi na vidio.

Tasol Nakotiks Biro i kisim helpim askim i kam long ol skul insait long ol ruel eria. Ol dispela suamting long ol ruel eria i kisim save bilong smokim mariwana long wanem hap.

I gat taim we ol sumatin i save kisim save long mariwana long ol tisa bilong ol. Ating ol tisa i kisim save long mariwana taim ol i stap long tisa koles. Ol papamama i mas was long ol tisa. Sapos wanpela tisa i yusim mariwana, ol i mas givim ripot i go long ol atoriti bilong Edukesen dipatmen

i divisen long provins bilong ol.

Ating planti yangpela pipel i save kisim pasin bilong yusim drag long komyuniti na strit. Na bringim dispela pasin i go insait long skul.

Ol skul i gat kainkain lo bilong stopim ol sumatin long smok insait long skul. Sampela i gat ol strongpela lo. Tasol planti taim ol sumatin i no save bihainim ol lo.

Long wanem rot wanpela skul i ken luksave olsem hevi bilong drag i wanpela hevi bilong skul?

Taim yu lukim wanpela man i smok, dispela i no min olsem em i smokim mariwana. Sapos wanpela man i kisim spesel skul long smelim smel bilong mariwana, em i ken save olsem wanpela man i smokim mariwana. Dispela kain man i ken smelim smok na tok dispela o wanpela sumatin i smokim mariwana.

Ol tisa i mas kisim trening long ol drag. Long nau yet, dispela samting i no kamap. Nakotiks Biro i gat plen o tingting long mekim dispela samting. Tasol i sot long ol risoses long i go long ol tisa trening koles na in-sevis kos bilong ol tisa.

Wanpela gutpela rot long luksave long hevi bilong mariwana long skul em ol tisa i ken glasim skul mak bilong ol sumatin. Eksampel-sapos skul mak bilong wanpela gutpela sumatin i pundaun, ol tisa i mas glasim gut dispela sumatin. Long wanem nogut em i stat long yusim mariwana na ol skul mak bilong em i pundaun.

I gat planti rot i stap we ol tisa i ken luksave long hevi bilong mariwana insait long skul. Pastaim long ol tisa i ken save long ol dispela rot, ol i mas kisim trening. Sapos ol i no kisim trening, ol bai no inap tru long luksave long hevi bilong mariwana insait long skul bilong ol.

D A N G E R

I T A M B U T A R A V A T U

OL SAMPELA SAMTING YU NO INAP KARIM LONG BALUS!

C O M P R E S S E D G A S E S



N O K E N K A R I M O S A L I M O L S A M T I N G

I N S A I T L O N G H A N B E K O O L S E M K A K O L O N G B A L U S .

LONG KARIM O SALIM OL KAIN SAMTING OLSEM INSAIT LONG BALUS, IMAS IGAT SPESOL SEIFTI LUKAUT. LONG BALUS, IMAS IGAT SPESOL SEIFTI LUKAUT. LONG BALUS, IMAS IGAT SPESOL SEIFTI LUKAUT. SAPOS YU NO KLIA GUT, PAINIM AUT MOA LONG OL BALUS LAIN O OL KAKO LAIN.



6-pela yia pait daunim ples Uso

VERONICA HATU-
TASI i raitim

BIKPELA bus tru i karamapim hap we ples Uso long saut wes Bogenvil i bin stap long en pastaim. Wanem samting wanpela ken lukim nau em hap we haus bilong em na famili i bin sanap long em inap long Epril 1992. Nau em ol diwai, gras na bus i karamapim. Peter Mara, husat i bilong dispela ples i no inap lukim wanpela samting tru long makim olsem dispela em ples bilong em we moa long 200 pipel wantaim 60 haus i bin stap amamas wantaim gutpela laip long bipo.

Long namba wan taim Peter Mara na sampela man long ples Uso i kisim tokorait long ol sekyuriti fos na ol bikman bilong komyuniti long go raun lukluk long ples bilong ol long dispela yia, Peter i sore nogut tru na aiwara i ron i pun-

daun long ai bilong em. Bikos ples bilong em i no moa stap. Memori o tingting tasol long laip na ol gutpela taim we em wantaim famili bilong em na ol pipel long ples i bin gat long ol gut taim, bipo long hevi i kamap long ailan.

Peter wantaim ol lani bilong em save pinis olsem ol i no inap lukim wanpela samting i sanap long ples. Bikos taim ol hevi na trabel long Siwai eria insait long saut wes Bogenvil i go nogut tru, sampela lain i bin go insait long dispela ples na kukim ol haus na olgeta samting long ples ya. Dispela em taim ol Motuna BRA i fosim Peter na olgeta lain long ples ya long ranawe lusim Siwai, na taitim rot i go olsem long Nagovis na sentrel Bogenvil we ol bin stap inap long 4-pela yia.

Ol lain i kukim ples i stilim tu ol sampela samting bilong ol pipel olsem redio, ka,

teprekoda redio, baisikel na masin bilong samap.

Bihain long tokorait bilong kamapim gutpela sindaun i kamap long Honiara, biktaun bilong Solomon Ailan long las yia, Peter wantaim famili na planti wanples bilong em i lusim Nagovis, ples we ol i ranawe na stap long en long Jun 1994.

Taim Peter na famili i go bek long Siwai, ol i sindaun long Tonu kea senta wantaim planti tausen manmeri na pikinini husat i bin ranawe long narapela sait bilong ailan, taim ol trabel long Siwai i go bagarap long 1992.

Olgeta lain ya i lusim olgeta samting em ol i bin sevim long laip bilong ol. Bikos long taim ol i ranawe, ol i kisim liklik senis na wanem samting we ol inap long karim wantaim.


Wanpela de, Peter na sampela pikinini i go bek long olpela ples long painim ol samting

we ol bin haitim long bus long 1992 yet. Tasol sori tru, nogat wanpela samting i stap. Sampela lain i stilim na ol arapela i sting nating. Sampela sospen bilong kukim kaikai i stap yet. Tasol taim ol i yusim long kuk, hot bilong paia i mekim na ol i bruk nabaut.

Famili ya nogat samting bilong yusim long kuk na kaikai. Na tu ol pikinini i sot long klos lapla. I no famili bilong Peter tasol i bungim dispela hevi. Planti famili husat i kam aut long bus i bungim dispela hevi.

Tasol ol i no givap. Wantaim ol liklik helpim bilong Red Cross, ol kea senta edministresen, na ol haus lain bilong ol husat i bin stap long ol hap we gavman i lukautim stat yet long 1992, ol i wok long kamapim gen gutpela laip na amamas.

Peter i tok dispela kain laip i hat tru. Na



• Kea senta long Buin long saut wes Bogenvil em planti manmeri na pikinini i bin ranawe na go stap.

long makim ol pipel long ples bilong em, em i no laikim gen wankain hevi long kamap long bihain taim. Maski ol samting we ol i bin hatwok long planti yia bipo i bagarap, ol pipel i gat strongpela tingting na


laik long wokhat na go hetim nupela laip.

Peter i tok hevi we ol bin bungim insait long tripela yia we planti famili memba i bin indai, i givim planti skul long laip bilong ol. Na tu ol i save nau long wanem samting bilong


mekim taim kain hevi i kamap.

Tude Peter wantaim ol arapela man long ples bilong em i klinim nupela hap long wokim ples na sanapim ol haus. Olpela ples Uso em ol i yusim long wokim gaden.


NEW AXION LEMON GREASE STRIPPER




**ISI WE LONG
KLINIM OL DIS
NA SOSPEN
BILONG YU!**



Hon. Sir Albert Kipalan (PPP)
Minister for Lands
Wabag Open



Hon. Arnold Marsipal (Pangu)
Minister for Justice &
Minister assisting the
Prime Minister
Manus Provincial




Hon. Peter Yama (PPP)
Minister for Transport
& Works
Chairman, Ministerial
Infrastructure
Committee
Sumkar Open




Rt Hon. Sir Julius Chan (PPP)
Prime Minister & Minister for Foreign Affairs &
Trade
Namatanai Open



Hon. Chris Haiveta (Pangu)
Deputy Prime Minister and Minister for
Finance
Gulf Provincial




Hon. Mathias Ijape (NP)
Minister for Defence
Goroka Open




Hon. Paul Wanjik (BAP)
Minister for
Correctional Services
Wosera/Gawi Open



Hon. Nakikus Konga (Pangu)
Minister for Commerce
& Industry
Gazelle Open




Hon. David Mai (PPP)
Minister for
Agriculture & Live
stock
Chairman, Ministerial
Economic Committee
Simbu Provincial






Hon. Kilroy Genia (Pangu)
Minister for Public
Service
Chairman, Ministerial
Law & Order and
Administration
Committee
Abau Open




Hon. Moi Avei (Pangu)
Minister for National
Planning
Chairman, Ministerial
Implementation
Committee
Kairuku/Hiri Open



Hon. Joseph Onguglo (BAP)
Minister for Education
Kundiawa/Gembolg
Open




Namba 5 Nesenel Kabinet Chan/Haiveta Kabinet Ogas 2, 1995 -




Hon. Samson Napo (Pangu)
Minister for Industrial
Relations
Buloio Open




Hon. John Giheno (Pangu)
Minister for Mining &
Petroleum
Henganofi Open



Hon. Robert Nagle (Pangu)
Minister for Housing
Mul/Baiyer Open



Hon. David Unagi (PUP)
Minister for Provincial
& Local-Level
Governments
Moresby North East
Open



Hon. Andrew Baing (PPP)
Minister for Forests
Markham Open




Hon. Titus Philemon (PPP)
Minister for Fisheries
Samarai/Murua Open



Hon. Peter Barter (PPP)
Minister for Health
Chairman, Ministerial
Social Committee
Madang Provincial



Hon. Parry Zeipi (PPP)
Minister for Home
Affairs
South Fly Open



Hon. Michael Nali (PPP)
Minister for Civil
Aviation, Culture &
Tourism
Mendi Open




Hon. Paul Mambel (PPP)
Minister for
Environment
Aitape/Lumi Open



Hon. Paul Tohian (PPP)
Minister for
Administrative Services
New Ireland Provincial



Hon. Castan Maibawa (PPP)
Minister for Police
Okapa Open



Hon. Joseph Egilio (PPP)
Minister for
Communications
Central Bougainville
Open

Boi Sepik laik katim nupela kaset

ADDY LAVAKS i raitim

KAMI SIMON, wanpela man bilong ples Yuaruwa na Korogu long Is Sepik prprovins i sambai nau kisim balus na go long Mosbi siti long katim nupela kaset bilong em.

Wantok i bin painimaut long planti stori bilong dispela yangpela man. Dispela em long taim em i lainim long sikirapim gita na raitim ol singsing bilong em yet.

Kami i bin lainim long pilai gita long 1981 taim em i mekim gred 2 long Mongniol Komyuniti skul long Wewak. "Dispela em i laik bilong mi yet long dispela taim. Na mi save komplem long mama long baim redio o gita bilong mi," em i tok.

Tasol mama i no harim wari bilong Kami. Olsem na Kami mekim stilpasin na kisim sampela mani na baim gita. Em lainim long pilai gita. Na tu go insait long moa stilpasin. Plis i holimpas em long stilpasin. Na

em i kalabus 4-pela yia long Bois Taun long 1982. Long Bois Taun, Kami lainim moa long pilai gita.

Pater Liebert Bros i harim wari bilong Kami na ol arapela boi na go long Mosbi. Bihain em kam bek wantaim wanpela laip ben set na Kami ol stat long pilai. Dispela taim olgeta wari bilong Kami i pinis.

Kami i tingim tupela poro em ol i save praktis wantaim long boistaun. Nem bilong tupela em Harris, husat i pilai nanu wantaim Balas ben long Lae, na Steve, husat i pilai raun wantaim Memehusa kampani bilong Mosbi.

Kami kisim liklik save long pilai lektrik gita na wari bilong em i karim kaikai. Kami pinisim kalabus na kam aut. Na wantu biknem musikman, Christian Mandiwali i kisim em. Na em i pilai wantaim Mandiwali long Dumps ben bilong Wewak long 1985.

Tupela yia em paitim gita wantaim Dumps ben i go na ben i bruk. Orait em i joinim ol

arapela ben olsem Seiwok Souls, wanpela ben bilong wes kos long Wewak. Bihain em joinim gen Mandiwali na wanpela nem drama long Wewak,

Mandiwali). Long 1986, em lusim Mandiwali na go long Wewak, na go olgeta long Madang. Long Madang em pilai wantaim

Bihain em bihainim kandre bilong em i go stap long Bulolo, Morobe provins. Na pilai wantaim tupela ben long hap olsem Hooters Kamadu bilong Bumbu setelmen long Lae siti, na Nervous Tour bilong Bulolo. Nervous Tour em ben bilong kandre bilong Kami.

Nau yet Kami i stap long asples Wewak. Na i no pilai wantaim wanpela ben. Bikos i nogat moa laip ben long Wewak taun. Tasol em i wok long raitim na putim wantaim sampela singsing. Na laik katim wanpela kaset wantaim Chin H Meen Supa Saun studio long Mosbi. Taitel o hettok bilong kaset Kami i laik putim em 'Rita Olsem Ples'.

Mining bilong dispela hap tok em pasindia sip MV Rita i olsem wanpela hap graun o ples bilong mipela ol Sepik. Bikos taim Rita i kam sua, Sepik i kam. Na taim Rita i tekova, ol Sepik tu i pasindia na go wantaim em. Olsem na dispela sip em asples tru bilong ol sip.

Tasol mama i no harim wari bilong Kami. Olsem na Kami mekim stilpasin na kisim sampela mani na baim gita. Em lainim long pilai gita. Na tu go insait long moa stilpasin. Plis i holimpas em long stilpasin. Na em i kalabus 4-pela yia long Bois Taun long 1982. Long Bois Taun, Kami lainim moa long pilai gita.


Bobby Otto, na pilai long ben wanpela ben bilong ples Mandiwali (ben bilong Kambot).

BIRUA MAN LONG GIVIM BIRUA LONG OL RASKAL



BM9

Patfon i kamap long kakaruk na pik



BIPO bipo tru, ol lain tumbuna bilong mipela ol Karkar Ailan pipel long Madang provins i wokim wanpela bikpela gaden tru long ples Tapilan. Ol i kirap long bikmoning na klinim dispela hap. Bihain ol i wokim banis na stat long planim ol kaikai.

Planti mun bihain, ol kaikai i redi na ol pipel i go na kisim. Tasol long wankain taim tu, ol pik i kam insait long narapela sait bilong gaden na bagarapim ol kaikai i kam. Tasol papa tru bilong dispela gaden i no save olsem dispela samting i wok long kamap.

Long wanpela moning em i go na wok long raun sekap long ol kaikai bilong gaden. Em i kamap long narapela sait nau na kalap nogut long lukim olsem ogeta kaikai bilong arapela sait i bagarap olgeta. Ol pik i brukim graun an mekim nabaut long ol kaikai.

Taim em i sekap long banis, no gat wanpela hul i stap. Banis tu i antap moa na em i no save ol pik kalap na kam insait olsem wanem. Olsem na tran-gu ya i tingting planti na



go bek long ples. Em go bungim olgeta strongpela man bilong ples na tokim ol long wanem samting i bin kamap. Orait olgeta i pasim tok tok pinis na redim ol spia na bunara bilong ol. Ol i tingting long go na putim was long gaden long nait.

Long nait olgeta i kirap na go long gaden na was i stap. San tu i go hait olgeta na na ol tumbuna ya i no meknais nabaut. Ol i sindaun isi tasol, han i stap long spia na bunara na lukluk tasol long ai i stap.

I no longtaim na ol i harim pairap na kalap nogut stret long lukim wanpela bikpela waitpela kakaruk i flai i kam na go insait long banis gaden.

Kwiktaim em i kamap na stat long tanim i go kamap olsem pik. Bihain em kirap na wok long brukim graun na kaikai ol taro na kumu insait long gaden.

Olgeta strongpela man bilong ples ya i lukim olsem na bun bilong i stat guria. Nogat wanpela bilong ol i strong moa. Olgeta i wok long sutim toktok long wanpela na narapela long tromoi spia. Ol i mekim olsem i go na wanpela bilong ol i kirap na tromoi spia bilong em.

Spia i pas long sait lek bilong pik. Kwiktaim pik i pilim olsem na tanim i go bek long waitpela kakaruk na flai i go na pundaun longwe liklik long gaden.

Ol lapun bihainim wantaim ol spia bilong ol i go tasol nogat wanpela kakaruk i slip i stap.

Ol i lukim tasol wanpela bikpela ston. Ol i kirap na traim long supim ston i go daun long maunten. Tasol dispela ston i no meknais liklik. Biknait nau na olgeta i pilim hangre na slek olgeta. Olsem na ol i lusim dispela

ston i stap na go bek long ples.

Taim ol lain man ya i kamap long ples, stori bilong dispela kakaruk na pik i bruk. Orait olgeta pipel bilong ples i harim na go bung long haus bilong kukurai (bikman bilong ples). Ol i salim tok long ol strongpela man bilong arapela ples tu i kam na olgeta i karim ol stik bilong digim graun na go long ples we ston i stap long en.

Ol i brukim graun arere long ston i go inap apinun tru na ol autim ston long graun. Ol i supim em i go daun long maunten. Tasol taim ston i pundaun na bihainim maunten i go daun, bikpela meknais tru i kamap. Pairap bilong dispela ston i olsem maunten paia i bruk na bikpela win tu i kamap. Ol lain bilong bikples Madang i harim na ting olsem maunten paia i pairap. Tasol nogat. Orait olgeta pipel

i amamas na go bek long ples. Ol i wokim bikpela kaikai long amamasim ol lain bilong narapela ples long helpim ol.

Long bikmoning, papa bilong bipela gaden i laik go lukluk long gaden na em i lukim dispela ston i slip i stap long ples bilong en. Em kirap sisti na sotwin wantaim i go long ples. Papa bilong gaden i tokim olgeta pipel na ol i go long lukim.

Taim ol i kamap, ol meri i go na digim graun arere long ston. Orait bihain ol i planim naispela flawa. Nius i go long olgeta hap bilong ailan na ol pipel i kam long lukim dispela ston. Ol bikman bilong ples i bung na putim nem bilong dispela ston Patfon. Dispela i min olsem ston i kam bek na i stap long ples bilong en. Dispela ston nau i stap yet na mi tu bin lukim. Nem bilong dispela ples tu i senis long Tapilan na i go long Patfon. Em tasol stori bilong mi

Stermphil K. Ballfon
Karkar Ailan
MADANG

TOKSAVE

Sapos yu gat wanpela tumbuna stori we yu laikim i kamap long dispela spes long niuspepa, plis raitim na salim i kam long dispela adres:
Tumbuna Stori,
Wantok Niuspepa,
P.O. Box 1982,
BOROKO.



□ Kanage em i wanpela strongpela misnari. Olgeta Sande em i save go long misa. Em i save bihainim stret olgeta samting na toktok i stap long Baibel. Bikpela samting i olsem em i no marit. Taim ol manmeri na poroman bilong em i askim em long watpo na em i nogat laik long marit, em i save tokim ol olsem: Wanem, mi mas marit long stap laip long dispela graun. Wanpela taim nau Kanage wantaim wanpela poroman bilong em i go ilimbur long taun. Tupela raun i go na Kanage i lukim wanpela yangpela meri. Em i lukim dispela yangpela meri na meri ya i kukim em wansait stret. Poroman bilong Kanage luksave pinis long dispela samting. Mekim i go nogat na Kanage tokim poroman bilong em olsem: Peren, meri ya maski kum katim, wara wasim na mambu tu i katim em ya. Poroman bilong Kanage lap na tokim em: Mi ting olsem ol strongpela Kristen i no save aigris o mangalim samting bilong arapela man. Kanage harim poroman bilong em i tok olsem na em i tok: Gutpela poin bilong yu. Tasol toktok bilong mi bai no inap kamapim trupela samting. Mi toktok long kisim swit tasol long strongim mi long stap wankain yet.

Yava Kanage
MOSBI

■ Kanage i go raun long Wewak taun long wanpela Sarere moning. Skul holide tu na taun i paia stret long kainkain pes. Kanage bungim sampela poroman bilong em na ol i sanap na stori stap long aste nait. Ol i sanap stori stap na Kanage lukim wanpela hapkas PS Kantri na Wopa Kantri meri wantaim ol poromeri bilong em i wokabaut i kam. Ol i wokabaut i kam na dispela hapkas PS na Wopa meri saitim stret long beksait bilong Kanage. Na Kanage pilim olsem ol skin gras bilong meri ya i tasim skin bilong em. Kanage tanim na tokim meri ya olsem: Hones, poro yu karim stret ya. Tam meri ya i harim olsem, em i tanim lukluk long Kanage long lek i go antap long namel bilong em na tokim: Hones, poro yu ova lod stret ya. Kanage kirap na tokim em: Maski, yu kamap na kamap tumas. Meri ya harim olsem na askim Kanage: Kamap long wanem hap-long daunbilo bilong yu? Karim lap na tokim meri ya: Kain bilong yupela ya, i no save luksave long wantok. Meri ya wantaim ol pren bilong em harim olsem na putim hangasip long maus na lap.

Man Wantok
WEWAK

□ Kanage wantaim meri bilong em i marit nupela na stap. Wanpela nait nau tupela i slip i stap. Kanage em man bilong slip olsem enimol. Em i slip dai olgeta. Tasol misis bilong em i no slip. Em i wok long slip na tingting long marit laip bilong em wantaim Kanage bai gutpela i nogut. Em tingting i go na tingting bilong em i paul olgeta. Em nau em i kirapim Kanage na tokim em olsem: Kanage, mi wok long tingting planti ya. Mi no save sapos marit laip bilong mi wantaim yu bai gutpela o i no gutpela. Yu gat wanem kain tingting?

Kanage klinim tupela ai bilong em na tokim misis bilong em: Yu save o nogat. Mitupela i stap wantaim long wanpela mun nau. Mitupela i no stap wantaim longpela taim yet na yu gat dispela kain tingting. Bikpela samting yu mas luksave i olsem Baibel i tok taim wanpela man na meri marit, tupela i kamap wanpela bodi tasol. Olsem na nau mi givim mi yet ba bodi bilong mi go long yu. Na yu tu mas mekim wankain samting. Yu mas givim yu yet, bodi bilong yu na dispela samting tu i kam long mi. Meri bilong Kanage harim Kanage tok "dispela samting" na em i tokim Kanage: Mi ken givim i kam long yu tasol i mas stap sotpela taim tasol na kam bek long mi.

Nangu Power
WEWAK

Boi prenim pamuk meri na pret long AIDS



Dia LAIPLAIN,

Mi wari tru olsem nogut mi kisim wanpela sik nogut em i save kalap taim man i prenim meri.

I no longtaim i go pinis, mi bin prenim wanpela meri. Na bihain mi painimaut olsem meri ya save mekim pamuk pasin.

Bai mi mekim wanem?

ONCE ONLY

Dia PREN,

Em i gutpela long yu tingting long bodi bilong yu, maski yu prenim meri long wanpela taim tasol. Sapos meri i gat sik long bodi, yu ken kisim tu.

Ol kain sik i ken givim bikpela hevi sapos yu no kisim sut marasin kwik. Nau yet i nogat sut marasin bilong sik AIDS.

Planti taim ol meri gat sik bai i no inap save

olsem bodi bilong ol i gat sik. Na ol ken givim sik ya long ol man. Yu mas lukim dokta long sekim yu kwik. Na noken wet taim sain bilong sik i kamap bikpela.

Bai gat sain olsem liklik sua long penis bilong yu, pen long penis o susu bai kam aut long penis.

AIDS save kamap taim HIV binatang nogut i kilim indai olgeta

marasin bilogn bodi long pait egens kainkain sik. HIV save kalap i go long narapela manmeri long tripela we. Dispela em long taim man i prenim meri, mama i karim bebi na givim long bebi, na long blut.

Ol dokta i sekim bodi bilong man long painimaut olsem em i gat HIV o nogat. HIV bai soim pes long tes bihain long tripela mun.

Man i gat HIV i ken kisim sut marasin long STD Klinik o long bikpela haus sik fri. Na ansa bilong tes em dokta husat i mekim tes tasol bai save. Em i no inap tokim ol arapela pipel. Ol bikman meri bilong helt i tokaut long wanpela rot tasol bilong abrusim AIDS. Dispela em prenim tasol meri bilong yu, taim yu marit. Taim man na meri i

lavim tupela yet long marit, pasin bilong holimpas long bed o wokim pren bai gutpela moa. Dispela kain lav i winim dispela bilong prenim pamuk meri.

Long Yunaited Stet bilong Amerika, wanpela grup ol i kolim True Love Waits i stat long tupela yia i go pinis. Wankain grup i kamap nau long planti arapela kantri long wol.

Grup ya i kamap bikos ol papamama i lukim planti yangpela manmeri i prenim ol yet na kamapim pikinini nating. Na ol i no save long lukautim pikinini. Planti papa i ranawe na meri tasol i lukautim pikinini. Mekim na tude, planti pikinini long USA i kamap wantaim nogat papa. True Love Waits em i wanpela kempen bilong strongim pasin

bilong man prenim meri bihainim Baibel. Kempen i laik skulim ol yangpela long stat prenim man o meri taim ol i marit.

LAIPLAIN


TOKSAVE

Sapos yu gat hevi, rait i kam long LAIPLAIN, Box 6047, Boroko, o ring long telipon namba 326-0011. Taim yu rait long mipela, plis putim nem na adres bilong yu. Mipela i no inap bekim pas sapos yu no putim trupela nem na adres bilong yu. Ol trupela hevi em mipela bai tokaut long dispela spes long niuspepa. Tasol mipela i no inap tokaut long nem na adres bilong yu.

Sapos yu gat hevi o wari, yu ken ring mipela long dispela namba 26 001 o yu ken rait i kam long dispela adres: LAIPLAIN, P.OBOX 6047, BOROKO. Mipela no inap long autim trupela nem bilong yu long yia.



Big Bro **REBO**



Spak **MAIK**



Edukesen woka mas wok gut

Dia Edita,
 Mi wanpela skul manki bilong CODE insait long Is Sepik provins. Mi no amamas tru long ol lain woka husat i save wok long het kwata bilong Waigani bikos ol i save westim taim long salim ol buk i kam long ol wanwan provinsal senta.

Taim mipela i pinisim wanpela kos o ol wok insait long wanwan buk nai laik go kisim narpela kos gen, ol wokman bilong skl isave tok yupela wet liklik. Ol lain long het kwata i no salim ol buk i kam yet.

Mipela save wet longpela taim tru na mipela i save les tru.

Em olsem na sampela i save lus interes o les long wokim ol stadi bilong ol. Inap yupela olain long provinsal senta na het kwata i stopim dispela kain pasin?.

Em i wok bilong yupela na yupela i mas wokim gutpela progrem bilong yupela long bihainim. Bai yupela i no ken mekim na ol studen i westim taim bilong ol nating.

Yu husat brata o susa i laik sapatim o egensim em laik bilong yu tasol long rait.

**Simon Kofsy
 WEWAK**

Planti manmeri kisim strong long buai

Dia Edita,
 Mi wanpela mama husat i save salim buai long Voco Poin insait long Lae siti.

Mi laik putim komplem bilong mi long ol plis husat i save rausim ol manmeri long maketim buai klostu long ol bas stop.

Mi laik tok strong olsem long mipela long salim buai em samting long kisim mani long em bilong helpim mipela long baim kaikai na skul fi long ol famili bilong mipela.

Buai em wanpela samting nau planti manmeri i kisim strong long en na stap laip long en. Yu ken lukim tu olsem planti manmeri long ples i go insait moa long wok bilong planim buai. Bikos ol i save olsem dispela em wanpela rot bilong kisim gut mani. Na buai i sevim laip bilong planti manmeri long taun na ples tu.

Pasin we ol plis i mekim long rausim mipela i no stret. Mipela long Voco Poin i no ol longlong lain. Mipela i save klinim ol rabis pipia bilong mipela long taim maket i laik pas long apinun.

Mi wanbel olsem long planti hap sampela manmeri i no save bungim ol pipia bilong ol na dispela i save mekim ples i luk nogut. Na em i rait long ol plisman long rausim ol pipel husat i maketim buai.

Tasol mipela long Voco poin i save klinim ol pipia bilong mipela ya.

**Ketma Kovo
 Voco poin
 Lae
 Morobe provins.**

Tingim gut ol tok pilai

Dia Edita,
 Mi wanpela manki husat i save laikim tru long lukim ol kain tok pilai we ol i raitim long bas, ka na trak.

Wanpela samting tasol em, yumi i mas yusim het na yusim nem bilong God Papa long ol toktok we bai i bihainim wok na laik bilong em.

Papa God em ino bisnis man o man we yu ken tok pilai long em o yusim long antapim bisnis bilong yu.

Mipela inoken yusim nem bilong Papa God long ol tok pilai na pani stori olsem long Biabia, Toro, Kanage Spak Maik na Rebo.

Em tasol i lukautim yu wantaim bisnis bilong yu na maski long pilai wantaim nem bilong em.

Long Baibel em yet i tok maski long maketim nem bilong mi nating sapos yu nogat gutpela risen. Yusim nem bilong mi long samting we i ken givim yu laip.

Long ol man husat i save pilai long nm bilong Papa God, mi no wanbel tru.

**Waramson Nkuva
 Kapiura
 Wes Nu Briten.**

Sekyuriti mas wok gut

Dia Edita,
 Mi no amamas tru long ol sekyuriti bilong ol stoa long Hagen taun.

Planti long ol i save giaman na holim skin bilong ol meri taim ol i sekim ol.

Taim ol i sekim ol, ol i no save stap isi. Ol bai mekim sampela kain tok long grisim ol meri.

Tu ol i save askim tumas long klos we ol meri i werim.

Mi laik tokim yupela ol lain sekyuriti olsem yupela i mas was gut long ol man bilong stil na sekim ol.

Na maski long giaman penim skin long ol meri na holim ol nating.

Long lukluk bilong mipela planti ol kastoma, yupela i luk olsem ol kalabus man stret.

Tingting bilong yupela i no stat stret long wok mani bilong yupela.

Sapos mipela i tokim bos long dispela kain pasin ating bai bos i mekimsave long yu dispela kain sekyuriti stret.

Nogut bai kus i hangamap long nus bilong yu sapos bos i harim na rausim yu long wok.

Wok bilong yu olsem sekyuriti em wok bilong olgeta man long mekim. Referens bilong yu long

sekyuriti i no inap helim yu long painim wok.

Tasol em bai helping yu tasol long sekyuriti.

Tasol yu mas tingim tu olsem bos i no save lukluk long referens long kisim wokman olsem sekyuriti. Dispela em sans wok bilong olgeta man long mekim.

Olsem na tingim gut wok bilong yu na mekim na i no ken holim skin bilong ol meri nating long stua.

Mekim wok stret na noken kusai tumas.

**Joseph Yasi
 HAGEN**

**Raitim OL PAS bilong yu i kam long dispela Adres:
 EDITA WANTOK NIUSPEPA, P.O.BOX 1982, BOROKO, NCD.**

**Sapos yu raitim leta bilong yu raitim long tok Inglis
 long husat man o meri yu laik rait long em.**

OX & PALM BRAND

CORNED BEEF

Pastaim yu save kisim nambawan buli bif bilong PNG long bikpela tin 340gm. Nau yu ken kisim long nupela liklik 200gm tin tu.

Kisim moa soldia PMV fe kirapim belhat na plisman

Dia Edita,

Mi gat bikipela wari nau na mi laik autim. Gavman bilong mipela i mas kisim moa ami na plisman. Kantri bilong yumi i no inap tru long ol ami na tu long ol plisman.

Mi save ritim nius bilong arapela kantri we ol i save pait na mi tingim bek long kantri bilong yumi.

Yumi kisim independens pinis na yumi mas sanap strong long wok bilong militeri na plis fos long givim inap menpawa.

Nau yumi gat planti bikhet pasin bilong ol raskel lain insat long kantri. Na gavman i traim long yusim kain kain rot long pinisim dispela hevi bilong lo na oda tasol i hat moa yet. Bikos nupela lain bai i go aut na mekim bikhet pasin yet.

Mi ting ol lida bilong mipela long palamen i mas yusim het bilong ol na traim toktok strong long kisim moa soldia na plisman. Dispela inap daunim namba bilong ol raskel na bikhet pasin insait long kantri.

Mi save olsem ol dispela raskel manki em ol skul manki tasol i no gat wok olsem na ol i tanim bek long pasin raskel na bikhet.

Ol i pinisim gret 10 na sampela i pinisim gret 12 na Yunivesiti tasol no gat wok bilong ol i mekim. Olsem na gutpela tingting em tromoi olgeta i go insait long wok bilong ami na plis fos.

Em tasol tingting bilong mi na husat arapela i laik putim moa tingting antap em laik tasol.

**John Kapil
BANZ**

Ol yangpela pulap long bikhet pasin

Dia Edita,

Mi save stap klostu long ples Gabsongkeg klostu long Nazdab ples balus.

Mi no amamas long pasin we ol Malamumu Luteran Yut grup bilong Gabsongkeg i save mekim long mekim bikipela nois na bagarapim ol arapela pipel husat i stap klostu long ol.

Ol lain manki ya i save spak, singaut na tok nogut nabaut long olgeta man long harim. Ol i no save haitim spak na bikhet pasin bilong ol. Ol bai singaut na bikmaus na mekim bikipela nois moa we olgeta manmeri long ples bai harim na i no inap slip gut long nait.

Ol no save isi long wokim pasin pamuk na kisim pikinini nating wantaim nogat papa long ol. Planti long mipela i les pinis long kain pasin bilong ol we i save stat long Fraide i go inap long Sande.

Dispela pasin bikhet i kamap bikipela nau na i hat long stapim. Ol bikman long ples tu i no gat inap pawa nau long stapim dispela kain

bikhet pasin bilong ol yangpela. Ol yangpela i winim ol bikman nau wantaim ol dispela bikhet pasin.

Long Sande ol lain ya i save bilas gut, karim Baibel na go lotu. Mi tokim ol lain ya olsem ol ino kamap tru ya. Ol i save kamap ol giaman skin nating kristen long Sande.

Mi lukim dispela kain giaman pasin long taim bilong lotu na mi save sem long lukim bikos taim lotu i pinis, ol bai go bek long wankain bikhet pasin bilong ol gen.

Ol dispela yut o yangpela manki i bagarapim tru gutpela nem na gutpela sindaun bilong ples. Ol liklik manki long bihain tu i wok long lukim kain pasin bilong ol na i wok long bihainim nau.

Mi ting wanpela bikipela traim i mas kamap long dispela ples bai olgeta manmeri ya i ken lukim na senisim ol deti pasin bilong ol ya.

**Fiang Mirijog
Lae
Morobe provins.**

Ol lida tu i brukim lo na oda

Dia Edita,

Mi laik autim belhevi na wari bilong mi long ol memba long palamen na ol plisman long wanpela samting mi lukim ino gutpela long tingting bilong mi. Tasol pastaim mi go het wantaim komplem bilong mi, mi laik putimaut wanpela askim i go long ol bikman na tu long pablik.

Lo na oda i kam we?

Mi putimaut dispela askim bikos long sampela taim i go pinis, mi ritim long niuspepa olsem ol plisman i holim pasim sampela Yunivesiti sumatin long ritim ol pilai boi megesin o buk nogut i gat ol piksa nogut long en.

Long Tabubil tu, ol plis i bin holim pasim na sasim K300 fain sampela man long ritim na lukluk long pilai boi megesin. (Pilai boi megesin em i wanpela niuspepa we i gat ol nogut piksa long em) Wanpela samting tu em ol plis i mas kukim ol dispela megesin buk bihain long ol i kisim long han bilong ol man.

Orait, poin we mi laik mekim em sampela ol bikman long palamen i save mekim na lukim ol blu muvi na nogut bilong yupela yet.

Na tu sampela long yupela ol bikman i gat ol pilai boi megesin we yupela yet i lukim.

Mi yet long wanpela taim i bin lukim wanpela megesin nogut we i gat wanpela meri em i sindaun as nating na aninit ol i raitim Manus Dram long en.

Sapos em i tru yupela sampela ol bikman long palamen i gat ol dispela kain nogut megesin na piksa, em ino stret o gutpela long holim pasim na sasim ol sumatin na ol arapela man na abrusim ol politisen.

Aplaim lo long olgeta man bikos i nogat narakain long bilong ol man nating na narapela bilong ol bikman.

**Maris Dobi
Ok Tedi-Tabubil
Westen provins.**

Dia Edita,

Mi wanpela grasrut manki husat i gat wanpela komplem long pe bilong ol PMV ka.

Mi no amamas long papa bilong ol PMV ka long dispela pasin ol i wokim long apim pe bilong ol PMV ka i go antap olgeta taim.

Yupela i save olsem planti bilong mipela ol manmeri i no gat we long kisim mani long em. Mipela i save go long maket long salim ol kaikai bilong salim na kisim liklik mani bilong baim ol

kaikai na samting. Maket em wanpela rot tasol we mipela asples i save kisim strong long en.

Na pasin we yupela ol PMV ka i mekim long apim pe long bas na ka fi i givim hevi tru long mipela.

Samting we yupela i wokim tu i strongim ol grasrut manki long kirapim strong gen ol raskel pasin. Yupela i save olsem sampela long mipela ol grasrut i save hensapim ka na ol PMV bilong

yupela. Yupela yet i skelim dispela em asua bilong husat.

Yupela sasim moa mani long ol yangpela, ol bai belhat na stapim yupela long rot gen long kisim bek mani bilong ol.

Husat brata na susa i sapotim o egensim dispela pas, rait i kam long Wantok Niuspepa na mi bai amamas long lukim.

**Griky Mangana
Lae
Morobe provins.**

Memba bilong Aitape Lumi mas tokaut

Dia Edita,

Mi makim ol pipal bilong Aitape/Lumi ilektret na olsem mi laik autim wari bilong ol i go long memba bilong mipela husat tu i minista bilong plis long nesenel gavman, Paul Mambei.

Mi askim Minista Mambei long tokaut nau long ol pipel bilong Aitape/Lumi olsem husat tru i papa long wanpela hino trak ol i kolim long Alasi Trensport. Narapela samting tu we mipela i laik ya klarim long mipela em husat tru i papa long wanpela kampani long Wewak ol i kolim long MAPS. Mipela i laik ya tok klia long mipela sapos trak ya na kamapani MAPS em i bilong ol Alasi pipel o long Mambei famili. Long nau, MAPS kampani i gat wanpela bulldosa trak na greda.

Mi raitim pas long kisim ol tok klia bikos ibin gat bikipela pait na kros i kamap namel long lain bilong Mista Mambei na ol arapela pipel long trak na kampani ya.

**John Wilai
Lumi
Sandaun provins.**

Vot i nogat pe long en

Dia Edita,

Mi no amamas long pasin we sampela lain bilong Lufa i mekim long votim ol memba bikos bihain ol bai askim long kisim ol mani bilong baim ol spot yunifom, ol sponsa nabaut na arapela wok projek nabaut.

Yupela i tingting tasol long nau na ino long tumora na mekim dispela. Yu putim dispela man i go long palamen, em i samting bilong yu. Sapos man ya i no inapim laik bilong yupela, em i leit pinis long yu long wari. Man ya ino inap lukluk long yu bikos em i winim sia. Asua i stap long yu yet.

Nau mi laik tokim yupela ol manmeri bilong Lufa eria olsem 1997 nesenel ileksen i kam klostu na memba olsem Mathias Karani em i gutpela man husat i helpim long kamapim sampela developmen long ilektret na ol pipel bilong em.

Olsem na mi askim yupela ol pipel bilong Lufa long holim bek Mista Karani na maski long kendidet i peim kempain long mani. Lukluk gut sapos man i mauswara o ones man. Yupela inoken pasim ai na vot.

Mi tok rijonal memba bilong yumi bai i lusim sia i go long narapela husat i moa ones na inap long kisim sevis i kam long ol pipel bilong em long ples.

Husat i gat sampela toktok long dispela samting, rait ikam tasol long Wantok Niuspepa na mi bai amamas tasol long lukim.

**B. Itude Karive
Mosbi.**



NEM: Jay Johannes

KRISMAS: 20 (man)

ADRES: Tigidu Komyuniti Skul, PO Box 115, Finsafen, Morobe provins.

LAIKIM: Pilai soka, basketbal, tok pilai wantaim ol pren, raitim pas na harim ol PNG musik

NEM: Jerom Yaku

KRISMAS: 18 (man)

ADRES: Aitape Vokesenel Trening Skul, PO Box 34, Aitape, Sandaun provins

LAIKIM: Pilai soka, lukim TV, harim redio, go waswas long solwara na raun wantaim ol pren na raitim pas.

NEM: Pauline Sapan

KRISMAS: 19 (meri)

ADRES: c/ Rosemary Kramer, Bush Development, PO Box 1134, Madang prov.

LAIKIM: Pilai soka, kukim kaikai, go lotu, mekim penpren, wok lokng haus na slip long san.

NEM: Zuzy Apa

KRISMAS: 15 (meri)

ADRES: Kerowagi High School, PO Box 70, Kundiawa, Simbu province.

LAIKIM: Ritim buk, pilai volibal na basketbal na harim musik.

NEM: Judy Waim

KRISMAS: 15 (meri)

ADRES: Kerowagi High School, PO Box 70, Kundiawa, Simbu province

LAIKIM: Tok pilai, ritimbuk, pilai soka na harim ol pop musik.

NEM: Elice Fabian

KRISMAS: 15 (meri)

ADRES: Kerowagi High School, PO Box 70, Kundiawa, Simbu province.

LAIKIM: Danis, harim musik, harim stori na ritim buk.

Mipela ol tripela meri long Buka i laikim penpren long olgeta hap bilong PNG na tu long ovasis. Hia em nem na edres bilong mipela.

1. Devlyne Magdalen (20), laikim long pilai volibal, go lotu, raitim pas, go danis na waswas long solwara.

2. Lucy July (27) laikim long pilai volibal, huk long solwara, go lotu, harim musik, danis na raitim pas.

3. Christine Judy (23). laikim long go hukim pis, wok gaden, go danis, pilai spot na raitim pas.

ADRES: Yotchibol Village, c/ Tungol Parish, Nissan Island, P.M.B. Buka, North Solomon Province.

NEM: Steven Simeon

KRISMAS: 16 (man)

ADRES: Telefomin High School, Sandaun province.

LAIKIM: Ritim buk, pilai ragbi tas, lukim TV na harim musik.

NEM: John Siking

KRISMAS: 22 (man)

ADRES: WTB Co, Pty Ltd, Western Enterprise, PO Box 195, Kiunga, Western Province.

LAIKIM: Ritim buk, raitim pas, go raun na harim gospel musik na ol pop musik na pilai spot.

Tok bilong Baibel i we?

Dia Edita,

Mi laik autim pasin we ol wokman bilong Luteran Sios insait long Wantoat seket na Matap peris i save mekim. Jisas i kam daun long graun na indai bilong bekim sin bilong mipela olgeta man long wol. Long Baibel em i no tok long yu husat

brata o susa long rausim ol wok manmeri husat i wokim sin. Tasol i tok long stretim husat brata na susa i wokim sin.

Tasol mi save lukim olsem ol wok manmeri bilong Matap peris in o sori lusim sin bilong husat i wokim rong long ol. Ol i save kamap jas na skelim man we ol i ting em i wokim rong pasin. Yumi save pulap tru long tok bilong bikipela olgeta taim long maus bilong ol pasto na wokman bilong sios.

Yumi no nupela long dispela tok bilong givim bel na laikim arapela. Dispela i

soim tu olsem ol toktok bilong baibel yumi save harim i nogat miring bilong em long laip bilong yumi. Yumi harim long narapela ia na i go long narapela ia.

Yumi save kisim holi komunian na waswas long wara na holi spiriti long taim bilong baptais. Yumi kisim blesing long konferemesen. Tasol yumi haitim ol dispela blesing na go het yet long pasin bilong tudak. Laikim arapela brata na susa i no stap long bel bilong yumi.

**Zibot Togon Wantoat
Morobe provins.**

Mobail klinik go long 9 Mail setelmen

SILAS GOWEP i raitim

OL manmeri long 9 Mail setelmen long Mosbi bai kisim isi marasin tasol long hap ol i stap na go bek long haus. Bikos nau i gat wanpela ka we i save karim marasin raun long sevim ol sikmanmeri.

Dispela em Helt Dipatmen na HOPE, wanpela grup bilong Sios ov Kraus i bung wantaim na baim dispela ka ol i kolim mobail klinik. Em i gat olgeta marasin, rum bilong slip na tenk bilong holim ol samting long en. Na em i save stap tasol long Moitaka So Graun long sevim ol manmeri long 9 Mail setelmen.

Mobail klinik ya i save wok tasol long olgeta Mande, Trinde na Fraide stat long 8 kilok na pas long apinun.

Manigo pas long HOPE, Dokta Graham Ogie em yet isave wok insait long dispela klinik olsem traim dokta. Dokta Graham i gat 6-pela wokman meri bilong helpim

em. Tripela em woka bilong Helt Dipatmen na narapela tripela em woka bilong HOPE.

Ripot bilong wanpela helt woka long dispela mobail klinik i tok olgeta namba bilong ol manmeri i wok long go antap. Mak bilong em i olsem long 80 na 160. Dispela i soim olsem moa manmeri i wok long kam olgeta de.

Helt woka ya i tok bikpela tingting bilong Dokta Graham em long givim medikel sevis tu long ol manmeri husat i stap long ol setelmen.

Nau ol manmeri bilong 9 Mail setelmen long Mosbi no inap long hatwok long painim pmv bas long go kisim marasin long 3 Mail haus sik long Mosbi. Bikos nau em dispela mobail klinik i stap pinis.

Ka i save pulim dispela haus klinik ya raun long wanem hap setelmen em Dokta Graham na lain bilong em i laik go.

Mobail klinik ya i gat olgeta samting na ol wokman bilong em tu i no inap painim hatwok long wanem samting ol i laikim.

Sik bun nating groa long Lumi

ARI HABA i raitim


MAUSMERI bilong Katolik na CBC Wimens grup long Lumi distrik insait long Sandaun provins i tok sik bun nating i no asua bilong ol mama tasol. Dispela sik bung nating em asua bilong olgeta manmeri, papamama insait long famili, ol lain helt woka, ol lain DPI, Edukesen, NGO na ol nesenel na provinsal memba.

Mipela olgeta i no save wok bung wantaim long daunim hevi bilong sik bun nating, Misis Racheal Luke i tok.

Misis Luke i tok olgeta lain grup olsem helt na didiman ol i bin luksave olsem Lumi distrik i kamap namba wan distrik insait long Sandaun provins na tu long PNG long i gat bikpela rekot bilong sik bun nating long kantri.

Tasol ol woka bilong tupela divisen ya i no save go sindaun isi wantaim ol pipel long painim rot na wei bilong daunim ol dispela hevi.

Misis Luke i tok ol pipel insait long Lumi Distrik i gat inap kaikai tasol ol i sot tasol long save bilong kukim gutpela kaikai bilong helpim bodi.



• Ol meri kisim, trenin long luksave long ol sik bun nating insait long ples.

Mausmeri ya i tok em i amamas long ol helt woka olsem Clementine Yaman husat i kam olgeta long Lae Nutrisen Rijenal opis long skulim ol manmeri long gutpela rot bilong kukim gutpela kaikai bilong helpim bodi. Arapela woka tu olsem Canilius Tobudi,

Dawa Wera na Arnold Ake i traim mekim gutpela wok long givim skul long ol manmeri long gutpela kaikai, soim piksa bilong ol dispela samting. Ol i holim ol kos bilong pait long ol dispela hevi bilong sik bun nating.

Ol meri Lumi Distrik skul long sik bun nating

MOA long 36 meri long Angugonak, Lumi distrik long Sandaun provins i bin kamap long wanpela wan wik Helt kos long CBC senta long las mun.

Insait long dispela woksop, ol dispela lain meri i bin lainim planti samting long laip bilong ol mama na pikinini, sik bun nating, sik pekpek wara, rot bilong kukim gutpela kaikai, wok bilong MCH Klinik na rot bilong daunim sik hariap long ples.

Ol opisa i bin kam long

helt opis long Vanimo na Lae long ranim dispela woksop kos long ol mama long ples.

Bikpela samting ol meri i lainim long dispela woksop em long luksave long ol liklik pikinini namel long wanpela krismas na 5-pela krismas. Ol i dispela lain manki i gat sik bun nating o nogat?.

Misis Clementine Yaman, Rijenal Nutrisenist insait long Momase Rijen i bin soim ol meri long makim han bilong ol liklik long wanpela kain pepa we i ken soim

olsem pikinini i gat sik bun nating o nogat. Olsem na sapos ol meri ya i go bek long ples na painimaut olsem ol manki i gat sik bun nating, ol i mas go kwiktaim long edpos o klinik long taun.

Ol meri i lainim tu ol kain kain kaikai we i gutpela long helpim bodi bilong ol pikinini na bikpela manmeri tu. Tupela helt woka em Arnold Ake na Dawa Wera i go pas long dispela kos bilong kaikai na rot bilong redim gutpela kaikai long ol pikini-

ni na bikpela manmeri i ken kisim na kaikai.

Ol i kisim skul olsem i gat ol kaikai olsem saksak, taro kongkong, kaukau, yam, mani, banana, rais, bret na arapela moa bilong givim strong long bodi. Ol abus olsem pis, mit, pinat, tulip em bilong mekim bodi i groa. Na ol kaikai olsem kumu em bilong was long sik i no ken kisim bodi. Na tu em bilong givim blut na givim marasin long bodi i pait egensim ol sik long bodi.

APO askim nupela woka long wok gut

MICHAEL MONDA i raitim

OLPELA Helt woka husat bai pinis wantaim 45,000 pablik sevis manmeri i askim ol nupela woka long givim bel long wok bilong ol.

Pita Mol husat i bin wok olsem Ed Pos Odali (APO) insait long hailans eria i tok ol nupela yangpela wokmanmeri husat bai i kisim ples bilong ol 45,000 manmeri husat bai pinis long mekim gut wok bilong ol. Ol i mas givim bel long wok bilong ol long sevim ol manmeri.

Pita i tok wok bilong em olsem APO, em i save wokabaut long bik bus, maunten na brukim tudak na ren i go long givim marasin long sikman. Sampela taim bai ol sikman i kam long bikpela nait, o ren taim, long Sarere na Sande o long ol taim nogut long kisim marasin. Olsem na ol nupela APO i mas tingim dispela samting na mekim wok bilong ol stret long sevim laip bilong ol manmeri.

Pita i tok dispela em wok bilong God na ol manmeri i mas mekim. Ol i noken wok na komplek long mani. Bikos dispela bai bagarapim wok bilong ol na ol manmeri i ken kisim hevi long dispela.

Pita Mol i wok olsem APO moa long 44 krismas na i redi tasol long lusim wok na go long ples. Em i kisim pas pinis long gavman na Helt Dipatmen olsem em bai pinis long wok bilong em olsem APO. Pita i bin statim wok APO long 1952.

Pita i bin kisim skul bilong APO long Hagen long tupela krismas, 1950-1952 long ples we Hagen haus sik istap long en. Em i save slip long Minj na go skul long Hagen. Man husat i lainim em long wok APO em Mista George Yan bilong Australia na Palus Kup bilong Hagen yet.

Pita i statim wok APO long 1952 long ples Naragaima long Simbu provins long wanpela krismas. Long 1953 em wok long Nondugul long Westen hailans provins. Long 1954 em i wok long Baiya Riva na long 1955-1958 em i bin wok long Minj istap na em i marit long hap.

Long 1959-1960, Pita i wok long Wes Kambia, 1961-1963 em i go wok long raun long Simbu sait. 1964-1970 em i go bek long Jimi Nebilya na long 1971 i kam inap nau em i wok long Fatima Banz i go inap em i kisim nem APO.

Pita nau bai statim nupela laip olsem man nating long ples nau.

WAREHOUSE

SALE

Total Concept

LAE STUA TASOL

TEBOL BILONG KAIKAI

BETSIT NA BLANKET

SERAMIK TAELS

SIA NA TEBOL BILONG OPIS

LAP LAP BILONG WOKIM KLOS


KAPET

Sarere 12 Ogas. 8 Kilok monin - 3 Kilok apinun.

Res Mani Tasol!

Total
concept
TOTAL FURNITURE

LAE
MILFORDHAVEN RD.
PHONE: 42 4747.

BUK BILONG OL SEVISIS**BUILDER****KISSING BUILDERS**
PO Box 1884
Lae
Morobe ProvinceGeneral building, plumbing,
maintenance; painting, construction.**PLUMBING SERVICES AVAILABLE****24 HOURS CONVENIENCE**Butubum Road Lae Morobe Province -
Telephone: 42 0602**CHRISTIAN BOOK CENTRE****LAE & MADANG**Educational/Christian books
English/Pidgin/Tok PlesGifts & school stationery
Nanulon St, Madang
Ph: 82 2043 Fax: 82 33764th St Lae
Ph: 42 4156
Fax: 42 7073**COFFEE MACHINERY****Montale Pty Ltd** Ph: 72 2611
Fax: 72 2612Mipela Agen bilong Pinhalense Kopi
Masin. Pulpers, Driers, Hullers,
Destoners, Gravity Separators, El-
evators na sampela moa.Olgeta Kopi masin em mipela i gat
'inap. Kam lukim mipela nau mipela
inap helivim yu.**HAIR & BEAUTY**We manufacture hair and beauty products.
We wholesale, retail, large range of black hair
products. We sell hair pieces and hair equip-
ment. If you manage a salon or would like to
open one, we will provide you best quality
products at best prices. If you prefer any
U.S.A. hair product and you cannot find it here,
we will get it for you. Any questions about your
hair product you use or braiding, our chemist
and cosmetologist are here to help you.**EF - KAY PARADISE PRODUCT CO. PTY. LTD.**
Steamships Hardware Compound Properties,
Waigani Drive, NCD. Ph: Fax: (675)
325 0519, P.O. Box 1671, Port Moresby.**HAIR & BEAUTY***His 'N' Hers*
HAIR SALON*All Hair Care*Black Hair
&

Beauty Products

42 1843

P.O. Box 1721, Lae, Central Arcade.

SAWMILL**TOKEN & ZEACAN**

Portable Sawmills

Strongest light-weight mills in P.N.G.

Saws 1m² per hour


New Auto Field

PRICES START AT K16,000.00For Saw Blades, Filters, Belts, Files, Teeths,
Holders, etc.

Contact:

TIMBERSAWS (PNG) PTY LTD.

Laurabada Avenue Lae

Phone: 42 7015 Fax: 42 7673
PO Box 318 Lae**FOR SALE****MIPELA I GAT OL
STRONPELA FISIN NET OR
UMBEN NAU LONG WEWAK.
FSC PTY LTD**Stoa i stap long Scenic draiv
hapsait tasol long Customs OpisTelipon: 863465 (Wewak)
3231288 (Port Moresby)**Yu ken edvetais
hia long KO
tasol long
wampela wik.
Long painimaut
moa long dispela,
ringim Augustine,
Jack or Joe long
telipon namba
325 2500.**

Ol toktok long aninit i bilong Deputi Oposisen Lida Hon. Roy Evara,
MP long Tunde Ogas 1 long amamasim olpela Lida bilong Oposisen
bilong Papua Niugini Rt. Hon. Paias Wingti, CMG, MP, Memba bilong
Westen Hailans Rijonal.

Honerebel. Roy Evara i mekim ol dispela toktok taim oposisen lida Rait
Honerebel Paias Wingti na memba bilong Westen Hailans Rijonal
i risain olsem oposisen lida. Bikos em i laik wok olsem Gavana bilong Westen Hailans.

**TOK TENKYU NA AMAMAS I GO LONG WINGTI**

Bihainim risain bilong oposisen lida Rt. Hon. Paias Wingti na Memba bilong Westen Hailans Rijonal. Deputi Oposisen Lida Mista Roy Evara i tok Mista Wingti i mekim bikpela disisen long kamap gavana bilong provins bilong em. Dispela em i olsem yu mekim disisen long go insait long wampela wol em yu no save long en. Bikos mipela i no save rifom bai wok gut o nogat. Tasol mipela i gat ol gutpela lida husat i redi long bungim dispela salens. Ol pipel bilong Westen Hailans i mas amamas. Bikos long namba wan taim long histori bilong Papua Niugini, ol bai gat lida husat i bin ronim Papua Niugini long antap sia long kamapim ol rifom, na long aninit sia olsem gavana wantaim ol lokol level gavman.

Ol pipel bilong Is Sepik i mas givim sem sapot long Rt. Hon. Sir Michael Thomas Somare, taim em i yesa long ronim provins olsem gavana.

Mista Evara askim ol pipel bilong Westen Hailans na Is Sepik long amamas long lida bilong ol, Rt. Hon. Paias Wingti na Rt. Hon. Sir Michael Somare. Long sem taim, Mista Evara i salim gudlak long ol arapela gavana long ronim wanwan provins bilong ol bihainim dispela rifom em palamen i bin oraitim. Em i Papua Niugini i bin strong tru long bringim kamap dispela senis. Na mipela mas wokbung long mekim ol dispela rifom i karim kaikai. Mipela nidim olgeta manmeri na pikinini insait long kantri long mekim wanem samting mipela i bin mekim logn 1975, taim mipela i kisim self gavman na independens wantaim paul tingting. Mipela i kam longpela rot pinis wantaim planti gutpela senis i kamap. Na tu planti asua mipela i mekim. Na mipela i painimaut pinis we ol bikpela senis i mas kamap, long mekim Papua Niugini i kamap gut.

Em i askim ol pipel bilong Papua Niugini long noken pret long ol dispela senis. Bikos ol dispela senis i mas kamap long kantri i go het. Em i salensim ol pipel bilong dispela kantri long kamap olsem ol manmeri bilong tingting gut, bihainim na mekim ol samting, na mas pretim God. Na noken toktok baksait long wok o toktok bilong ol arapela. Mipela mas lainim long asua mipela bin mekim. Na mekim sampela gutpela senis long gutpela bilong ol pipel bilong PNG, sapos mipela laik go het.

**HON. ROY EVARA, MP**
Deputi Lida bilong Oposisen

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214
 Jeffrey Maliou Ext. 215
 Joe Naime Ext. 218

BAIM

Saturday Independent

Niuspepa na Lukim ol Hos Resjs Gait.



60t TASOL!

BETDE

EZEKIEL S. SIWIN
 (SORI IS, MANUS)

9-pela Kristmas long 9/8/95




Hepi b/dei gritings i kam long ol mangi long Hausboi long nambis. Tasol ol tok yu no fit yet long joinim ol. Ol les long ol man i save karai long ti long bik moning. Mipela olgeta lain bilong yu long ples, Pom na Madang i laik tok hepi b/dei na Bikpela Antap i ken lukautim yu. Maski bikhet tumas.

Pls-Sori bebi brata, mi gat wanpela poto bilong yu tasol na em dispela.
Big sist Freddy (Word)

BETDE

Many greetings **Miss Bee** on your 17th Birthday on 09th August 1995.



Big hugs & kisses from mum & dad, your bros Luke & Jonny; your sisters Nancy, Lydia, Tinnie, Muller & a big one from your niece T'ma. Also thinking of you on your special day are your aunts Julie & Mavis of Waga Heights; uncles Mark, Pha'aripa & GK; the Kagei's of Pops; uncle aunts and Bubus also at Pops; your relatives at Baruni & a big cheer from uncle Jay at Word.

*Life's a joke; a prison, dear
 Only God can set you free and put a purpose and meaning in your life. Walk and talk with him and he'll lead you. God Bless*

BUY YOUR WEEKEND SPORT COPY

EVERY **FRIDAY** **ONLY 40t**

RESULTS, DRAWS & POINTS LADDERS

BAIM


50t tasol!

Wantok nius pepa long fonde bai yu lukim ol tok pidgin nius tete.

EM I WANTOK NIUSPEPA BILONG PNG STRET!



Rt. Hon. Sir Julius Chan GCMG, KBE, MP
Praim Minista,
Minista bilong Foren Afeas na Tred
na Memba bilong Namatanai



Toktok i go long namba wan Sindaun bilong New Ireland Provinsel Asembli

Kavieng-8 Ogas 1995

Mista Siaman

Wantaim bikpela amamas mi sanap long toktok long namba wan kibung bilong nupela New Ireland Provinsel Asembli tete, 8 Ogas 1995.

I tru tasol i gat liklik sore bikos long kamap long dispela bikpela dei long stori bilong Gavman bilong Papua Niugini, pipel bilong mipela na kantri i go tru long planti pen taim nogut.

Yu ken bilipim mi sapos mi tok olsem em i no bin isi long mi na gavman bilong mi na long dispela samting maski mipela i kisim bikpela sapot long ol Oposisen memba bilong Nesenel Palimen, long was long olsenis i kamap long mama lo insait long tupela kibung bilong Palimen.

Long mekim dispela, mi lusim ol poroman na sapot bilong ol wanwok bilong mi, 5-pela Minista na tupela Vais Minista, ol man husat i makim mi long Praim Minista i no longtaim i go pinis. Mi lusim tu poroman na sapot bilong ol gutpela memba bilong Provinsel Gavman long olgeta hap bilong kantri.

Mi no nap tokim yupela ol pipel long hia tudei olsem mi no nap mekim na kisim kain hevi olsem sapos mi no bilip olsem dispela nupela Sistem bilong Provinsel na Lokel Gavman em Nesenel Palimen i pasim i go long Lo long Jun na i stat long graun long tudei bai ino nap, long olgeta taim helpim ol manmeri long ples na i no olsem olpela sistem we i soim i go pinis long las 18 yia na i no mas kamap.

Yupela i save pinis na mi no nap tokim yupela gen olsem i luk olsem 90 insait long 109 memba bilong Palimen i bilip olsem mi. Na mi no nap tokim yupela gen olsem ol 90 memba ya i bilip long wanem ol konstituensi, ples manmeri i bilip tu.

Mipela, ol memba bilong Nesenel Palimen i kisim kainkain rabis toktok i kam long ol sumatin, ol yunien, ol saveman na tu ol memba bilong olpela Provinsel Gavman husat i wari long posisen bilong ol, pawa na ol narapela samting na i no wari long gutpela sindaun bilong pipel bilong ol. Mipela i putim dispela ol toktok nogut i stap long wanem mipela i bilip ol pipel i laikim, nidim na mas gat dispela nupela sistem bilong gavman.

Mi laik kisim dispela taim tu long tok tenkyu na amamasim nupela Gavana na Siaman, Namba tu Gavana long apoinmen bilong yupela. Dispela ol Opis Antap em yupela i kisim i makim tudei i bikpela samting tru na pipel bilong yupela long provins i holim.

Mo no nap tokim yupela gen olsem dispela bikpela apoinmen i karim bikpela wok bilong sevis long dispela Asembli na i go long ol pipel bilong provins.

Amamas bilong mi long stap long hia tudei em i stap long luksave olsem mipela i bung long hia long stat bilong nupela wokabaut; olsem mipela i stap hia long bringim nupela na gutpela bihain taim bilong ol pipel bilong yumi.

Mipela i stap nau aninit long nupela sistem bilong Gavman, olgeta em full Memba bilong dispela Asembli. Yumi olgeta, ol Memba bilong Nesenel Palimen, ol Memba bilong Lokel Gavman em mipela olgeta i full Memba bilong dispela Provinsel Asembli, na olgeta bilong mipela i mas lukluk long em na givim sevis em i mas gat.

Mipela olgeta i mas save gut olsem mipela i gat, long dispela Asembli, wanpela gutpela sans bilong mekim laip bilong ol pipel bilong mipela i kamap gut, ol pipel bilong New Ireland.

Mipela i mas lusim ol rong bilong bipo i stap olsem bilong bipo, na mipela i mas lukluk long dispela nupela taim na wanpela tingting, wok gut na hatpela wok.

Mipela i noken lus tingting olsem wanem kain nupela sistem bilong gavman, mask em i gutpela olsem wanem, maski ol i plenim olsem wanem, em i gutpela long wanem ol pipel i bin stap long taim bilong mekim dispela na ol pipel i mekim em wok. Olsem Mista Siam, dispela

New Ireland Provinsel Asembli bai gutpela sapos mipela i mekim. Kamap gut bilong em i stap long sapot bilong mipela olsem ol Memba bilong dispela Asembli.

Mi laik go het yet long dispela, tasol, na tok olsem dispela Asembli bai gutpela olsem sapot em i kisim long ol pipel bilong dispela provins. Long dispela as, mi laik askim olgeta pipel bilong New Ireland Provinsdispela em Asembli bilong yupela. Mipela wok long wok. Plis givim sapot na tingting na was bilong yupela.

Nogat wanpela gavman i nap kamap tru sapos i nogat sapot long ol pipel. Tok yesa long dispela nupela sistem bilong bringim ol samting na sevis yupela i laikim long givim dispela nupela gavman ful sapot bilong yupela.

Olsem mipela i go aut nau long dispela nupela taim long laip bilong ino provins bilong mipela tasol, tasol kantri bilong yumi, mi ting mipela i mas tingting pastaim liklik long wanem samting i kisim mipela i kam inap nau.

Em i stori nau olsem legislesen i bringim nupela politikel rot we i kisim baipatisen sapot long Nesenel Palimen. Long Mas kibung, tupela hap bilong mekim legislesen ya i kisim sapot long 93-3 na 91-0, na namba Tri Riding long Jun em 86-14 na 85-15.

Taim sampela i putim tingting gut sampela i no laikim senis, wanpela man bilong tokaut stret bai tokaut olsem ol namba ya i soim stret bikpela namba bilong sapot long wanem kain legislesen, larim i stap em yet olsem wanpela namba wan samting bilong kirapim bek sistem bilong gavman. Mo bikpela na stretpela, em sapot bilong nupela Sistem bilong Provinsel na Lokel Gavman, i kam long tupela sait bilong Palimen, long Oposisen na Gavman.

Disisen em i kamap pinis. Toktok pait i pinis. Dispela em nupela stat. Em i taim bilong mipela olgeta-ol lain husat i sapotim rifon na ol dispela i no sapotim- long stat gen na long mekim gut tru long dispela sans.

Olsem mipela i bung tudei, mipela i mas save long ol provinsel asembli long narapela hap bilong kantri i bung wantaim long namba wan taim. Mipela em hap bilong wanpela bikpela piksa em i go long longpela na bikpela bilong Papua Niugini, na wanwan bilong dispela ol nupela asembli, nupela bilip i kirap insait long ol pipel na insait long ol memba.

Lusim mipela i lukautim dispela ol bilip na tenkim ol long asembli bilong mipela tudei na insait long planti dei, wik mun na ol yia long kam. Mi bilip em bai 5 o 8 yia bihain bai dispela nupela sistem i kamap gut tru na wok. Tasol mipela i mas stat nau.

Mista Siaman, mi no laik go bek na toktok long wanem samting i kamap long bipo aninit long olpela sistem bilong provinsel gavman. Wanpela nupela stat, betdei bilong nupela samting, em i taim bilong lukluk i go pas, taim samting bilong bipo em bai yumi lukim olsem wanpela skul mipela i ken lainim long em.

Larim mipela i lainim dispela ol skul wantaim nogat kros o belhat na promisim ol pipel bilong mipela olsem mipela i no nap mekim samting bilong bipo gen. Larim yumi i promisim mipela yet na ol pipel bilong mipela olsem long 20 yia taim, mipela i ken lukluk bek long wanem samting mipela i kamapim i gutpela long ol pipel bilong yumi.


Mi sanap ya tudei olsem Memba bilong dispela Asembli, mausman ol pipel bilong Namatanai i makim, tasol olsem Praim Minista bilong Papua Niugini. Na em insait long dispela samting, em ful sapot bilong Nesenel Gavman i ken mekim samting i wok.

Kisim dispela wok wantaim gutpela tingting na lewa, na mipela i ken kisim palnti gutpela samting.

Mi bai pasim nau, long dispela bikpela dei, mi no laikim ol toktok tasol bai karamapim eksen bilong mi. Bikpela tingting bilong mi long dispela Asembli, Mista Siaman, em bai ples bilong mekim gutpela disisen na i no toktok tasol.



• Anda 12 Student bilong Widlife long Moitaka komynity skul long Mosbi. Ol i holim tropi bilong ol long Mosbi Skul bois soka resis. Potyo: John Rei.




8 Susa bilong Togelu i givim 60 i kam tasol pilaia bilong Blue Kumuls i redi gut tru long banisim bal. Em stail bilong ol meri long Mosbi soka resis.

Eksen spot poto bilong las wiken



• Pawa bilong Momase. Em fulbek bilong Momase primia tim long Mosbi soka resis. Em redi long wokim stail tasol.



Putim strong! • Em kain strongpela salens bilong netbal resis long Mosbi long las wiken.

**PORT MORESBY SOCCER ASSOCIATION
WEEK 15
SATURDAY AUGUST 12 1995**

BISINI 1

TIME	FIXTURES	VS
07.00	B/ Kumuls	vs Moukasi U/19
08.00	Maset	vs Eastenders D2
09.00	Rapatona	vs Kurit Andra PR
10.00	PTC	vs Moukasi PR
11.00	PTC	vs Momase W2
12.00	PS Roots	vs Waliya D1
0.105	Guria	vs Waliya D1
0.2.10	PTC	vs Moukasi Prem
0.3.35	GFC	vs Koupa Prem
0.500	Mapos	vs Masters D2

BISINI 2

0.700	PTC	vs Momase U/19
0.800	Kumunindo	vs Cyclone D2
0.900	GFC	vs Koupa PR
10.00	Ela United	vs Blue Kumuls PR
11.00	STC	vs Tarangau W2
12.00	Yellow Pages	vs Tarangau D1
0.105	Sunam	vs University W1
0.210	Kurti Andra	vs Rapatona Prem
0.3.35	Ela United	vs Blue Kumuls Prem
0.500	Batu Bros	vs Katumani D2

SUNDAY AUGUST 13

BISINI 1

0.7.30	University	vs Ela United U/19
0.800	Buresong	vs Lae Biscuit D2
0.900	University	vs Momas Pr
10.00	Blue Kumuls	vs Keezsang W2
11.00	Murat	vs Cloudy Bay D1
12.05	Wanzesi	vs Sobou W1
0.110	Defence	vs GFC W1
0.215	Sobou	vs Defence Prem
0.340	University	vs Momas Prem
0.500	Hoods	vs STC D1

BISINI 2

0.700	Guria	vs Kurti Andra U/19
0.800	SB Boomers	vs PS Roots D2
0.900	Guria	vs Golo Pr
10.00	PS Roots	vs Murat W2
11.00	Wanzesi	vs Amazon Bay D1
12.05	LSC	vs Kurti Andra W1
0.110	Yellow Pages	vs Moukasi W1
0.215	Guria	vs Golo Prem
0.340	Sunam	vs Keweh D1
0.500	Babaka	vs Magi Rangers D1

SUNDAY AUGUST 13

0.900	Defence	vs De La Salle U/19
10.00	Golo	vs Magi Rangers U/19
11.00	GFC	vs Rapatona U/19
12.00	Sobou	vs Defence Pr
0.100	Koupa	vs Cyclone U/19
0.200	Club Eastern	vs Gerehu High W2
0.300	Club Eastern	vs Batisalam D2
0.400	Bilawawa	vs Nesemo D2

**LAHI SOCCER ASSOCIATION
WEEKEND DRAWS**

VENUE SIR IGNATIUS KILAGE STADIUM

SATURDAY AUGUST 12

TIME	Div	TEAMS	VS
0.900	women	K/ Andra	vs Sunkist
10.00	women	Elcom	vs Gam
11.00	women	Tosin	vs Rapatona
12.00	women	Sobou	vs Guria
13.00	women	Gaziga	vs Mairipo
15.00	Under 19	Mairipo	vs Gaziga
16.00	Pre 1	Guria	vs Mairipo

SUNDAY AUGUST 13

0.00	Under 19	Elcom	vs Gam
10.00	Div 1	Tosin	vs Sunkist
1130	Pre 2	Guria	vs Elcom
1320	Pre 1	Rapatona	vs Mairipo
15.00	Pre 1	Sobou	vs Asiawe

MARKET FIELD

SATURDAY AUGUST 12

0.900	D 1	Sunkist	vs L/Biscuit
1030	D 1	Tosin	vs Gam
1200	D 1	Sikambu	vs Avetau
1330	Pre 2	Asiawe	vs Sobou
1500	Pre 2	M/United	vs Mairipo

AFL LADDER

	W	L	D	F	A	P
Carlton	16	2	-	1937	1366	64
Richmond	13	4	1	1681	1532	54
Essendon	12	4	2	2052	1530	52
Geelong	13	5	-	2088	1564	52
West Coast	11	7	-	1583	1412	44
N/Melbourne	11	7	-	1781	1622	44
Footscray	9	8	1	1513	1638	38
Melbourne	9	9	-	1601	1487	36
Collingwood	7	9	2	1678	1664	32
Adelaide	8	10	-	1382	1630	32
Hawthorn	7	11	-	1489	1505	28
Brisbane	7	11	-	1647	1866	28
Fremantle	6	12	-	1651	1780	24
Sydney	5	13	-	1751	1914	20
St Kilda	5	13	-	1385	1842	20
Fitzroy	2	16	-	1317	2184	8

**POPONDETTA BASKETBALL ASSOCIATION
DRAWS**

Sunday 13/8/95

Court 1

Time	Team	VS	Team	WA
12.00	Works	vs	Hopp 1	MA
1.00	Tarangau	vs	Works	MA
2.00	Royals	vs	A/stars	WA
3.00	Hystars	vs	Elcom	MA
4.00	Hystars	vs	Taras	WA
5.00	Rovers	vs	A/stars	MA

Court 2

12.00	A/stars	vs	Royals	WB
1.00	Hopp 1	vs	Elcom	WB
2.00	Hystars	vs	VDC	MB
3.00	Hystars	vs	Tarangau	WB
4.00	Allstars	vs	Rovers	MB
5.00	Elcom	vs	Rovers	WA

Sunday 20/8/95

Court 1

Royals	vs	Hystars	WS
Tarangau	vs	Hystars	MA
Rovers	vs	Hopp 1	WA
Rovers	vs	Elcom	MA
Works	vs	Elcom	WA
Works	vs	A/stars	MA

Progressive Tally - (After 16 games)

Mens A

Telicom Rovers	29 points
Works	26
Hystars	25
CW Allstars	25
Elcom	18
Tarangau	15

Womens A

Royals	28 points
Hystars	28
Elcom	24
DW Allstars	21
Works	18
Tarangau	17
Telicom Rovers	15
Hopp 1	13

Mens B

Allstars	24 points
VDC Works	22
Hystars	21
Rovers	20

Womens B

Hustars	23 points
Allstars	20
Elcom	20
Tarangau	14
Royals	14
Hopp 1	10

**SYDNEY RUGBY LEAGUE
THIS WEEK'S DRAW**

St George	vs	South
Bulldogs	vs	Auckland
Canberra	vs	Gold Coast
Brisbane	vs	Souths
Norths	vs	Westfs
Manly	vs	Penrith
Illawarra	vs	Tigers
Parramatta	vs	Cronulla
Eastfs	vs	Newcastle
North Qld	vs	Western Reds

**SYDNEY RUGBY LEAGUE
LAST WEEK'S RESULTS**

Cronulla	24	bt	Illawarra	14
St George	47	bt	Auckland	14
Sydney Bulldogs	32	bt	Gold Coast	20
Canberra	46	bt	South Sydney	12
Manly	56	bt	Sydney Tigers	10
New Castle	19	bt	Parramatta	12
South Queensland	22	bt	North Queensland	6
Brisbane	28	bt	Western Suburbs	18
Sydney City	25	bt	Western Reds	6
North Sydney	25	bt	Penrith	6

POINTS TABLE

	W	D	L	F	A	P
Manly	17	-	2	567	206	34
Canberra	17	-	2	505	237	34
Newcastle	15	-	4	515	324	30
Brisbane	14	-	5	473	332	28
Cronulla	13	-	6	428	251	26
Bulldogs	12	-	7	369	301	24
Auckland	12	-	7	501	426	22+
Norths	10	-	9	480	285	20
St George	10	-	9	481	312	20
Sydney City	10	-	9	392	372	20
Westfs	10	-	9	425	422	20
Western Reds	9	-	10	309	495	18
Penrith	8	-	11	415	379	16
Illawarra	7	1	11	402	397	18
South Qld	6	1	12	275	403	13
Tigers	6	-	13	271	531	12
Gold Coast	4	-	15	310	531	8
Souths	4	-	15	293	582	8
Paramatta	3	-	16	264	598	6
North Qld	2	-	17	241	532	4

* Two competition points deducted for breach of replacement rule

**PORT MORESBY RUGBY FOOTBALL LEAGUE
DRAWS**

Saturday August 12th, 1995

LRO	9.30am	U14	Kila high A	vs	Kila High B
LRO	10.00am	U15	Sogen Comm	vs	Badi High
LRO	10.30am	U15	Evedahana	vs	Kila High
LRO	11.00am	U16	St Peters	vs	Kila Comm
LRO	11.30am	U16	Hohola Dem	vs	Laloki High
LRO	12.00am	U16	Kila High	vs	Laloki High

**POM BANKERS VOLLEYBALL ASSOCIATION DRAWS
VENUE: GEREHU VOLLEYBALL COURTS**

**SUNDAY AUGUST 13
DIVISION JUNIOR WOMEN**

COURT ONE

TIME	TEAM	VS	TEAM
1100-1200pm	Maybank	vs	BSP
1205-100pm	ANZ	vs	RDB
1.05-2.00pm	Westpac	vs	PNGBC
2.05-3.00	BPNG	vs	Indouez

JUNIOR MEN

12.05- 100pm	Maybank	vs	BSP
1.05.2.00pm	BPNG	vs	Indouez
2.05 -3.00pm	ANZ	vs	RDB

COURT TWO

JUNIOR MEN

1100-1200	Westpac	vs	PNGBC
-----------	---------	----	-------

SENIOR MEN

12.05 -1.00pm	Maybank	vs	BSP
1.05-2.00pm	BPNG	vs	Indouez
2.05-3.00pm	ANZ	vs	RDB
3.05-4.00PM	Westpac	vs	PNGBC

COURT THREE

SENIOR WOMEN

12.00-1.00pm	RDB	vs	ANZ
1.05-2.00 pm	Wesptac	vs	PNGBC
2.05-3.00pm	BPNG	vs	Indouez
3.05-4.00pm	Maybank	vs	BSP

PORT MORESBY SCHOOL SOCCER RESULTS

U/	Team	Def	Team	Score
U/7	Ela Beach A	def	St. Josephs	1-0
U/8	Ela Beach A	def	Korobosea	2-1
U/9	Korobosea B	def	Moitaka WL	2-1
U/10	Pom Int'l	def	St. Josephs	3-1
U/11	St. Josephs	def	Ela Beach A	4-0
U/12	Moitaka WL	def	Pom Int'l	1-0
U/13	Kila Kila	def	St. Francis	1-0
U/14	De La Salle	def	Pom Int'l	4-2
U/15	Don Bosco	def	Coronation	3-2
U/16	Don Bosco	def	Hohola Youth	3-1
U/17	Don Bosco	def	Hohola Youth	2-0

Don Bosco trifecta with cup wins in U/15-U/16-U/17. Trophies presented by Tevor Lovrense, Coca Cola, John Kambuou (Patron), John Dee (PNGFA) Tials brings season an end... at last!!

**POM JUNIOR SOFTBALL LEAGUE
1995 DRAW
August 19,1995**

Time	D/M	Team	VS	Team	Age
9.45	D2	Sogeri N.H.S	vs	Dela Salle	19 & under boys
11.00	D2	Elcom	vs	Manalos	15 & under boys
12.15	D2	Fuji Bears	vs	Elcom	19 & under boys
13.30	D2	Malangan	vs	Wingger Sogeri/Dela Salle	19 & under boys
8.30	D3	PNGBC	vs	Monian Royals	15 & under girls
9.45	D3	University	vs	Waigani C.S	15 & under girls
11.00	D3	Fuji Bears	vs	Monian Roaysl	19 & under girls
12.15	D3	Sogeri N.H.S	vs	All Stars	19 & under girls

**CAPITAL BASKETBALL LEAGUE
WEEK 6**

SUNDAY AUGUST 13

TIME	TEAMS	VS	DIVISION	
8.00	Mobil	vs	Bankers	M/WAR
8.30	Mobil	vs	Bankers	W/WAR
9.00	Jokers	vs	Exodus	M/WAR
9.30	Jokders	vs	Exodus	W/WAR
10.00	Jets	vs	Chiefs	M/WAR
10.30	Jets	vs	Chiefs	W/WAR
11.00	Lae Bisket	vs	Don Bosco	M/WAR
11.30	Lae Bisket	vs	Donsco	W/WAR

12.00	Mobil	vs	Bankers	W/A
1.00	Mobi	vs	Bankders	M/A
2.00	Jokers	vs	Exodus	W/A
3.00	Jokers	vs	Exodus	M/A
4.00	Jets	vs	Chiefs	W/A
5.00	Jets	vs	Chiefs	M/A
6.00	Lae Bisket	vs		



Hagen bai paia long Hailans tonamen

RIJENAL SOKA RIPO

YAKAM KELO i aritim

BIKPELA soka tonamen bilong Hailans rijen bai kamap long dispela wiken long Hagen.

Hailans rijen soka tonamen we i save kamap olgeta tupela krismas bai kamap gen long dispela yia we ol tim bilong man na meri bai i kam long Goroka, Simbu, Banz, Hagen, Wabeg, Mendi na Tari. Presiden bilong Hagen Soka Asosiesen,

Luke Wa'a i tok olgeta samting bilong lukautim pilai long Hagen i redi na i orait long lukautim ol tim i kam long pilai ya.

Hagen husat bai lukutim dispela pilai bai putim wanpela strongpela tim bilong ol man long winim dispela Hailans Rijenal soka tonamen long dispela wiken. Tasol em bai bungim bikpela salens tu long Goroka, Enga na Simbu. Bikos ol lain ya tu i gat nem long pilai soka na ol tu i gat strongpela pawa long winim dispela tonamen.

Hagen bai traim long yusim yet planti pilaia bilong em husat i bin makim Hagen long Julai PNGFA

Kap nesenel sempionsip long Mosbi.

Sapos Hagen i yusim yet ol dispela pilaia, bai ol i gat bikpela sans long winim tonamen ya long dispela yia, 1995. Long las wiken gem bilong Hagen soka resis yet, Konowan i kamapim gutpela gem tru long las wiken na autim tiket bilong Telikom 4-3 long primia soka resis long Hagen.

Tupela tim wantaim i putim kamap strongpela salens tru long dispela gem tasol Konowan i strong long em i mas winim dispela gem. Olsem na em i katim telefon

waia bilong Telikom wantaim 4-3 skoa long fultaim.

Long arapela primia gem bilong ol man, Pascol na Blue Kumuls i kamapim wankain strong na tupela i dro 1-1 long fultaim.

Elcom i traim long givim blekaut long banis bilong ol manki woda long Baisu tasol Tarangau tim bilong em i strong na stapim Elcom long mekim dispela pasin.

Elcom i salim tupela pawa gol i go insait long banis bilong Tarangau tasol i kwiktaim bekim bek tupela gol ya. Olsem na tupela i dro 2-2 long fultaim.

Long gem bilong ol meri, Blue Kumuls i givim bikpela mekimsave stret long ol susa bilong Pascol wantaim 2-0 skoa long fultaim.

Ol susa bilong Pascol i nogat moa pawa long bekim bek dispela tupela gol bilong ol plismeri olsem na ol i kisim taim long fultaim.

Narapela gutpela gem bilong ol meri i bin kamap namel long Konowan na Telikom. Dispela i bin wanpela strongpela gem tru tasol ol susa bilong Konowan i bin bungim strong pinis na i kam olsem na ol wokim das long ol meri Telikom wantaim 2-0 skoa long fultaim.



•Ol boi nogut bilong Posinu soka tim long Wewak. Posinu em wanpela paia lait tim bilong Wewak soka rsis. Posinu i wokim nem long PNGFA tonamen.



Ol pilai i paul long las wiken

WEWAK SOKA RIPO

EDDY LAVAKZ i raitim

PLANTI gem long las wiken i bin paul liklik bikos long komplem bilong KC soka klap i no bin baim fi bilong em long Wewak Soka Asosiesen (WSA).

Dispela asua i bin kamap long Sande taim papa bilong KC klap, Alex Duzal i bin kros nai no laik givim umben bilong pasim long golmak we pilai i ken stat. Bikos em i bin kisim wanpela pas i kam long presiden bilong WSA, Michael Vee olsem klap bilong em i no baim olgeta rejistresen fi bilong em.

Tasol Wantok i bin kisim tok save olsem KC klapi bin baim pinis rejistresen fi bilong em long wanem em i gat tupela divisen tasol. Em anda 17 na primia.

Ol tim husat i bin redi long pilai long las wiken i tok sapos ol opisel i sindaun gut na lukluk long dispela hevi, bai ol i ken luksave olsem ol gem i paul nabaut bikos long dispela hevi.

Ol i komplem olsem ol opisal bilong asosiesen i no ken givim poin long olgeta tim husat i no bin pilai long las wik Sande bikos dispela bai bagaram-pilgeta skoa na poin lata bilong olgeta tim insait long Wewak soka resis. Ol opisal bilong ol klap i tok

larim ol dispela gem i stap olsem ol wasaut gem we ol i ken pilai gen long narapela taim.

Planti pilaia bilong wanwan tim i bin kamap long pilai graun long las wiken tasol ol i harim olsem bai i nogat gem na ol i tekov nabaut. Olgeta gems bilong Sarere i bin kamap gut tru we ol tim i kamap na pilaim ol gems bilong ol.

Wanpela bikpela gem i bin kamap namel long Posinu na Sunam. Ol boi Sunam i no bin was gut long ol difens bilong ol olsem na Posinu i go brukim banis bilong ol na skoa. Posinu win 4-0 long fultaim.

Narapela strongpela gem i bin kamap namel long Wewak Eels na Difens we Eels i belhat long lus bilong em narapela wik bipo egens Wewak Ais. Olsem na em bekim bek dispela lus i go antap long ol soldia boi bilong Difens na winim gem 2-0 long fultaim.

Difens i putim strong banis tru long beklain tasol ol boi bilong Eels i wel nabaut long lek bilong Difens na i go insait putim skoa long umben bilong Difens. Fultaim skoa Wewak Eels 2 na Difens 0.

I gat luksave nau olsem strongpela tim insait long Wewak soka resis em ol boi bilong Posinu. Ol dispela lain yangpela manki i save putim kamap planti gutpela stail tru long olgeta wiken gem bilong ol na i wokim winim planti gem bilong ol i kam nau.

Anda 7 bilong Ela Beach skul husat i autim tiket bilong St Joseph long Mosbi skul bois soka.

Mairipo lokim win bilong Sobou

LAHI SOKA RIPO

SOBOU i bungim bikpela salens tru long las wik egensim Mairipo long Lahi soka resis we tupela i dro 2-2 long fultaim. Mairipo em wanpela nupela tim husat i joinim Lahi soka resis long las yia tasol em i wok long kamap gut olgeta taim long gem bilong em. Sobou husat em wanpela olupela tim bilong bipo i kam i painim hat tru long stapim ol nupela blut bilong Mairipo long dispela gem.

Sobou i gat ol outpela eksperiens pilaia olsem Harold Kawambara, John Laskam, Harrison Kamake na Godfried husat inap yusim pawa bilong ol long stapim ol gol bilong Mairipo. Tupela tim wantaim i taitim bun i go i kam inap long fultaim we tupela i dro 2-2. Dispela risal i soim olsem Sobou i traim long winim Mairipo tasol Mairipo i lokim em.

Narapela bikpela salens tu i bin kamap namel long tupela biknem klap bilong Lae yet. Guria na Morobe Yunaitet i brukim bun long stat bilong pilai i go inap long fultaim na tupela i dro 1-1. Guria i traim long yusim ol biknem pilaia bilong em olsem Kelly Jim, Eddie Fred na Chris Nagai long pilaim kain strongpela stail bilong Guria long winim Morobe Yunaitet.

Tasol Morobe Yunaitet i no givim isi salens long Guria. Bikos Yunaitet tu i gat nem long winim ol bikpela gem olsem na em i holim Guria long dispela primia gem bilong tupela long las wiken. Long fultaim, tupela tim wantaim i dro 1-1 na pinisim gem.

Arapela primia gem tu em Elcom i kisim bikpela mekimsave long Rapatona long 2-0 skoa. Dispela i bin wanpela gutpela gem we ol manki Manus i pilaim long winim Elcom.

Elcom i traim long putim sampela pawa long givim blekaut long Rapatona tasol Rapatona i yusim strong bilong ol long holim yet pawa bilong ol. Olsem na em katim pawa bilong Elcom 2-0 long fultaim.

Asiawe i kisim isi poin long las wiken taim ol manki bilong Gaziga i no bin kamap long pilai. Asiawe i kisim isi 2 poin long dispela gem egens Gaziga. Kosa bilong ol meri long Lahi soka asosiesen, Eddie Fred i tok em i redim pinis nem bilong 24 meri long kisim trening na redim ol yet long nesenel wimens sempionsip long Madang long Septemba.

Eddie i tok em bai holim trening wantaim ol meri ya inap pinis bilong dispela mun we em bai traim long katim namba bilong ol pilaia i go daun long 18. Tasol dispela bai bihainim namba bilong gem ol bai pilaim long Madang. Eddie i tok sapos ol i pilaim tupela gem long wanpela de, bai em i kisim olsem 22 pilaia. Na sapos ol i pilaim wanpela gem tasol long wanpela de, bai em i ken kisim tasol 18 pilaia.

Neks wik bai kosa, Eddie Fred i tokaut long nem bilong ol trening skwat bilong em. Planti arapela senta olsem Mosbi, Hagen, Madang na LFA i wok long redim skwat bilong ol nau long dispela nesenel wimens soka sempionsip long mun Septemba long Madang.

Pablik sevans soka bai strong moa

MOSBI SOKA RIPO

YAKAM KELO i raitim

MOSBI Pablik Sevans Soka Asosiesen (NCDPSSA) i redi long statim gen soka resis bilong em long mun Novemba.

Ripot i kam long presiden bilong NCDPSSA, Francis Kasau i tok 1995 pablik sevans soka resis bai strongpela moa long bipo. Bai i gat planti bikipela senis long dispela yia.

Presiden i tok ol senis em; NCDPSSA bai afiliat i go wantaim nesenel soka bodi (PNGFA) we ol pablik sevans pilaia i ken pilai long ol PNGFA tonamen, pilai insait long Inta Siti Kap salens long 1996 na redim ol pilaia bilong em i redi long kik insait long nesenel tim long Melanesian Kap long 1996.

Ol arapela bikipela senis bai i kamap tu em; bai PSSA i gat ol soka resis long Mosbi na tu i go pilai long arapela provins, pablik sevans soka tim bilong Manus bai i kam pilai egens Mosbi tim

long Septemba, 1996, makim skwat bilong PSSA na redim i stap long wanem kain bikipela tonamen, PSSA bai askim Mosbi Soka Asosiesen (PMSA) long holim wanpela tonamen na PSSA bai traime long strongim ol gem bilong em i go bikipela na strongpela. Wanpela rot em long daunim sampela strongpela rul bilong asosiesen long larim moa pilaia i ken pilai.

Kasau i tok Mosbi Pablik Sevans soka em wanpela asosiesen we i save strongim soka insait long kantri. Em i save wok poroman gut wantaim Mosbi soka asosiesen (PMSA) na traime long kirapim soka insait long siti.

Long dispela as, NCDPSSA tu i wok long holim strong dispela resis bilong em long 1990 taim em i stat nupeal i kam inap nau.

Arapela senis we NCDPSSA i tingim long kamapim long dispela yia em long rejistaim olgeta referi bilong em aninit long PNG Referis Asosiesen. Taim em i mekim dispela, em bai rejistaim tu olgeta kosa bilong wanwan soka tim long ol dipatmen aninit long PNG Kosa Asosiesen (PNGCA).

Kasau i ting Mosbi em bikipela siti na i gat planti pilaia istap. Tasol planti i no save kisim gutpela luksave long makim skwat bilong PNG ol bikipela intanesenel gems. Tasol long las tupela krismas, NCDPSSA i bin soim aut planti gutpela pilaia husat i bin hait i stap. Long dispela as, tu pablik sevans soka i helpim long kirapim stended bilong soka kantri.

Kasau i tok long 1993 inap long 1994, NCDPSSA i bin wok mekim bikipela wok long dispela taim i kam. Tasol eksekutiv bilong PNGFA na PMSA i no luksave long dispela na i no soim wanpela gutpela sapot long ol.

"Soka long Mosbi bai indai klostu taim bikos i gat bikipela politiks i bung wantaim wok bilong soka long Mosbi long pasin bilong makim skwat bilong Mosbi".

Mama lo bilong NCDPSSA i tok em pablik sevans soka bai sanap mak bilong sapotim ol lokal asosiesen insait long NCD long kirapim soka long rot bilong bung wantaim na pilai wantaim amamas. Olsem na NCDPSSA bai sanap yet long dispela mak, Francis Kasau i tok.

Kasau i no bilip long SP Gems tim

SP GEMS SOKA RIPO

PRESIDEN bilong Mosbi Pablik Sevans Soka Asosiesen (NCDPSSA), Francis Kasau i no amamas long SP Gems soka skwat bilong PNG husat bai i go pilai long Tahiti long dispela wik. Kasau i ting dispela skwat bilong PNG i no strongpela tumas olsem bipo. Bikos skwat i gat ol pilaia we i no gat gutpela mets fitnes na i no fit long pilai kain strongpela gem olsem ol arapela Pasifik kantri i gat.

Kasau i tokim Wantok olsem nesenel kosa, Posman Kisakiu i mekim bikipela asua long lusim ol kain pilaia olsem Desmond Waku, Steven Mune, Abiang Kera, Paul Kailo na Simon Emmanuel. "Desmond em wanpela kain midfilda husat i save long gem bilong arapela Pasifik kantri na em i save kamapim pret long ol arapel kantri ya. Steven Mune em wanpela straika husat i save pait strong long skoa. Planti salens bilong em i save hat tumas we sampela taim referi i save givim em yelo kat o ret kat tasol dispela i no min olsem em i no gutpela pilaia. Abiang Kera, Simon Emmanuel na Paul Kailo i save pilai insait long strongpela resis bilong Mosbi na ol tripela i fit long stap long skwat. Ol tripela i gat bikipela eksperiens tu long kain ovasis tonamen olsem".

Kasau i ting Posman inap long rausim sampela pilaia bilong Madang long dispela SP Gems skwat bilong em. Bikos gem bilong ol long PNGFA Kap nesenel tonamen i soim olsem ol i no fit long winim wanpela SP Gems. Gem bilong ol arapela soka senta olsem Madang na Lae i no moa strong olsem bipo. Nau ol i pilai olsem kain stail bilong divisen 1 gem long Mosbi, Kasau i tok. Francis Kasau em wanpela man bilong stap wantaim soka long bipo yet long Madang i go long Mosbi. Em i bin statim de bilong em long pilai soka long 1969 yet long Madang inap nau we em i kamap olsem ogenaia bilong Mosbi Pablik Sevans soka long 1990 inap nau. Tasol em tu i gat soka klap bilong em, Keweh long Mosbi soka resis.

Kasau i tok em i no nupela man long soka. Na wanem tingting em i givim em bilong interes bilong soka



• Francis Kasau

long kantri. "Mi ting mipela i mas gat wanpela gutpela skwat bilong makim PNG long winim wanpela medel long dispela SP Gems long Tahiti long dispela mun", Kasau i tok.

Kasau i ting planti bilong ol pilaia husat i bin go kik long Honiara long las yia insait long Melanesian Kap i mas stap yet long skwat bilong SP Gems. Tasol nau em i kirap nogut long lukim ol pilaia we asosiesen bilong ol i no gat strongpela stended olsem Mosbi. Em i tok tu olsem i gat tripela pilaia samting long dispela skwat we i no fit long pilai olsem Desmond Waku, Paul Kailo, Steven Mune, Simon Emmanuel na Abiang Kera. Tasol Posman i popaia long kisim tingting long ol arapela kosa long wokim gutpela tim bilong SP Gems.

Kasau i tok moa olsem tupela bikipela senta olsem LFA na Madang i no pilaim wanpela gutpela gem long nesenel sempion long las mun. Stail bilong ol i no moa strong olsem bipo ol bikman bilong ol i save pilai. Olsem na gem bilong ol tu i no strongpela we ol i bin lus long SP Gems skwat bilong Mosbi. Kasau i tok em i bin lukim gem bilong ol Solomon Ailan long las yia insait long Melanesian Kap. Ron bilong ol i strongpela na lek bilong ol i wok gut wantaim bal. Olsem na dispela sem pilaia husat i bin pilai wantaim Solomon Ailan na yia i mas stap yet bikos ol i pilaim ol pinis na ol i save long gem bilong ol.

Em i tok long wokim strongpela tim bilong makim kantri, mipela i mas wokim strongpela tim insait long strongpela asosiesen pastaim. (em i min long Mosbi) Bihain mipela long lukluk long kisim wanpela o tupela pilaia long ausait asosiesen.

• (RAITHAN) - Em ol kas nogut bilong bilong Gawi Kantri. Wanpela soka tim bilong Wewak soka resis.



Momase bai kukim strong bilong Yuni

MOMASE bai gat bikipela sans long winim Yunivesiti long dispela wiken long Mosbi soka resis bikos Yunivesiti i lusim pinis sampela gutpela pilaia bilong em husat i go pilai long SP Gems long Tahiti. Momase bai traime long putim gutpela lainap long winim dispela gem long apim skoa bilong em long poin lata bilong Mosbi Soka Asosiesen (PMSA).

Momase bai i gat ol pilaia olsem Budah long holim beklain na Max Ellie wantaim Kasa long ron long fran lain. Long winga bai Roland Sepu i mekim planti gutpela krosing long painim lek bilong Kasa na Max long brukim umben bilong Yunivesiti.

Yunivesiti bai i no inap pilai wantaim ol biknem pilaia olsem Emmanuel Tatau long rait beks na Joe Aisa

long lepbeks. Long midfil em Roy Karang na long straika em Hanz Gewabing.

Tasol Yunivesiti bai i gat ol olpela intanesenel pilaia olsem Desmond Waku, Steven Mune na Francis Kupe husat bai traime long holim strong bilong Yunivesiti long dispela wiken egens Momase. Arapela lain husat bai givim sapot long Yunivesiti em Batman Fugiri na Eka long fulbek. Tasol strong bilong Yunivesiti bai pundaun liklik bikos em bai lusim sampela gutpela pilaia bilong em na em bai traime long putim ol junia pilaia bilong ol i go insait long pasim spes.

Dispela bai senisim gem plen liklik na Momase i ken gat bikipela sans long winim gem long dispela senis. Narapela primia gem bilong Ela Yunaitet na

Blue Kumuls bai wanpela gutpela gem tu bikos Ela Yunaitet bai traime long putim strongpela tim long dispela wik long stapim Blue Kumuls long skoa. Kumuls i bin winim planti gem i kam na i stap antap long namba 3 ples long lata bilong PMSA.

Las wik Blue Kumuls i nekim PTC 1-0 husat em wanpela strongpela tim long Mosbi. Olsem na Ela Yunaitet bai putim kamap strongpela salens tru egensim ol dispela manki bilong Plis Bareks.

Sobou bai traime strong bilong ol Difens manki bilong Mari Bareks tasol dispela bai wanpela hatpela gem bikos ol soldia boi bai redim ol katres long bomim kem bilong Sobou long dispela wiken.

Tasol Kobi husat em spaiman bilong Sobou bai kamapim birua long banis bilong Difens sapos Difens i no was gut long em. Bikos ai bilong man ya i save sap na i save kamapim buria long longwe yet. Guria bai bungim Golo na em i mas winim dispela gem bikos em i wok long lusim planti liklik sans win bilong em i go nating.

Planti gem we Guria inap long winim, em i wok long lusim i go long dro. Olsem na em i mas tingting gut long dispela wiken na kamapim gutpela win long dispela gem egens Golo. Golo bai pilaim wankain stail olsem ol boi Koupa i pilai long las wiken na dro 1-1 wantaim Guria.

Olsem na Guria i mas tingting na senisim gem bilong em olsem las wiken na kamapim win long dispela wiken.

Koupa stapim win bilong Guria

MOSBI SOKA RIPO

SANS bilong Guria long winim Koupa long Mosbi soka resis bilong ol primia long las wiken i abrus na tupela i dro 1-1 long fultaim. Guria i no bin bihainim stret gem plen na stail bilong. Gem bilong Guria i nogat gutpela wok bung wantaim bilong ol midfilda na straika long traime putim gol insait long umben bilong Koupa.

Koupa i stat long kikim ol longpela bal we i mekim ol boi Guria i ron planti. Guria i no bin tingim dispela kain stail bilong Koupa olsem na stail bilong Koupa i pulim Guria i go aut long gem bilong em. Koupa i mekim Guria i kirap nogut taim ol i ronim bal long midfil eria i go long lep winga na em straikim i go long

tupela fowet bilong em long mak bilong Guria. Bal ya i ron strong tumas na straika bilong Koupa i tasim tasol long het na bal i go abrusim kipa bilong Guria, Ronald Simon na pas long umben bilong Guria.

Guria i kirap nogut long dispela gol bilong Koupa na i wok strong long traime bekim bek. Yangpela midfilda bilong Guria, Gibson i wok strong long skelim bal long ol fowet tasol tupela straika, Simon Emmanuel na Ben Lakasa i no painim umben bilong Koupa.

Long namba tu hap bilong pilai, Guria i stat long holim gut bal na kisim i go insait long golmak bilong Koupa. Tasol lek bilong Winta Fosing na Ben Lakasa i abrus long salim bal stret long golmak bilong Koupa. Tupela i abrusim tripela isi gol

bilong winim dispela gem.

Guria bekim dispela gol bilong Koupa taim kona kik bilong Winta Fosing i kam na pas long ol fulbek i go bek long midfil eria. Na biknem fulbek, Adam Lema i ron tasol i go putim lek long bal na ya bal i pas long umben bilong Koupa. Tupela tim wantaim i dro 1-1 long fultaim. Long arapela primia gem long Sarere las wiken, PTC i kisim bikipela mekim-save stret long ol boi Blue Kumuls wantaim 1-0 skoa.

PTC i putim kamap planti gutpela stail bilong pilai tasol ol boi Kumuls i lokim olgeta kona bilong fil na stapim PTC long go insait na skoa. Yangpela midfilda bilong Kumuls, Nasa Wangu i kamapim dispela wanpis gol long winim ol telefon boi bilong PTC.

Koboni bai traim pawa bilong West

MOSBI AUSI RUL

KENNEDY EDENE i raitim

Bikpela ausi rul salens long Mosbi long dispela wiken Sande bai kamap namel long tupela biknem tim, West na Koboni.

Dispela bai wanpela strongpela ausi rul gem bikos tupela tim wantaim i bin kamapim wanpela strongpela gem long bipo we West i bin win 13-10 (73) na Koboni long 11-10 (71).

Tasol ol manki Papua husat i bin katim daun tupela biknem tim, Difens na Mosbi bai i no inap isi long West long dispela gem. West em lida bilong resis tasol dispela wiken, bai Koboni i traim wankain mekimsave long em oisem Difens na Mosbi.

Koboni i bin kisim gutpela malolo long las wik na dispela bai

givim ol inap strong long putim olgeta pawa na strong i go insait long dispela gem long wiken long autim tiket bilong West.

Koboni i gat ol biknem pilaia olsem Amua Pirika, Verapo Numba, Leka Leka na John Karo husat bai sanap long beks long katim ol ron bilong West. Long fran em ol fowet olsem Kenny Barrows, Raka Amo, Ila Verapo na Nabat bai traim long holim stia bilong Koboni i go long gutpela rot bilong winim dispela gem.

Long sait winga bai strongpela pilaia olsem Peiwa Peiwa bai sanap na em bai kisim helpim tu i kam long Rex Leka. Dispela bai wanpela strongpela gem na kosa bilong ol, Akas Peni i no inap isi long ol.

West long narapela sait bai i no inap isi long winim bikos West em lida bilong Mosbi ausi rul resis. Na kosa bilong West Joe

Lipu bai putim kamap wanpela strongpela tim long dispela gem. West bai lukluk moa long ol fowet long winim dispela gem bilong ol na dispela i stap long strong bilong ol long ron na kik. Tupela tim wantaim bai strong long win tasol win bai i go long wanem tim i pilaim gutpela gem na bihainim stret gem plen bilong em.

Long Sarere bai Difens i bungim ol boi bilong Halagu long wanpela gutpela gem. Difens i bin lusim stail bilong em longpela taim liklik tasol dispela wiken gem em bai traim long kisim ol stail bilong em i kam bek.

Ol boi bilong Difens olsem Cliff Kua, John Mangana, Herbert Lomoi na Adrias Levie bai i no inap givim rum long Haragu long go insait na winim Difens. Ol bai sanap strong na traim lokim na kamapim pions bilong Difens long traim winim dispela gem.

Saints wokim nem long Wau basketbal

ARI GUH DANDEE i raitim

OL meri Saint Francis long Wau Basketbal Asosiesen i mekim save yet long kukim ol narapela meri long basketbal resis bilong Wau long olgeta wiken. Dispela i soim tru olsem ol bai i lukim yet 1995 gren fainal. Ol i soim tru dispela piksa taim ol i bin nekim Natives meri long las wiken.


Long namba wan hap bilong pilai, ol meri Natives i no laik tru long ol meri Saint Francis i soim pawa bilong ol. Olsem na ol i wok long ronim Saints wantaim skoa bilong ol.

Natives pilaia, Margret Wawa i soim tru olsem Saints i no inap lusim ol taim em i skorim namba 4 pions bilong ol.

Ol meri Natives i holim pawa bilong Saints na ol ipait strongtru long putim sampela moa basket tasol Agatha Raphael na Agatha Inimbu i les tu long daunim nem bilong Saints.

Olsem na tupela i wok hat tru wantaim ol yangpela blut olsem Susan Yang na Vero Alex long stopim ol sots na ron bilong Natives insait long banis bilong ol. Natives i salim ol kain meri olsem Margret Wawa, Auno Awi na Mauni Edwin long mekim nais nabaut.

Taim dispela pait i bin kamap long stapim ol yet long sutim ol pions, Saints Francis i wok long painim ol liklik hap spes bilong srukim pions i go moa. Kain strongpela gem bilong ol meri Saint Francis na ol i nekim ol susa bilong Natives long fultaim. Ol i soim piksa i go pas olsem ol bai brukim taitel bilong 1995 Wau basketbal resis.



(ANTAP)

Blokim em ...

• Baskebal resis bilong ol meri long Mosbi i save pala lait long olgeta wiken. Foto Jack Ami.

(RAITHAN)

"Stail Amos"

• Amos Romo bilong Mimlon soka Klap long Madang em wanpela biknem soka pilaia long Madang. Em i wokim nem long planti nesene tonamen tasol PNGFA i bin lukdaun long em tripela taim nau.



Nesenel baisikel resis bai kamap long Finsafen

ALPHONSE PU i raitim

LIKLIK taun bilong Finsafen long Morobe provins bai holim gen nesene baisikel resis long independens wiken long mun Septemba.

Namba wan baisikel resis i bin kamap long Finsafen long las yia, 1994. Na long dispela namba tu resis, i gat bilip olsem em bai bikpela moa winim las yia.

Ali Yasin husat i go pas long dispela pilai i tok long las yia, 10-pela lain tasol i bin kamap long olgeta hap provins long PNG. Long dispela 6-pela i pinisim resis bilong ol na 4-pela i nogat.

Dispela 42 kilomita resis long las yia em wanpela manki Finsafen yet, Dakwa Wari i bin winim insait long 2 awa na 44 sekens. Dispela rekot em i klostu long rekot bilong man Jemeni husat i bin winim wol baisikel resis long 1 awa, 50 minit na 22 sekens.

Bihain long Dakwa em Kataka Sari na Twei Sivas i bin kamap namba 2 na namba 3 long dispela resis. Dakwa bai i kam bek gen long holim bek taitel bilong em na ol arapela bai traim long winim em o daunim taim bilong ol i kam daun.

Yasin i tok dispela baisikel resis em i no bikpela tumas long PNG tasol i gat bikpela interes i stap we inap apim level bilong dis-

pela spot na i ken salim ol top raida bilong mipela i go long ol ovasis resis.

Em i tok bai resis i op long olgeta manmeri we ol i ken resis long divisen bilong ol yet. Yasin i tok em i ting bai i gat olsem 50 manmeri i kamap long resis. Bai ol opisal i yusim ol motobaik long sekim ol sekpin na was long ol lain i resis long baisikel. Dispela em long mekim resis ya i kamap gut na noken bungim hevi o trabel.


Yasin husat em spot kodineta bilong Finsafen i askim ol asples manmeri bilong Finsafen long givim gutpela helpim na sapot bilong ol olsem las yia long ol lain manmeri bilong resis.

Las yia ol asples i karim wara na kokonas na givim long ol manmeri bilong resis. Yasin i tok olgeta lain husat i no bin go yet long Finsafen i ken go long Lae na kalap long sip we i no inap kos bikpela mani tumas. Em i tok rejistres fi em K20 long wanwan manmeri husat bai resis.

Em i tok baisikel resis i ken kamap long kain ples olsem Finsafen we i longwe long taun. Dispela em wanpela intanesene spot wankain olsem ol arapela bikpela spot olsem soka, basketbal, ragbi na arapela moa we i save kamap long ol bikpela taun.

Tasol em i tok ol bikpela pilai tu i ken kamap long ples olsem nau ol bai holim baisikel resis long Finsafen.

WANTOK SPOTS



Ol sempion bilong 1995

● Ol yangpela soka pilaia husat bai karim nem bilong kantri long bihain taim. Ol i 1995 soka sempions bilong Mosbi Skulbois Soka U12 divisen. Em ol studen bilong Mosbi intenesel Prameru skul, husat i wilwilim Sen Josephs 3-1 long gren fainel, em i bin kamap long Sir John Guise stedium las wiken. Poto is soim kepten bilong tim i kisim tropi long bikbos bilong Coca Cola kampani long Mosbi Trevor Lourensz. Na ol wanpilaia i sanap raunim em. Coca Cola i sponsorim ol prais bilong resis. *Poto: John Rei.*

SYDNEY RAGBI LIG DRO BILONG DISPELA WIK

**St George vs South
Queensland Crushers
Bulldogs vs Auckland
Canberra vs Gold
Coast**

**Brisbane vs Souths
Norths vs Wests
Manly vs Penrith
Illawara vs Tigers
Parramata vs Cronulla
Easts vs Newcastle
North Qld vs Western
Reds**

Pasim tingting long SP Gems soka tim

NESENEL soka kosa, Posman Kisakiu i makim SP Gems skwat bilong em bihainim risal bilong Melanesian Kap gem long las yia long Honiara.

Nesanel kosa i holim yet ol pilaia olsem Willie Bera, Duri Yarawi, Joe Aisa, Paulus Sawo, Roy Karang na Francis Moyap husat i bin pilai long las yia long Melanesian Kap.

Ol arapela em i kisim antap long SP Gems skwat em, Ondo Bart, Dixon Laviong, Trimo Topio, Alfred Gabong, Daniel Dou, Victor Carson, John Panu, Mame Kasalau, Hanz Gewabing, Daniel Mota, Emmanuel Tatau, Jack Jonathan, Richard Daniel na Geoffrey Emang.

Arapela pilaia bilong Melanesian Kap las yia

YAKAM KELO i raitim

we Posman i lusim ol em; Steven Mune, Desmond Waku, Simon Emmanuel, Paniu Karol, Peter Punau, Paul Kailo na Abiang Kera.

Posman i tokim *Wantok* pastaim long skwat i tekov long Tahiti olsem em i makim dispela skwat bihainim strongpela plen em i gat long en.

Bikos wanpela samting em long PNG mipela i nogat profesenel setap. Dispela i min olsem skwat i no kisim longpela trening inap long redim em yet long kain SP Gems olsem.

SP Gems i save kamap olgeta 4-pela krismas olsem na skwat tu i mas kamap na stap inap 4-pela krismas long redi gut.

Posman i tok em i bin

Posman kisim 4-pela olupela pilaia long go wantaim skwat long Tahiti na dropim ol sampela olsem Desmond Waku, Steven Mune na Toru Turia

kisim wok olsem nesanel kosa long las yia, 1994 bihain long olupela kosa, Joe Turia i bin go skul long ovasis. Olsem na em i gat las yia na dispela yia tasol long redim skwat ya.

Em i tok namba wan samting em i tingting long en em long kisim bek ol pilaia bilong em bipo long 1987 SP Gems long mekim skwat bilong dispela yia. Ol pilaia ya em, Dixon Laviong, Geoffrey Emang, Alfred Gabong na Mame Kasalau husat nau i stap long skwat bilong em.

Olsem na wanem kain trening o program em i bin mekim long las yia i

kam long redim skwat em wanem samting em i ken traim long mekim long redim SP Gems skwat bilong dispela yia.

Em i tok insait long ol dispela trening program bilong em, ol i bin skelim tu kos bilong mani long mekim ol trening program ya.

Bikos i no gat inap mani long salim olgeta pilaia i go i kam long trening wantaim, ol i traim long brukim hap skwat i trening long Madang na ol Mosbi pilaia i trening long Mosbi aninit long em yet na asisten kosa, Robert Popat. Ol lain long Madang i trening aninit

long Madang het kosa, John Gringo husat em tim menesa bilong SP Gems skwat nau.

Insait long las trening bilong SP Gems skwat long dispela wik, ol i holim wanpela las trening gem egens ol yangpela bilong Mosbi skwat.

Ol i winim dispela gem long 2 points tasol Mosbi tim i skorim wanpela gol egensim ol long kona kik. Posman i tok ol pilaia bilong em i bin holim bikpela trening i kam na ol i no kisim gutpela malolo.

Olsem na risal bilong gem ya i soim olsem ol i nogat strong tumas long stapim ol fowet bilong

Mosbi tim.

Tasol dispela em wanpela samting Posman i laik kamapim we ol pilaia i ken tait tasol ol i mas redi long pilai narapela gem.

Bikos dispela kain samting bai kamap long SP Gems we ol bai i no inap kisim gut malolo na narapela gem bai stat.

Em i laikim tu long ol i pilai aninit long lait bikos long Tahiti, ol i gat dispela kain pilai graun we ol bai pilai aninit long lait long nait taim.

Wanpela bikpela senis i bin kamap em Posman i dropim pinis Toru Turia na kisim Emmanuel Tatau bilong Mosbi Yunivesiti long pilaim lep beks. Dispela senis i kamap long dispela wik tasol taim ripot bilong dokta i soim olsem Toru i gat hevi long skin bilong em.

LAE
BISCUIT



RAGBI LIG

NIUS

I NO BILONG SALIM

LAE
BISCUIT



PNGRFL tokaut long President 13 tim

RODNEY KAMUS i raitim

... yangpela Markus Bai em wanpela...

PAPUA Niugini Ragbi Futbal Lig i tokaut pinis long PNG President 13 tim bilong pilaim ol Fiji Bati long dispela mun. Na insait long dispela tim, i gat 6-pela nupela pes insait na wankain taim tu tupela olupela fowat i no stap insait long skwat.

Long dispela President 13 tim, ol bai makim ol pilaia long dispela skwat long makim PNG long Wol kap resis long Inglen.

Yangpela Mosbi Vipers senta Markus Bai em i wanpela yangpela na nupela pes insait long dispela tim bihain long em i kamapim gutpela

pilai long Mosbi Vipers tim.

Yangpela Markus Bai em bilong West Nu Briten na i kam stat pilai long Mosbi wantaim Paga Panthers long las yia tasol. Em i opim ai bilong ol selekta bilong Vipers na i lukim em yet i stap insait long tim bilong ol Vipers. Bihain long planti gutpela pilai wantaim ol Vipers, Bai i stap insait nau long President tim.

Ol narapela nupela pes insait long tim em James Kops (Hagen), Billy Noi Jr(Hagen) Samuel Pinpin (Muruks) David Reeka(Lae) na Rabaul Guria Lucas Solbat.

Dispela ol pilaia ya i stap namel long ol 19-pela pilai em PNGRFL i tokaut long kisim ol Fiji Bati.

Siaman bilong PNGRFL Joe Keviamie i tok olsem lukluk long tim, olgeta pilaia em bilong PNG yet inap John Okul tasol.

Ol lain husat i no stap long sait bilong pilai em tupela fowat James Naipao na Kera Ngaffin na planti i bilip olsem long fom bilong tupela tasol i mekim. Bihain long dispela pilai, ol bai tokaut long wol kap skwat.

Wol klab skwat em bai ol lain

olsem Adrain Lam, David Westley na Bruce Mamando i kam pilai tu tasol toktok long Westley na Mamando i no stret gut yet.

Ful president 13 skwat em Markus Bai, Ben Biri, David Buko, Aquila Emil, Tiuyo Evei, Stanley Gene, David Gomia, August Joseph, James Kops, Joshua Kouoru, Mathew Midi, Billy Noi Jr, John Okul, Elias Paiyo, Samuel Pinpin, David Reeka, Lucas Solbat, Max Tiri, Nander Yer, Joe Tokam(kosa), James Korarome (tim menesa) Lester Manuai(trena).



Strong moa yet ... • Wanpela pilaia bilong wanpela tim husat i pilai egensim ol Royals long Goroka lig in no nap pundaun long wanme em i strong moa yet. Ol Royals pilaia i laik takelim em tasol no nap.

Inap West bekim dinau bilong las yia?

MOSBI LIG RIPOT

... Tarangau wet tasol...

TARANGAU Ragbi Futbal Lig klab bilong Mosbi lig i wetim tasol nau gren fainel bihain long ol i rausim trausis bilong Mosbi Defence long wanpela gutpela na strongpela pilai tasol long las wiken.

Tasol Tarangau i no bin winim dispela pilai isi tasol bihain long namba wan ki pilaia bilong ol Defence Tony Daple i kisim bagarap na lusim pilai graun i go autsait.

Olsem na long dispela wiken, ol bai malolo tasol na wetim pilai namel long Defence na Mosbi West husat bai pait na lukim olsem wanem tim bai bungim strongpela tim ya Tarangau long grenfainel.

Long dispela wiken, Fairdeal West husat i bin winim olgeta pilai bilong em na i bin lus long Defence long tupela wik i go pinis bai bungim birua bilong em gen long Sande.

Na dispela pilai i luk olsem bai wanpela strongpela na replai bilong las yia semi fainel.

Long las yia, taim tupela tim ya i bin bung wantaim long pilai, Defence i bin bagarapim stret sindaun bilong West na go bungim Tarangau long gren fainel.

Olsem na nau ol mangi West bai traim hat tru long bekim dispela dinau em ol Defence i bin mekim long ol long las yia.

Na sapos Defence i win, em bai bungim gen Tarangau husat em bin pilaim long las yia grenfainel na dispela tu em bai taim bilong bekim dinau long wanem las yia Defence i winim Tarangau.

Lukluk long sait bilong tupela tim wantaim, tupela i nogat planti ol hevi fowat tasol ol fowat bilong ol i bikpela na i ken ron spit.

Lukluk long sait bilong Defence, kepten Oscar Oksap,

Tony Andale, Kes Paglipari i gat spit na pawa. Ol bai kisim gutpela beklain sapot pilai i kam long Jack Uraddock, James Miviri, Pitiki Wanega na Luke Waldiat long lukim olsem ol i ken mekim wankain stori olsem las yia.

Tasol sapos ol i strongim difens bilong ol yet gut tru, dispela i luk olsem ol i ken daunim ol spitman bilong West.

Ol fowat bilong West olsem Terry FM Longbut, Robert Muri na Ralphy Wagam bai sanap strong tru egensim ol fowat bilong ol taim ol beklain bilong Duffy Mase, Obert Batia, Joshua Kouoru bai traim painim ol liklik spes long ron long dispela pilai.

Gutpela pait bai kamap namel long tupela faiv-eit na hapbek long dispela pilai tu. Yangpela pilaia bilong West na hapbek Vicky Moses i mekim nem bilong em yet pinis long Mosbi Lig na planti taim em i save bosim pilai bilogn West.

Moses bai pilai egensim bikpela faiv-eit bilong Defence Tony Daple husat tu i wanpela ki pilaia bilong ol. Sapos Daple i no was gut, i luk olsem ynagpela Moses bai kamapim planti hetpen long ol Defence.

Long dispela pilai, wanem tim i lus bai tok gutbai long 1995 sisen na tim i win bai bungim Tarangau long grenfainel neks wiken.

Tupela tim wantaim ya i pilai hat tru i kam na sapos West i winim ol Defence, stori bilong las yia grenfainel bai tanim gen na sapos Defence i winim West, i luk olsem bai bikpela bekim dinau tru bai kamap namel long tupela klab ya.

Difens i bikpela samting long Kiunga Skulbois lig

IAN KAKARERE i raitim

WANPELA bikpela samting em i wok long long kamap strong long Kiunga Skulbois lig em ol strongpela difens pilai em ol yangpela long anda 15 divisen i save kamapim.

Long olgeta wik, planti manmeri husat i save lukim pilai i save lukim ol gutpela na strongpela takel na long las wik Sarere i wankain tasol.

Lahara Bulldogs na Kire Creek Dragons i pilaim wanpela strongpela pilai tru we skoa i bin pas long 0-0.

Ol Dragons i no laki tumas long dispela dei long wanem sans bilong ol long kisim penelti i popaia nating taim hapbek Gabriel Smerewai i misim tupela penelti kik.

Monai Jets i pilai hat tru long winim ol Huala Raiders 6-2. Dispela win bilong ol i kamap bihain long gutpela difens bilong ol Raiders i holim bek dispela spit beklain bilong olsem faiv-eit Hohora Hohora, insait senta Tobias Sine, na lep winga Chris Sakopa long brukim banis bilong ol.

Sakopa i bin kikim wanpela penelti long namba wan hap tasol 5-pela minit bipo long hap taim, gutpela bekap na sapot pilai i kamap namel long lok Franklyn Fredmark na em i putim wanpela trai na hapbek David Ambo i isi tasol kikim i go insait.

Strongpela difens i kamap long namba tu hap i lukim nogat pouns i stap long bod.

Long namba wan pilai, gutpela pilai i kamap wantaim ol bekap na sapot pilai i lukim ol Fubilan Diggers i rausim trausis bilong

strongpela tim Fly River Sharks 10-4.

Faiv-eit bilong ol Diggers Kingsford Gageya i kikim wanpela penelti taim pilai i stat. Long namba 10 minit em wanpela namba wan tim pilai trai i kamap long ol Diggers na seken rowa Paul Tapkie i pundaun antap long trai lain bilong ol Sharks.

Dispela gutpela 60 mita trai na sapot pilai i kamap taim Gageya i mekim wanpela gutpela liklik ron long hapsait bilong ol yet. Em i pasim bal i go long lok fowat Roy

Martin Kakarere husat i pasim i go long Manase Berchmans. Berchmans i sanap strong long wanpela takel na pasim i go long Tapkie.

Tapkie husat i wok long bekap i kam i kisim bal ya na ron i go insait long wanpela liklik hul na ron 30 mita olgeta long putim trai aninit long pos.

Gageya i bin putim wanpela trai long namba wan hap bilong pila na riplermen bilong ol Sharks Alfred Kaka i putim wanpela trai bilog ol long seken hap.

"PNGFL mas stretim pilai graun" Ol sapota

MICHAEL MONDA i raitim

LONG tupela wik i go pinis na tu long las wik yet planti lain manmeri husat i save behinim ragbi lig na tu husat i save baim K4.00 long kam insait long geit long olgeta Inta-siti gems i no wanbel tumas wantaim ol kain pasin PNGRFL i wok long mekim long mekim gen i ron gut lont taim na smat long Hagen.

Long wik i go pinis na tu long las wik long Rehimul ragbi gran refri i blom wisil na ran i go insait long field na tu ol pilaias bilong tupela sait wantaim i go insait. Insait long pilai graun ol i mas wetim bal tasol nogut.

Ol spekets is singaut i go antap long gren stend tasol ol lain long hap tu i no gat bal. Ol senta tims i wet tasol wantaim refri i stap long field.

Long bipo las wik klstu tru wanpela klab bilong Hagen yet i kisim K50.00 long gibim bal bilong klab i go long han bilong ol Inta-sit lain. Em taim ol Eagles i bungim ol Lahanis na tu ol Muruks i bungim ol Trotters.

Long las wik gem wankain samting i kamap ol Muruks na Lahanis i wok long weitim bal long go insait long fild moa long 7-10

minets wantaim refri Tonny Kuni.

Mendi Muruks i bin gat wanpela olpela bal we ol Muruks yet i save ysim long trening, ol Mt Hagen ragbi lig opisols i wok long askim kosa bilong Muruks Mark Yagen long givim dispela bal. Pastaim Mark i tok nogat bikos olgeta tret bilong bal i pinis na tu i olpela tru.

Bihan tru em i givim bikos i nogat narapela bal biong yusim long tupela Inta-sit gems long Sande.

Bilong saplain ol bal i no wok bilong Mt Hagen RFL na tu i no wok bilong ol Hagen RFL opisols, em i wok bilong SP Holdings na tu PNGRFL long saptaim ol gutpela bal, wanpela opisal bilong Hagen



• West A gret tim long Mosbi ragbi lig.

husat i les long givim nem bilong em i tok.

Ol narapela samting em long ol land spika o hella. Long Hagen ragbi grend stend i gat wanpela liklik loud spika we planti taim i no save wok gut SP Holdings o PNGRFL i mas provid-ing dispela tu. Las wik ol manmeri i lukim gem

tasol olsem ol hia pas man na go.

Narapela samting tu em long lains fleg long las wik wanpela lains man i holim plastik nating wok long flain i go i kam.

Manus man bilong manmeri na lig opsial i tok planti ol lain manmeri husat i sve bihain-

im ragbi lig i tok ol is save givim planti mani tru i go long PNGRFL long olgeta Sande long Hagen na ol i laikim ol husat lain i save long sonim na lukatukm ol Inta-siti gems long saplain na sekim gut ol liklik samting olsem ol ba, laud spika na ol fleg bilong lains man bipo

long gem i stat bai gem i ken ron gut na luk smat.

Ol spektetos i singaut i go antap long gren stend i no gutpela tumas.

Dispela i no wok bilong Mt Hagen ragbi lig opisal saplain ol dispela samting.

Ol Ragbi lig dro

SP INTER-CITY			
Mendi Muruks	24	d	Pom Vipers 14
Hagen Eagles	36	d	Gurias 16

Port Moresby Major Semi Final			
U/17 Wests	8	d	Brothers 5
U/19 Royals	5	d	Defence 4
U/21 Post Puma	16	d	Defence 14
Reserve: Magani	14	d	Royals 12
A: Tarangau	36	d	Defence 28

Minor Semi Final			
U/17 Souths	5	d	Royals 4
U/19 West	10	d	Brothers 4
U/21 Tigers	8	d	Brothers 4
Reserve: Defence	10	d	Post Puma 8
A: Wests	14	d	Post Puma 10

Lae			
U/17 Spiders	9	d	Panthers 0
Tarangau	10	d	Royals 0
Tigers	9	d	Magani 5
U/19 Brothers	10	d	Defence 0
Magani	12	d	Tigers 8
Reserve: Panthers	26	d	Tarangau 14
Magani	14	d	Defence 11
Royals	10	d	Spiders 4
A: Panthers	39	d	Tarangau 10

(Rest of the game were cancelled due to wet condition)

LAE WINFIELD LEAGUE DRAWS ROUND 12 WASHOUT FOR SENIORS AND ROUND 12 FOR JUNIORS

SATURDAY AUGUST 12 INSIDE GROUND

TIME	DIV	TEAMS	VS
10.00	U/19	Panthers	vs Tarangau
11.00	U/19	Magani	vs Defence
12.00	U/19	Brothers	vs Tigers
0.100	U/19	Royals	vs Spiders
0.200	B	Brothers	vs Tigers
0.330	A	Magani	vs Defence

SUNDAY AUGUST 12 OUTSIDE GROUND

0.900	U/17	Panthers	vs Tarangau
-------	------	----------	-------------

INSIDE GROUND

0.900	U/17	Magani	vs Defence
10.00	U/17	Royals	vs Spiders
11.00	U/17	Brothers	vs Tigers
12.00	A	Royals	vs Spiders
0.130	A	Brothers	vs Tigers
0.330	I/C	Lae Bombers	vs Mt Hagen Eagles

CENTRAL RUGBY LEAGUE SEMI FINAL DRAW

VENUE: SIR HUBERT MURRAY STADIUM

TIME	TEAMS	VS	DIVISION
8.30	Bulldogs	vs Sailors	U/21
9.30	Knight	vs Cowbys	U/21
10.30	Bears	vs Eels	U/21
11.30	Hawks	vs Cowboys	Res
12.30	Bulldogs	vs Sailors	Res
1.30	Knights	vs Bears	Res
2.30	Bulldogs	vs Klagaua	A
3.30	Knights	vs Sailors	A
4.30	Wallabies	vs United	A

Bye Cowboys A grade

SP INTER CITY CUP

Draws		SP INTER CITY CUP	
Kundiawa Warriors	vs	Goroka Lahanis	Goroka
Madang Globe	vs	Pom Vipers	Madang
Lae Bombers	vs	Hagen Eagles	Lae
Rabaul Gurias	vs	Mendi Muruks	Kokopo

Points Ladder Teams	W	D	L	F	A	P
Wamp nga Eagles	11	-	2	336	188	22
HBS Muruks	9	1	3	259	226	19
CSH	9	-	4*	283	231	18
LBC Bombers	7	1	5	284	244	15
CXL/WILLS Lahanis	6	-	6	268	220	12
JB Globetrotters	3	1	9	181	229	7
I/National Gurias	3	-	9	208	315	6
CXL/WILLS Warriors	1	1	11**	208	318	3

NB:** denotes loss by forfeit
Wamp NGA Eagles are minor premiers

Ol referi kisim kos long Supa Lig

ALPHONSE PU i raitim

MOA LONG 40 referi bilong ragbi lig long olgeta hap bilong kantri bai stap insait long wanpela trening progrem long Goroka long lukim olsem ol wok bilong ol long pilai graun i go stret long dispela wik i go inap long Sande.

Dispela besik referi kos em Supa Lig kodineta bilong ol referi long Australia Graham Annesley bai stap mekim long Nesenel Spots Institiut(NSI) long Goroka.

Annesley i seninsim Richard Johnston bilong Kwinslen Ragbi Lig(QRL) husat i bin stap insait long kantri tupela taim pinis long ranim dispela kain kos long ol grup referi logn Papua Niugini.

"Mipela i bin plenim olsem Mista Johnston bai kambek long

dispela taim bilong yia tasol disisen bilong Papua Niugini Ragbi Futbol Lig(PNGRFL) long joinim supa lig i lukim Annesley i kam." John Numapo nesenel referi kodineta i tok. Olgeta rot bilong Annesley long kam na go bek wantaim ples silip em supalig yet i stretim na ol narapela mani bilong ol lokal referi em mani i kam long referi asosiesen bilong PNG Ragbi Lig.

Dispela 4-pela dei kos bai lukim tupela dei em ol bai lainim ol pepa wok na tupela dei em ol bai kisim pilai graun na traim save bilong ol. Ol referi ya bai traim kontrolim sampela pilai long lokal lig long Goroka long Sarere na Sande we ol bai lukluk long ol na givim ol poins. Long dispela ol mak em ol i kisim,

sampela referi em bai joinim ol wanwok bilong ol long referi long ol pilai olsem Cambridge Cup o inta siti pilai.

Insait long kos ya bai ol i lainim ol samting olsem tip bilong referi, posisen, fitnes, blowim wisel, lainsmen, sain na lo bilong pilai na tokaut stretb long rul long ol pilai graun.

Taim Annesley bai man i go pas long kos ya, wanpela top referi bilong PNG Alphonse Pu bai lukluk long stretim ol narapela samting we kos ya bai ran gut.

Ol lain referi husat i kamap longkos ya i kam long planti hap olsem Buka, Keving, Kimbe, Popondetta, Kerema, Kiunga, Wabag, Tari, Wapenamanda, Minj, Banz na tu long ol bikpela lig senta long kantri.

Sentrel Lig go insait long ol fainels

KENNEDY EDENE i raitim

WANPELA strongpela pilai tru bai kamap long dispela wiken long Sentrel Lig long Sarere taim ol tim bai go insait long namba wan semi fainels nokaut bilong ol bihain long dispela resis em ol i bin openim long stat bilong dispela yia.

Na wantaim 6-pela tim olgeta i bin stat long resis bilong dispela yia lig ya i bin pasim toktok long gat 7-pela tim olgeta bai go insait long ol fainel nokaut.

Wantaim ol dispela fainel 7-pela tim husat bai pilai long dispela wiken, ol tim husat bai pilai em Koita Cowboys husat i stap namba wan, Mirikuro Bulldogs namba 2, Kido Lagava, Boera Sailor, Hisiu Knights, Balawaia Wallabies na Muko United.

Long ol pilai bilong dispela wiken nokauts, Mirikuro Bulldogs bai pait wantaim Kido Lagava na wina bai bungim kompetisen lida Koita Cowboys long pilaim maina primiasip fainel.

Long namba tu A gret pilai, Hisiu Knights husat i sindaun long ples namba 5 bai bungim namba 4 ples Boera Sailors na bikpela pilai bilong apinun bai stap namel long Muko United na Balawaia Wallabies.

Lusa bilong Bulldogs na Lagava bai bungim wina bilong Hisiu na Sailors pilai na lusa bilong Hisiu na Sailors bai bungim wina bilong Balawaia na Muko United long pilai long namba 5 ples.

Boera Sailor wanpela tim husat i kambek strong tru bai tarim masel

wantaim ol mangi Hisiu husat i kisim tupela taitel bilong Sentrel lig pinis.

Wantaim spitman bilong ol Kini Tani long helpim ol Sailors, ol olupela Mosbi pilai olsem Moi Ganinga, Kara Henoa, Raho Veri na Koivi Aua i stap fran, bai yu lukim beklain bilong ol i paia gut.

Beklain bilong ol long Goro Henao, Ray Tau na Mea Tau bai putim gutpela sapot pilai i go long ol foat bilong ol. Long ol Hisiu Knights, husat i bin winim tupela prais long sentrel lig pinis long Ista Kap na tu ol i bin pri sisen sempion tim, ol bai stap aut long soim olsem ol i namba wan tim yet long Sentrel lig.

Sempion tim ya we ol i sasim ol long K1000 bai traim hat tru long pilai long lukim olsem ol i mas kisim dispela K1000 bilong ol bek wantaim wanpela win.

Pilai bilong ol i wok long kamap strong bihain long ol i bin bagarapim sindaun bilong ol Hawks na Kisere Bears wantaim ol bikpela skoalain stret.

Nau yet ol mangi i stap long ples na long tupela wik ya ol i stap long ol hatpela trening stret na ol i tok olsem dispela olgeta klab ol i winim i soim bikpela laik bilong ol long stap long ol fainel na kisim dispela taitel tu.

Pilai bilong ol Knight i luk olsem bai go gut sapos ol fowats bilong ol olsem Aihi Paru, Luke Ora na Imura Ume i stretim olgeta samting antap long fran. Tupela tim wantaim ya bai i redi tasol long pait long dispela wiken long semi fainel nokaut.

Bikpela amamas long ol Mendi Muruks

MICHAEL MONDA i raitim

PLANTI ol lain sapota na ragbi lig fan bilong Sauten na Western hailens provins i no bilip tru long win bilong ol Mendi Muruks egensim ol Vipers long Mosbi long las wiken we skoa i stap long 24-17.

Dispela win bilong ol Muruks i namba wan win tru bilong ol long wanem olgeta pilai em Vipers i save holim long Mosbi long Llyod Robson pilai graun, ol inta siti tim o ol senta i no save winim Vipers liklik na ol asples yet i save winim

Planti ol lain manmeri i tok ol Muruks i luk olsem ol i liklik tasol ol i gat bikpela lewa na ol i no save pret na kauntim husat ol biknem man na tim bilong kantri.

Long nau yet tug, ol inta siti tim i no winim yet ol Vipers long Mosbi tasol ol Vipers i save go aut na winim ol tim long ol narapela senta. Muruks em i wanpela bilong ol inta siti tim husat i winim Vipers long namba wan taim tru long Mosbi.

Vipers i bin gat wanpela lus tasol na dispela em egensim ol Goroka Lahanis long grenfainel bilong 1993.



Taim bilong sotwin ... • Ol West pilai i malolo bihain long wanpela trai bilong ol Post Puma. West i win 15-10 na bai bungim Defence long dispela wiken. Wina bai bungim Tarangau long gren fainel.

Kiunga Lig smelim ol fainels

IAN KAKARERE i raitim

OL FAINELS bilong Kiunga Ragbi Futbol Lig i stap longwe long 4-pela pilai tasol bipo long ol semi fainel i kirap na ol tim i wok long pait hat tru long kisim ol spes we 4-pela klab tasol bai i go insait. Ol pilai bilong las wiken i bin strongpela tru we planti tim i bin pilai hat tru. Tigers husat i sindaun namba 4 ples wantaim Brothers i bin traim hat tru long winim ol Souths long las wiken. Tasol Souths i stopim ol Tigers 26-15.

Long namba wan hap bilong pilai Tigers em pilai kosa na huka Joe Kirinam i go pas long ol na George Katop i bosim olgeta pilai bilong ol Tigers. Tigers i holim gut tru ol Souths wantaim ol strongpela takel long ples bilong raks na ol fowats olsem Terence Yai na Rocky Likn i bin mekim ol strongpela ron we i pusim bek difens bilong ol Souths. Outsait senta bilong Tigers Steve Wawuk i pundaun long trai lain tasol kik i no go insait.

Rait winga bilong ol Souths Yaeti Sikili tu i putim wanpela trai bilong ol na wanpela fil gol long Katop i bin mekim ol Tigers i go pas long 5-4 long haptaim. Long stat bilong

namba tu hap bilong pilai, Souths i i no nap moa log ol Tigers husat i putim strongpela presa tru long ol na winga Douglas Aewaeta i ketsim kik bilong faiv-eit Jerry Jimmy long skoa long kona.

Hapbek bilong ol Souths na man bilong bosim pilai i kirapim ol pilai bilong em na ol i stap long paia we em i skorim wanpela trai long em yet na setim ol narapela trai long lep winga Vincent Sakopa na prop Asi Danege Nao i kikim tupela konvesen long go pas long 20-9. Kirinam i bin skorim wanpela trai na tu i kikim go long bihain ol Souths long 15-20 we ol i ken winim pilai ya. Wanpela liklik trabel i kamap long pilai graun i mekim na i lukim ol sapota i ron i go insait long pilai graun. Tasol bihain long 10-pela minit, pilai i stat gen.

Souths i stilim pilai taim huka Smokey Kutika i pundaun aninit long pos na riplenmen Douglas Gageya i kikim konvesen bilong ol Souths we ol i winim dispela pilai long 11-pela poins. Brothers na Tigers i pilaim wanpela strongpela pilai tru we tupela tim wantaim ya i dro long 24-24. Ol Brothers husat i senisim ol yet i mekim planti senis long ol posisen bilong ol. Brothers husat i

laikim tru long winim dispela pilai i laik lukim olsem olgeta pilai bilong ol em ol i mas winim.

Insait senta spesel man Jason Mamaea i surik i go pilai long prop fowat posisen. Na dispela senis i lukim Mamaea i putim tripela trai olgeta long tim bilong em. Huka bilong Brothers Joe Plastic Pagru i surik i go pilai long hapbek posisen na i pilai gut tru wantaim faiv-eit Tema Caspar long holim bek ol Tarangau. Pagru i bin putim wanpela trai leit long seken hap.

Man ol i apim em i go antap long huka Elias Kup i kirapim gut tru A gret sait bilong ol Brothers long fowat lain. Caspar i stopim strongpela hapbek bilong Tarangau Bani Diboga tasol taim Caspar i kisim liklik bagarap na go outsait, ol Tarangau i kam bek gen long gem na dro. Insait senta bilong Brothers Mara Kubu i kikim tripela gol na fulbek Max Bogela i kikim wanpela tasol.

Long namba wan hap bilong pilai, Tarangau i bin kisim tupela penelti poins tasol i kam long hapbek Morris Malawa taim faiv-eit bilong Tarangau Bani Diboga i kisim wanpela isi-pela ron taim birra bilong em Caspar i kisim bagarap na kambek wantaim

tupela trai long Diboga, Wamoa Deme na Philip Hailavila na wanpela moa longpela kik long Malawa i bringim skoa bilong ol i go antap long 24-24.

Hawks i kisim tupela poins isi tasol bihain long ol i winim Magani long fofit. Long dispela wik Sande, Souths husat i primia tim bai bungim grenfainel tim bilong las yia Brothers. Dispela pilai em do o dai pilai bilong ol Brothers husat i resis strong tru long winim wanpela ples bilong semi fainel. Maski long ol liklik hevi ol i gat, Brothers em i soim pinis stail bilong em bihain long ol i mekijm ol senis long ol posisen.

Souths tu i no strong moa olsem las yia na dispela taim, wanem kain liklik asua ol i mekim bai i luk olsem ol bai lus. Maski sapos ol Souths i lus, dispela bai i no nap pasim maina primia sip resi bilong ol na tu ol i noken kisim ol Brothers isi tasol.

Hawks i mas wok hat tru long wanem ol bai bungim ol Tigers long dispela wiken.

Dispela em long wanem Tigers i gat strongpela tingting long pilai long ol fainels na ol bai strog tru yet na Tarangau i luk olsem ol bai winim ol Magani yet.

Michael Buettner

Parramatta

DOB: Oktoba 30, 1973. Sta Sain: Scorpio

Betples: Fairfiled.

Longpela: 182 cm. Hevi: 90 kg

Ai kala: Blue

Tokpilai nem: Mickey Blue

Wok: Sumatin

Kar: Toyota Paseo

Driman Kar: BMW Convertible

Fes tim: Cabravale Diggers and 8

Fes posisen: Prop

Yu ken tingim fes pilai bilong yu long A gret:

Setim fes trai egensim East

Feveret malolo: Stap long haus wantaim premeri Annalia na pilai golf

Feveret Drink: Southern na Coke

Feveret samting: kompiuta pilai na golf

Feveret piksa: Forest Gump

Feveret TV So: Seinfeld

Feveret Ekta: Tom Hanks

Feveret Ben: Bon Jovi

Las buk yu ritim: The Best of the Far Side Garry Larson i raitim

Raitmeri: Cindy Crawford

Man yu save laikim taim yu mangi: Wayne Pearce

Laikim: Pilai long sega na go long ol poroman

No laikim: Smok, koles homwok na ol draiva i no save spit

Yu laik pilai sait long husat: Brad Fitler o Bradley Clyde

Driman: Win wanpela primiasip na pilai long State of Origin

Long narapela laip bai yu kam bek olsem

husat: Papa bilong Apple Kompiuta kampani

Toktok papa na mama i save givim oltaim:

Was gut long mani

Bikpela taim long laip bilong yu: Winim ol Great Britain lon g 1992

Husat i lainim yu: Brett Kenny em i save toktok gut long mi

Holide ples: Raun long Yurop

Taim yu tok wanem sapos yu sindaun sait

long kwin: Bai mi sem na nogat toktok bilong mi.

Sapos yu nap long senisim wanpela samting:

Givim kaikai long ol manmeri husat i hangre long Afrika

Bihain long futbol bai yu mekim wanem:

Kamap P.E tisa o stap na pilai golf tasol

Wanem hatpela samting yu lainim: Save husat bai yu bilip long em.

Samting bagarapim Parramatta long dispelasisen: Bagarap na nogat gutpela dip.





● Fullbek bilong Post Puma risev gret i pasim wanpela bal i go aut taim ol Defence pilaia i kam insait long wilwilim em. Tupela tim wantaim ya i pilaim wanpela strongpela pilai tru long las wiken na i redi tasol long ol fainels long dispela wiken.

Fainels fiva long Mosbi

MOSBI Ragbi Lig bai stap insait long bikpela pilai tru long dispela wiken taim Mosbi Defence i bungim ol mangi Kerema Fairdeal West long bikpela prillimineri semi faine long Sande.

Lusa bilong dispela pilai bai hangmapim su bilong em na tok gutbai long 1995 sisen na wina bai wokabaut i go antap long bungim Tarangau husat i wetim tasol gren fainel i stap.

West husat i bin pilaim wanpela strongpela pilai tru egensim Postb Puma long las wiken we ol i win long 15-10 bai i mas traim hat tru long pilaim 80 minits futbol long lukim olsem ol i ken go insait long grenfainel tu.

Long dispela wankain pilai

long las yia, Defence i bin bagarapim stret sindaun bilong West na i go insait olgeta long bungim Tarangau long gren fainel we ol i winim.

Tasol long pilai bilong ol Defence long las wiken we ol i pilai egensim ol Tarangau, Defence i bin stap pas long skoa long 20-6 na i gat 20 minit bilong pilai tasol i stap.

Ol Tarangau i kambek strong tru long las 20 minit long winim ol 36-28.

Sapos ol Defence i strongim difens bilong ol inap 80 minit olgeta, i luk olsem ol i ken winim ol West.

Ol West tu i gat ol gutpela pilai husat i save pilai i go inap 80 minit i pinis.



● Fairdeal Wests tim bilong dispela yia husat i redi tasol long bungim Mosbi Defence long prillimineri fainel long dispela wik Sande. Wina bilong tupela bai go stret long gren fainel wantaim Tarangau.



• (LEPHAN) Goroka Ragbi lig eksen long las wiken. Ol i stap long ol fainels nau.

• (RAITHAN) Michael Mondo bilong Vipers i daunim wampela warriors pilaia long Goroka. Goroka i winim Vipers.



• Ragbi lig sksen namel long Post na West.



• Wapela West pilaia i salim bal i go long senta Joshua Kouoru long pilai bilong ol egensim Post Puma. West i min 15-10.



• Hapbek bilong Post Puma risev gret tim i soim stail bilong em egensim ol Defence.



• Tuplea Defence pilaia bungim wampela riser gret pilaia bilong Post puma.

Red hot Raiders i pilim hot...

CANBERRA Raiders bai i go insait long raun 19 pilai bilong ol egensim Souths long neks wik Sande olsem wanpela feveret tim bilong win bihain long 10-pela yia.

FootyTAB i makim ol Souths long stat long 28 points na hap stat-dispela em bikpela tru ol i givim bihain long Parramatta i bin kisim long 1983 em 29 na hap stat long dispela dei na taim ol i lus 12-10, ol i pilim olsem dispela em wanpela bikpela win bilong ol tru long sisen.

Maski long wanem hap ol i sanap nau na pilim olsem ol i feveret bilong winim primiasip taim Manly i stat long pundaun, Canberra i no amamas tumas long kain pilai ol i save mekim.

Kosa Tim Sheens i tokim ol pilai bilong em olsem ol i mas go het yet sapos ol i gat bikpela laik long pait gen long taitel bilong ol.

Ol Raiders i sindaun wankain olsem ol Manly antap long lata taim ol fainel i kam klostu na i luk gutpela tru we las wiken ol i daunim ol West 50-18.

Tasol i bin gat liklik askim i go long namba wan hap bilong ol long pilai. Planti bal ol i pundaunim nambaut na nogat gutpela toktok namel long ol yet olsem na lok bilong ol Canberra Raiders Bradley Clyde i tok olsem em i wanpela bikpela samting ol i mas stret.

"Mipela i traim hat tru long fes hap na dispela em long wanem mipela i no mekim gut...mipela i putim mipela yet i go daun," Clyde i tok.

Clyde i tok olsem wanpela strongpela toktok i kam logn Sheens bai lukim ol yet i redi long semi fainel taim.

"Sheens i tokim mipela olsem mipela i save pinis olsem mipela bai stap long semi fainel na dispela i no min olsem mipela bai go isi tasol," em i tok.

"Mipela i mas sanap nau na pilai strong moa yet na dispela bai helpim mipela long holim taitel bilong mipela yet."

Maski ol i nogat gutpela namba wan hap Raiders i mas amamas long sampela gutpela pilai bilong ol olsem Steve Walters, Brett Mullins na utiliti pilai Jason Crocker.



● Bradley Clyde i ron strong long gem egens Wests. Ol Canberra Raiders i wilwilim Wests 50-18.

Sharks 'stret'

OL PILAIA bilong Cronulla i rausim pinis dispela liklik sik i stap wantaim ol na redi long 1995 fainels na i luk gutpela olsem ol i ken go olgeta long grenfainel.

Ol Illawara Steelers tu i stap long rot bilong stretim sik tasol sore tru i nogat sans bilong semi fainel nau.

Dispela sik bilong hot na kol i wok long bringim ol pilai long i no sillp gut na het bilong

Nupela rot bilong pinisim sisen

ol i paul nambaut na i tok em Supa Lig sik.

Em i tru nau olsem dispela bikpela samting i kamap long ragbi lig i brukim sampela tim long mekim gutpela wok-fran long ol stret em Cronulla na Illawara. Em i klia tru nau olsem ol Sharks bilong Johnny Lang i stap stret long rot nau.

Ol wanem.

Dispela las gutpela mun bilong ol bihain long ol i rausim trausis bilong Canberra, Brisbane, Norths na Manly i stap long let bilong ol i kirapim nupela billip bilong ol manmeri husat i save toktok olsem Canberra na Manly bai bung long grenfainel.

Na RLN i sekim ol long wanem samting i bagarapim ol long sait bilong dispela tim husat i gat ol yangpela pilai tasol na lukim olsem ol i stretim ol yet pinis bihain long dispela supa lig toktok. Na i gat ol narapela tu-i kamap na go insait long namba wan futbol na gutpela impot bilong ol Tawera

Nikau na tu ol yangpela fowat olsem Craig Greenhill na Nathan Long i pilai gut tru.

"Mipela olgeta i bin stap aninit long presa long namel bilong sisen," tim menesa Shane Richardson i tok. "Sapos mi save o painimaut long wanem samting i mekim mipela i pundaun, mi bai wanpela bikpela mani man stret."

- Rugby League Week

Sogeri Choice putim ai long ol fainels

KOIARI LIG RIPOT

STRONGPELA tingting bilong Sogeri Choice long mas i go insait long fainel bilong Koiari Lig long sentrel provins i kamap tru long wiken bihain long ol i winim ol Ice Panthers 12-8.

Wantaim 5-pela pilai tasol i stap yet bipo long ol fainels, ol Choice i no bin givim wanpela sans liklik long ol Panthers na putim olgeta kain stail bilong ol i go insait long kisim tupela poin moa. Choice nau yet i wok long go pas long resis bilong Koiari Lig.

Dispela win bilong ol i givim ol moa strong bihain long ol i bin lusim wanpela pilai bilong ol egensim ol Country Brothers 6-0.

Ol fowat bilong Choice olsem Tao Oa, Gini Oa, Kwege Awal na strongpela man David Jerry i bin mekim ol strongpela wok tru long brukim banis na difens na tu i bin kisim strongpela salens i kam long ol mangi Panthers.

Tupela tim wantaim i putim kamap strongpela pilai tru ye yu ken lukim olsem skoa i liklik tru.

Taim skoa i stap long 6-4 long fes hap long sait bilong Choice, ol lain Panthers i kam bihain long seken hap na putim wanpela trai na gutpela konvesen kik i kam long Douglas Aoti i lukim ol Choice go pas long 4-0

Tenpela minit tasol i go insait long pilai, ol Choice i salim fulbek Nelson Muri i go insait long Panthers trai lain na dispela taim kik i go insait tu na ol i sindaun long 6-0.

Skoa ya i no stap longpela taim bihain long faiv-eit bilong ol Panthers Peter Gundu i putim wanpela trai na ol i smelim ol Choice long 4-6. Long ol narapela minit moa, yu lukim planti strongpela difens i kamap long tupela sait wantaim na nogat skoa i kamap inap long namba tu hap.

Long namba tu hap bilong pilai, tupela sait wantaim i resis gut tru na taim ol Ice Panthers i longlong yet i stap

long malolo bilong haptaim, ol Choice i mekim kamap wanpela gutpela pilai na huka Robbie Oua i pundaun antap long trai lain bilong ol Panthers na mekim ol Choice long go pas olgeta long 12-4.

Ol Ice Panthers husat i no givap long pait i pilai hat tru yet wantaim riplemen senta Ata Wahia i mekim wanpela gutpela beklain pilai na putim antap long trai lain bilong ol Choice na skoa i stap long 8-12 long fultaim.

Long ol pilai i kamap pas Crystal Lakers i pilai hat tru na bagarapim stret sindaun bilong ol Doma United 24-1. Fowat bilong Lakers Dick husat i pilaim wanpela namba wan pilai bilong em tru i putim tupela trai long sait bilong em. Ol tari bilong ol Lakers i kam long Niven Dick, Sabs Uwea, Dick Kidu(2) na Uwea i kikim tupela gol.

Mebos na Sharks i dro 16-16. Mebos husat i pilai hat tru long las 10-pela minit long dro wantaim ol Sharks na ol Bluff Inn Knights i winim ol Vakasu Souths 16-6.

Siri Sharks lukluk long win long Sogeri Lig

SOGERI LIG RIPOT

KENNEDY EDENE i raitim

DISPELA WIKEN long Koiari Lig bai i gat wanpela strongpela pilai tru bai kamap namel long ol lain Crystal Lakers na Sirinumu Sharks. Sharks husat i sindaun long namba 6 ples bai traim ol lain Lakers husat i stap long namba 4 ples long resis bilong Koiari Lig.

Long namba wan taim tupela ya i bung na pilai, tupela i bin dro 6-6 na tupela tim wantaim ya i save gat wankain stail bilong pilai long difens na atek.

Wantaim 5-pela moa pilai i stap bipo long ol fainels i kamap, ol mangi long Sirinumu i kamap gut nau. Ol i winim ol Vakasu na long las wiken ol i pilai hat tru long las minit we ol i dro wantaim ol Mebos.

Sharks i soim gutpela sain las

wiken long dro bihain long ol i stap baksait long poin longpela taim tru na long longlong bilong ol Mebos tasol i mekim na ol i egensim ol Sharks.

Sharks i gat sik bilong go pas long poin long namba wan hap tasol taim pilai i laik pinis nau, ol i save sotwin na givim pilai i go long ol narapela tim isi nating.

I luk olsem lainap bilong Sharks bai sanap olsem fulbek Yorri Nuaru, winga Jonah Edene, ol fowats em Minama lare, Max Kidu, Korohi, Toina, Henry Amiti, James Solomon na Charlie Marere.

Long narapela sait, ol Lakers bai tingting long helpim bilong Gima Koeri long hapbek, Bobby Oki long faiv-eit, senta Niva Dick na Steve Edene bai go pas long fowat lain bilong ol.

Long ol pilai i kamap pas, Vakasu Souths bai bungim Country Brothers na Ice Panthers bai bungim Tigers na long bikipela pilai Doma bai bungim Mebos.

Lae Magani gat nupela sponsa

LAE LIG RIPOT

PAULUS TALI i raitim

MAGANI Ragbi Lig klab bilong Lae i kisim wanpela nupela set jesi long las wik i kam long sponsa bilong ol na wanpela kampani long Lae yet Fairdeal Liquors.

Long stori bilong kampani ya, em i no bin sponsaim wanpela klab long Lae i kam inap nau em o sponsaim Magani klab.

Brens Sels Menesa bilong Fairdeal Mista Opi Pinna i tok kampani ya i givim klab Magani 4-pela set jesi olgeta i go long klab ya.

Long Mosbi, Fairdeal Ligour kampani i save sapotim ol spots olsem Ragbi Lig, soka , netbal na ol narapela pilai na long Lae em i save helpim ol pilai olsem ragbi tas, soka na ol narapela pilai tu.

Ela Magani klab em bipo Lae International Hotel i sav espon-saim ol tasol nau ol i kisim nupela sponsa gen.

Pinna i tok olsem kampani bilong em i givim 5-pela set jesi

i go longklab ya em mani inap long K1,500 olgeta.

Em i tok moa olsem em i amamas long kampani bilong em long givim gutpela sapot na bikipela samting em klab i mas pilai gut na bringim gutpela samting i kam bek o kamap long wanpela gutpela posisen.

Presiden bilong klab Mista Samuel Ibg i givim bikipela tok tenkyu bilong em i go long Pinna long sapot ol i givim long ol long dispela yia.

Em i tok olsem kampani ya i sponsaim 4-pela divisen olgeta em long anda 17,19, risev gret na A gret.

Kampani ya tu i amamas long poin lata we A gret i stap namba tu ples, risev gret seken ples, anda 19 i stap namba wan na anda 17 namba 4 ples olgeta.

Ibgi i laik lukim olsem olgeta divisen i mas pilai hat tru na bringim nem bilong klab i kam antap.

Magani tu i amamas long lukim tupela pilai bilong ol i stap long inta siti tim Bombers em James Moses na John Korop na tupela bai strong moa yet long mekim nem bilogn klab i go antap.



• Goroka ragbi lig eksen namel long Bulldogs na Panthers long tupela wik i go pinis.
Foto: Sape Melita.

Lae Lig nogat A gret pilai long las wiken

OL Sinia tim bilong Lae Ragbi Futbol Lig i no bin gat pilai long las wiken long wanem bikipela ren i pundaun na bagarapim pilai graun na ol junia divisen tasol i bin holim pilai bilong ol.

Seketeri bilong Lae Ragbi Futbol Lig Zeph Aigal i tokm Ragbi Lig Nius olsem ol sinia gret long Lae lig i no bin pilai long wanem graun i bagarap olgeta long ol long pilai.

Em i tok olsem ol i no holim pilai long wanem Hagen Eagles bai bungim Lae Bombers long

dispela wiken long Lae olsem na ol opisals i no bin holim wanpela pilai nogut bai bagarapim graun inap inta siti pilai i lusim Lae em bai ol i pilai.

Long las wiken stori bilong ol pilai i bin stap olsem long anda 17 divisen Spiders i strong moa yet na nekim Panthers 9-0, Tarangau autim tiket bilong Royals 10-0 na Tigers 9 winim Magani 5.

Long anda 19 divisen Brothers 10 i winim Defence 0, Magani i nekim Tigers 12-8 na

Magani i winim Tigers 12-8. Long risev gret Panthers i winim Tarangau 26-14, Magani winim Defence 14-11 na Royals nekim Spiders 10-4.

Long A gret divisen, wanpela pilai tasol i bin kamap we Panthers i nekim Tarangau 39-10. Bihain long dispela i nogat pilai i bin kamap long wanem bikipela ren i pundaun.

Aigal i tok olsem em i amamas tasol long bungim ol Hagen eagles tim bai i kam salensim ol Lae Bombers long

dispela inta siti resis. Em i singaut tu olsem ol sapota bilong tupela tim ya husat i laik sapotim tim bilong ol i mas sapot long gutpela rot tasol na noken mekim birua i kamap long bagarapim pilai.

Em i tok olsem long sait bilong ol Bombers ol i redi tasol long winim ol pilai bilong ol na i gat strongpela bilip olsem ol Bombers bai pinis long wanpela gutpela posisen we ol sponsa i ken lukim na amamas long ol.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.